



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5027/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5027/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5027/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5027/A



K

N. VI 16/p  
Can: 25-20.

*Sanguis. fil. 1. (hinf. 1. Vol. 1.*

Ex Libris


Dr. Ernst Darmstaedter.




5027/A

3.












70878  
IO. FRANCISCI  
P I C I  
MIRAND. ET CONCOR.  
D O M I N I

De Auro Libri Tres.

OPVS SANE AVREVM IN QVO  
*de Auro tùm æstimando, tùm conficiendo,  
tùm vtêdo ingeniosè & doctè differitur.*

CVM EXPLICATIONE PERVTILI  
& periocunda complurium, tam Philoso-  
phiæ, quàm facultatis Medicæ arcanorū.



FERRARIÆ,  
Excudebat Victorius Baldinus  
Typographus Ducalis. 1587.





IO. FRANCISCI

P. I. C. I.

MIRAND. ET CONCORD.

D. O. M. I. N. I.

De Anno Libri Tertii.

OPUS S. A. L. V. E. A. R. D. E. M. I. N. I.


De Anno Libri Tertii.

De Anno Libri Tertii.

CVM EXPLICATIONE PARSIVM

De Anno Libri Tertii.

De Anno Libri Tertii.



FERRARIA



Exemplar Venerabilis Patris

Typographus Barchin. 1587.



ILLVSTR.<sup>MO</sup> PRINCIPIS  
ET AMPLISSIMO S. R. E.

CARDINALI  
ALOYSIO ATESTINIO.



CAESAR CAPRILIVS  
*Perpetuam felicitatem.*



AEPENV MERO dum cum  
mulum tuorū erga me  
meritorum, Illustrissime  
Præsul, animo reuolui,  
cœpi mecum cogitare,  
vt aliquam obseruantia  
summæ erga te meæ si-  
gnificationem posteritati relinquerem,  
qua tantorum officiorum magnitudini,  
quoad eius fieri posset, responderem. Sed  
profecto non tantum difficile, sed difficil-  
limum fore perspexi. Non enim mihi ex-  
dit è memoria, quantum mihi ostenderis  
humanitatis, ac beneuolentiæ, cum viue-  
ret Illustriss. Eleonora soror tua obser-  
uantissima, mihiq; patrona amantissima.  
Non sum immemor munificētissimi ani-  
mi

\*

2

mi



mi tui cum me voluisti singulari Cano-  
nicatus dignitate decorare. Non deniq;  
oblitus verborum, quę post eius obitum  
amoris, & charitatis plenissima mecum  
habuisti. Utinam mea senilis conditio  
mihi pręstitisset, vt sub tuo patrocinio vi-  
uere potuissem, ac mori, nunquam equi-  
dem tam diuinum munus recusauissem,  
nec à latere tuo recessissem, simul, & quā  
te merito obseruarem, & quam in te co-  
lendo, tibiq; seruiendo nemini concede-  
rem, omnibus palām ostendissem. attā-  
men silentio non pręteribo studia, ac of-  
ficia; quibus omnes semper, & me pręfer-  
tim prosequutus es, dum Romam, ac Ty-  
bur, tui inuisendi causa cum Ill. Bentiuo-  
lis perueni, eū in ædibus Tiburtinis te è  
gravi morbo cōualeſcentem, sed adhuc  
paululū in lecto infirmum inuenimus.  
Primū. n. omnes hilari fronte, ac lato  
animo, vt tui semper moris est, hospitio  
accepisti; deinde alijs recedentibus illico  
me ad te reuocari iussisti, & prope lectum  
tuum sedere voluisti, vbi circiter horam,  
quibus verbis, quo vultu, & quæ mihi pol-  
licitus es, referre non facile est. Nouerunt  
uerū pariter Ill. Bentiuoli, & dum apud  
Te fuerunt, & cum à Te ipso recesserunt,  
qua munificētia, & liberalitate à Te ipso,  
& ab omnibus optimatibus tuis amplif-  
simis



simis viris fuerimus suscepti: Inter quos  
aderat Perillustis Prolomeus magnus  
œconomus, Reuerend. Manzolus Rhe-  
giensis Episcopus digniss. Valde Illustres  
viri Hercules, & Octavius Estenses Taffo-  
nij, Eques Roma, Eques Coloredius Cō-  
mendatarius, Eques Madius, Ill. Giliolius,  
Pignatius, Zonchius, Lombardinus, Bo-  
naciolius, & alij quàm plures, qui ob vir-  
tutis splendorem, & animi integritatem,  
apud omnes clarissimi sunt. Quæ omnia  
ita intimo cordi etiam adstuc hærent, vt  
nullum vnquam tempus, nullaq; vnquã  
obliuio possit tam insignem gratiam è  
memoria delere. Prætereo honores à Te  
collatos, & cōuiuium splendidissimum,  
tuo sumptu Romæ in amplissimis tuis  
ædibus Montis Iordani paratum, dum  
Te fauente Ill. Ioan. Bentiuolus adolescēs  
eximiæ spei, summæq; virtutis creatus  
fuit eques Melitensis, quo in loco discu-  
buere primùm ex altera parte in supre-  
ma mensa Ill. orator, qui persona Ill. præ-  
sidis Militiæ Melitensis fungebatur; dein-  
de post eum cæteri Heroes, & Ill. viri. Al-  
tera verò ex parte candidatus adolescēs,  
nosq; licèt reluctantes, ordine in eodem  
ornatissimi cœtus discumbere coacti su-  
mus: Postremò in inferiori loco mensæ  
maioris erga nos honoris, gratiæ, ac hu-



manitatis equites, & viri Ill. sedere iussi  
sunt, vbi Pincerna, Architriclinus, & alij  
quàm plures nobilissimi iuvenes mini-  
strabant. Quot genera dapum, quæ &  
quanta à peritissimis eius artis parata fue-  
rint ornamenta, quæ vina præciosa, qui  
fructus, quæ bellaria, quo ordine digesta,  
& qua pompa ordinata, si vellem singilla-  
tim recensere longa mea nimis valde esset  
oratio, & ab imperita vulgarium homi-  
num multitudine assentationis crimen  
mihi iniustum iri arbitrarer. Quod tamen  
vitium longè à me semper abfuit. Itaque  
hæc silentio inuoluam, & reuertar vnde  
digressus sum. Id verò est, vt pro tot, ac  
tantis in me collatis beneficiis ego Ho-  
munculus quam tibi referam gratiam,  
aut quid retribuam, prorsus ignoro. Quid  
igitur agam? offeram tibi saltem opus,  
cui inscriptio est de Auro, opus sanè au-  
reum, quod olim Ioannes Franciscus Pi-  
cus Mirandulæ, & Concordiæ Comes  
compilauit, vxoriq; suæ dicauit, vir sa-  
nè & eruditissimus, & eius tempestatis fa-  
cilè in omni doctrinarum, & scientiarum  
genere princeps: quod mihi postquam  
Picus naturæ concesserat, aliquot post  
annos perlegendum credidit Ill. D. Iulia  
eiusdem filia, & quondam vxor Ill. Sigis-  
mundi Malatestæ, quod, cum ipsa è vita  
exces-



excessit, fortè apud me relictum est. Ego  
verò sciens me non esse legitimum here-  
dem, manifestèque percipiens quantam  
esset vtilitatem, simul & voluptatem al-  
laturum, & verborum elegantia, & sen-  
tentiarum gravitate, si in conspectum ho-  
minum prodiret, coepi cogitare ne in te-  
nebris diutius iaceret. Publicè igitur vti-  
litati consulens, & tanti viri existimatio-  
ni, vt imprimeretur, curavi: eoque liben-  
tius feci; quoniam verebar, ne si fortè  
post meè vitæ cursum in alicuius inuidi  
manus peruenisset, illud sibi falsò ac im-  
pudenter ascripisset, ac arrogasset, actū-  
que esset de laboribus, ac vigiliis tanti, &  
tam præclari viri. Itaque & si multis distri-  
ctus eram negotiis, id tamen quod da-  
tum est temporis, libenter in eo recogno-  
scendo, & castigando impendebam. Plu-  
rimis enim erroribus scatebat, tam ex  
parte scribentis, dum author opus dicta-  
ret, quàm eius viri negligentia, cui opu-  
sculi illius custodiendi cura fuerat dele-  
gata. Multæ paginæ erant è propria sede  
translatæ, multæque adeo lacere, vt vix ve-  
rum sensum artificiali coniectura potue-  
rim elicere, quem tamen tandem perce-  
pi, & qua potui diligentia, vt quàm emen-  
datissimum in lucem prodiret, operam  
dedi. Quapropter cùm nihil aliud in præ-



senti in me fit, quo possim tuorum erga  
me officiorum, ac meritorum magnitu-  
dini aliqua ex parte satisfacere, hoc mu-  
nusculum memoris erga Te animi mei  
argumentum offerre decreui, quod tibi  
putavi fore gratum, qui & in indagandis  
naturæ arcanis solertissimus sis, & in om-  
ni virtutum genere ornatissimus. Qua  
de re, quanquam mihi latissimum cam-  
pum propositum video, vt nemini deesse  
possit oratio, tacere tamen satius esse du-  
xi, quàm pauca dicere. Tot enim sunt vir-  
tutes, & laudes, quæ de Te vbique non in-  
ria prædicantur, vt in eis recensendis non  
minus esset laboris, quàm si quis vellet,  
vel stellas cœli, vel fluctus maris enume-  
rare. Quis enim non diceret me tuam gra-  
tiam, qua me tua singulari humanitate,  
& clemētia, nimis plus quàm mereo pro-  
sequeris, expiscari? Tu igitur hoc munu-  
sculum hilari fronte accipito; quod pro-  
fectò quandiu apud me latuit, semper  
optaui, vt sub tuo nomine ederetur, non  
vt à detractorum morsibus illud defen-  
das, cū ipsum sese ab imperitorum in-  
scitiis, & ab iis qui, & Naturæ vires, atque  
artis præstantiam minime calent, facile  
tueatur: sed vt tanquam noua, pulcherri-  
maque sponsa, & multis dotibus ornata,  
Te duce ad suas nuptias prodeat. Ita vel  
nemo

nemo  
maled  
omnes  
modo  
noit  
lius  
se pro  
dign  
nem  
Sanct  
mequ  
Calen



nemo petulanti lingua audebit ipsum  
maledictis laceffere, ne te etiam, quem  
omnes obseruant, & venerantur, aliquo  
modo lædat: vel si quis fortè, quod Deus  
nolit, aliquid oblatrare ausus fuerit, faci-  
lius sub tuo nomine, ac auspitiis, & ipsum  
se proteget, & multi eius pro tua summa  
dignitate, summaque uirtute, defensio-  
nem capient. Vale Amplissime Præsul,  
Sanctæ Ecclesiæ firmissimum columen,  
meque, ut soles ama. Dat. Ferrariæ XV.  
Calen. Ianuarij. M D LXXXVI.

TY-



# TYPOGRAPHVS AD LECTOREM.




**V**M nuper ad me opusculum  
Ioan. Franc. Pici Mirandu-  
lani peruenisset, cui titulus  
erat de *Auro*, mirum in mo-  
dum gausus sum ob operis  
nouitatem, & pulchritudi-  
nem: Quod cum deinde per-  
legissem non potui non valde mirari, simulatque  
agrè ferre eius conditionem; cum illud perspexis-  
sem tot grauissimis erroribus vbique esse obrutū.  
Nec idcirco diligentiam, ac probitatem D. Ioan.  
Bapt. Somaschi viri ornatissimi, & in rebus suis  
solertissimi damnādam esse sentiam. non enim me  
latet, non licere hominem tot negotijs implicitum  
omnibus adesse. Sed potius ministrorum negli-  
gentiæ, quibus creditum est negotium, imputan-  
dum esse censeo. Quia in re plurimum operis, ac  
tanti authoris dignitati prodesse existimaui; si,  
vt denuo maiori studio imprimeretur, curarem.  
Quam quidem prouinciam eò libentiùs aggressus  
sum, quòd multis patronis meis, & viris doctissi-  
mis hoc demandatum fuit; omnibusque gratissi-  
mum fore cognoui. Itaque quæsito authoris exem-  
plari



plari à D. Cesare Caprilio Medico optimo, & dili-  
gentissimo, mihiq̃ue benignè ab eo concesso, ea di-  
ligentia, quæ potui, pro viribus maxima curavi,  
vt sub prælo poneretur; & rursus in hanc formã  
pro lectoris commoditate, ederetur; multa præ-  
termissa addendo, superflua expungendo, & plu-  
ra deprauatè posita castigando. Addita est insu-  
per epistola eiusdem Ioan. Pici ad Coniugem, at-  
que Epigramma in laudem Authoris, & operis  
huius; quæ antea prætermissa erant, vnà cum in-  
terpretatione Latina verborum Græcorum, quæ  
passim in opere reperiuntur. Accipe igitur can-  
dide Lector specimen mei erga te amoris; & li-  
bellum hunc castigatum, & sanè aureum lege,  
lege, ac perlege, qui tibi plurimum, credas mihi,  
tum solatiij, tum doctrinæ, tum denique vtilitatis  
est allaturus. Vale.



IO. FRANCISCI PICI  
MIRANDVLAE ET  
CONCORDIAE DOMINI.  
AD CONIVGEM.



T quidē non iniuria con-  
iunx posles queri quòd li-  
bros complures, diuersis  
de rebus, varioq; titulo,  
sæpe ad alios, ad te nullū  
vnquam miserim, nisi putassem hac in  
parte non deforet tibi cū primum se-  
se offerret occasio. Quidni istud face-  
rem? an si ad alios complura scripta de  
ijs, quæ ad animum propriè spectant  
dono misi, quædam, & quæ ad corpus,  
puderet, ne me nonnulla ad te mittere  
magnum virorum sequutus exem-  
pla? Dono igitur nunc tribus libris de  
bris de Auro, tum extimando, tum fa-  
ciendo, tum vtendo, gratius q; fortasse  
tibi externis de rebus munus hoc fore  
sum arbitratus, quàm de agro colen-  
do di-



do libros, quibus tamen olim vir magnus donauit vxorem. Nuper. n. cum à seueriotibus literarum studijs quædam obtigisset vacatio, mihi venit in mentem referendas esse literarum monumentis eas cogitationes, quas de auro mecum antè versaram, non constare satis arbitratus, cur id tanti fiat ab hominibus. Nec illos ferens, qui de eo per artem faciendo præposterè sententiam tulerunt, atque ob id sese censores prodiderunt, arrogàtia non minus quàm inscitia fretos, & alienę famæ leucuros nimis, qui etiam falluntur plerūq; eis in rebus, quas huc spectare necesse est, si ritè, & doctè de illis ipsis perpensio fiat. Erunt autem fortasse quæpiam iis in libris duriora, vtpotè quod sciam non antè discussa. Sed tibi tam ingeniosæ mulieri negotium ea non facessere putauerim, quādo & apud Aegyptias, & apud Hebræas fœminas inuentæ sint quæ de auro faciēdo scripsere, ne dum præcellentium ea de re virorum monumenta perlegerint. Quod si nonnihil difficultatis inter legendum adfuerit compensabitur



tur opinor utilitate percipiendi, no-  
stro quidem adiuumento, sensa remo-  
tione, & inuolucris plerunque conte-  
cta, quæ si vlli mortalium citra vela-  
men, tibi certè in primis aperienda, cui  
(si iocari licet) etiam natiua quadam  
prærogatiua poterunt esse perspicua  
magis, quando & paternus auus quon-  
dam tuus, & pater, nunc etiam frater  
Diomedes ex multis oppidis, quibus  
in Campania dominantur, & etiã Ap-  
pulia, id ex quo dignitas in successio-  
nem propagata est, & in quo sedem  
præcipuam elegerunt, nomen acce-  
pit à metallis inter quæ sibi iam inde à  
multis sæculis aurum primas obti-  
nuit.

ILLV-

ILLVST

D. A.

S.

M. E. L.



Ducet

Can neque

Tut apud

Hic pulchre

Perdidi

Hic natum

Et iam

Si malum

Singulis

At modum

Et me

Doctrina

Optat

Mirum

Setiam

Hic animi

Suorum

Educant

Vultu

Quod non

Quid

Si non

In se



ILLVST.<sup>MO</sup> AC REVER.<sup>MO</sup> D.

D. ALOYSIO ESTENSI

S. R. E. CARDINALI

AMPLISSIMO.

MELCHIORIS VIROLI

Theodoraniensis. Carmen.



Mnia qui primus docuit metirier auro,

Gentibus incultis utilis ille fuit.

Donec cacus amor paulatim crevit ha-  
bendi,

Perq; nefas tandem turpiter omne ruit.

Tū demū visū est, auri quā dira Cupido

Duceret humanum per mala cuncta genus.

Cū neque sancta fides, nec iuris candida virtus,

Tutaque nec pietas, religioū foret.

Heu pudor: hīc auro patriam, patriosque penates

Perdedit, & dominum vendidit ille suum.

Hīc natum infontem Priami laceravit ad aras;

Et latitantem vxor prodidit illa virum.

Si mala connumeres aurum quæ inuexit in orbem

Singula, sol referet terque, quaterque diem.

At modò, ne totum pestis se fundat in orbem;

Et magis, atque magis crescat ubique malum.

Doctrina insignes supera de missus ab arce

Optatam miseris attulit author opem:

Mirum quem genuit toti Mirandula Mundo;

Seclaque cui nullum lapsa tulere parem.

Hic animo, postquam sedes lustravit olympi,

Socraticaque domus nobilitauit opes;

Edocuit varias aurum conflare per artes.

Vilibus è rebus, materiaque rudi;

Quod neque purpureæ Pæctoli cedat arena;

Quod nec fert venis terra benigna suis.

Si tumida & sonides audax intrauit Iason

In frætâ, ut auratæ vellera ferret ouis:

Nec



Nec timuit dubijs se se committere ventis ;  
 Nec vasti expauit longa pericla Maris :  
 Tu modo contemnes tam clari muneris artem ?  
 Tu non hinc tantas accumulabis opes ?  
 Non hinc longa via est ; non ingens aquor arandum ;  
 Nec sunt aridum colla domanda bouum .  
 Quocirca huic cuncti cunctis intendite neruis ,  
 Vt graue pauperiem despiciatis onus .  
 Hac etenim Diuum , atque Hominum dignissima res est .  
 In qua impendatur nocte , dieque labor .  
 Quod cum contigerit , pellucens amplius aurum  
 Non erit , ut terris effodiatur , opus .  
 Per fas , atque nefas non ultra tendet auarus ,  
 Et nemo ladet iura , fidemque sacram .  
 Tantale tum poteris fugientia prendere poma ,  
 Et liquidi dulces sumere fontis aquas .  
 Improbata auarities latus diffusa per oras  
 Desinet , & quidquid duxit in orbe mali .  
 Anteferetque sacris nemo virtutibus aurum ,  
 Et nullum fuluus fallit in are color .  
 Non tamen illius diuinus corrueat usus ;  
 Vtile seruabit robur utrumque suum .  
 Tu , quamuis locuples sis Illustrissime Praesul .  
 Nec Phrygi cupias emulus esse Myda :  
 Nec sis munificus Calabrensi more , nec ulla  
 Res , sacra quam virtus sit tibi chara magis .  
 Hanc tamen alme Pater si non contempseris artem ,  
 Iam melius poteris condecorare tuos .  
 Nec tua tantillum capient araria damni ,  
 Nec messis minues horrea plena tua .  
 Accipite ergo omnes , latoque accurrite vultu ,  
 Atque auri ardentem pellite corde sitim .  
 Accipite , & docto Caprili reddite grates ,  
 Qui tantum tenebris eruit author opus .  
 Quod iuueni , atque seni , quod cunctis proderit aequè ,  
 Pauperibus , cupidis , diuitibusque viris .



IOAN. FRANC. PICI

MIRAND. DOM.

Concordiæq; Comitis

DE AVRO AD CONIVGEM

LIBER PRIMVS.

AVRVM NON SEMPER A PRIMORDIIS seculorum ipsiusq; inuentionis initio sic estimatum consensu nationum, vt res cæteras metiretur. Cap. I.



AVRVM, quod olim tantifacitū est, tantiq; nunc passim fieri cernimus, quā nā ob causam tam eximiam estimationem sui mentibus humanis inseruerit, insertamq; tenaciùs infixerit, mihi sepe coniux venit in mentem, vt exactius disputando cognoscerem: hinc. n. id uidebā tanta cura, & tam superuacanea queri solere, vt meritò priscis ab authoribus latine lingue nomen traxisse diceretur ab auertendis mentibus hominum, tantoq; studio quæsitum custodiri, vt iure dederit ansā grecis supplanè spicandi deductum nomen ἀπὸ

A 707



τοῦ ἀργύρου. quòd scilicet præ ceteris custodiretur,  
 indeq; thesauri vocabulū efficeretur. Parte alia  
 cūm vtile fortassis aurum videri posset, nullo  
 vero modo necessariū suapte natura, sed sola mor-  
 talium conspiratione progrediebatur animus vl-  
 tra percupidus, videlicet habendæ veritatis.  
 Atq; in primis recordabatur semper non fuisse  
 præfectum aurum ceteris, non metallis modò sed  
 alijs externis omnibus consensu nationum: nam  
 vel expressa, vel tacita seculorum omnium con-  
 spiratio, vt alijs rebus, quæ dicuntur externa  
 præponendum ipsum arbitrarer, mihi omnino nō  
 persuadebatur. nulla. n. inter primordia condi-  
 ti hominis auri mentio, quin & literarum monu-  
 menti antiquissimis relatum est, sine auro per-  
 multa secula vitam homines agitasse; Nec defue-  
 re, qui scripserint paulò ante troiana tempora in-  
 ventum aurum ab Eaco, & argentum ab Indo  
 Scythiæ Rege, & qui retulerint acceptum Thoā-  
 ti, Eaciq; & Erichthonio, & qui Soli, & qui  
 Vulcano, & qui èt Chryso, cuius opinionis fuit  
 Hippocrates ratus ab inuentore τὸν χρυσὸν hoc  
 est aurum cognominatum. sciebam quoq; prodi-  
 tum memoriæ aurum in vsum nō habitum in Eu-  
 ropa, multoq; minus conflaturā eius ante Phæ-  
 nicis Cadmi tempora. Quid? quòd auctis etiam  
 græcorum florentibusq; rebus tantum auri non  
 potuisse tota Græcia Corradi (retulit Athenæus)  
 vt inaurari caput posset Apollinis amyclei: Tan-  
 tamq;



tamq; raritatem eius, simul & caritatem apud  
 Philippum regem fuisse, vt bene sibi actū duce-  
 ret aurea phyla, & ea quidem paruula potiri,  
 quam, & sub cervicali recondere, si vera mo-  
 numentis literarum mandauit Duris Samius,  
 quem Philippi morem summæ licentiæ miror  
 adscriptum à Plinio, cum in aureum Philip-  
 pi poculum inueheretur: Abfuerat tantum  
 Græcis, vt id metalli colerent, quod etiam le-  
 gibus vtī vetuerint, illud ex historijs planè co-  
 gnitum est, sine aureis argenteisq; numis & ste-  
 tiſſe, & creuiſſe, Iacedemona procubuiſſe, &  
 corruſſe, cum sub Liſandro manubias captis  
 Athenis aureas admiſiſſet: Accedebat Plato,  
 qui ſuis in legibus prohibuit aurum ab vlllo pri-  
 uato poſſideri: Atque idem etiā de argento pro-  
 mulgauerat, occurrebat illius animo fortasſis ra-  
 riſſimum quondam in Græcia fuiſſe argenti atq;  
 auri vſum, ſolisq; in templis id videri ſolitum.  
 Nec niſi in tripodibus & imagunculis, quas  
 primum Lydiæ Reges Gyges, & Croeſus, dein-  
 de Siculi tyranni poſuiſſent, Mox Phoceniſibus  
 delphos populantibus id metalli per Græciā quo  
 quomodo vulgari cæpiſſe. Nec non ad auri mi-  
 nuendam æſtimationem illud mihi ſuccurrebat,  
 quod apud Hebræos in eius copia metalli ſit in-  
 uentum æs, auro præſtantius; Modò retulerit uē-  
 ra Iosephus in ſeptimo & in vndecimo antiquita-  
 tum: Veniebat etiam ad memoriam mandatum



esse hystorijs ipsa in Italia castris suis interdixisse spartacum, ne quis aurum haberet, aut argentum. Et post innumera tot seculorum curricula perseuerasse apud nonnullas Asiae, & Aphricae gentes, ut alię paruo duxerint aurum, alię pro nihilo etiam habuerint, ac in India, quæ putatur auri feracissima, si de ea parte, quam vicit Alexander Macedo, faciamus mentionem, non fuisse aurũ ex eius rerum gestarum Græcis scriptoribus accepimus, tamet si direpta Perside tantum auri nactum regem ipsum, vt ad illud conuehendum vix fuerint satis mulorum trigintamillia. Colligamus igitur conuenisse quidẽ mortales, vt aurum nimio plus æstimarent, cur autem conuenerint non constare, nec ratum semper statumq; fuisse, vt omnibus in vniuersum nationibus placuerit aurum mensuram esse rerum ceterarum.

---

QVOD NON TANTI VT FIT  
Ducendum sit aurum ex vtilitate  
derei natura petita. Cap. II.

**M**inimi verò ducebam argumentum, quo persuadere vulgi hominibus quidam sunt adnixa plurimum esse vsui mortalibus aurum. Nam cõtra ipse ferrum obijciebam, sine quo nec agricultura consistit, ars non minus necessaria, quam



quam communis; Atq; , vt ait Xenophon, omnium artium mater, & nutrix, sed nec ædificatoria satis extruitur, nec nautica planè custodit, vt omittā militarē, quæ tametsi nocet quibusdā, nō tamē omnibus. suffragabatur statim nobis hemistichion illud, ferroq; nocētius aurū, atq; dictū aliud, nō absimile, auro ferrū inter bella gratius.

Proximumq; huic accedebat id elogiū proscissum esse conuitijs aurum ab optimis quibusq; , & ad perniciem vitæ repertum, subinde quoque recordabar & miratam olim vetustatem, & indignatam simul, quod prius tenuerit aurum, cum id eludere niteretur sub Midæ fabula; cui nihil omnino solide opis ad vitam congesta moles auri præstitisset. Porro vsus in rebus commutandis pollens causa non fuerit auri tantopere æstimandi, cum antiquissimi Reges, non aurum & argentum, sed es planè signarent, cuius rei ferunt inuentorem saturnum, à quo sit etiam nuncupatum ærarium, quod Cæcilio Cipriano placuit, quamq; scribunt alij signandæ monetæ principē fuisse Ianum saturni æqualem, & hospitem, qui nanim, qua vectus ille fuerat numis impresserit, apud Romanos quoque primum æri fuit inusta nota, deinde argento, & aliquot post annos auro, quandoquidem primus Romanorum septē Regum Seruius inussit eri notam, primus consulum Fabius argento, mox & aurū quoque signatū.



QVOD AESTIMATIO PRAE-  
cellens auri non pendeat ex me-  
dicina. Cap. III.

**Q**Uæ verò de medica facultate sumebantur à me, contra me ipsum Epicheremata quæ piam communia, & ex letitia, & ex ope temperamenti corporei de longinquo ducta pro me quoque ex eadem facultate desumebantur, contraria quandoquidem ex aggestis aureis numis illa letitia est tantisper, dum subit animum divinitis posse alia quæ sibi placeant numorum erogatione comparari, sed imaginationis, & cogitationis, & animi hoc proprium est, non temperature corporeæ, quæ de crassa feculentaq; materia dissultat: huc accedit, quòd multa sunt quæ humanæ corporum temperationi prodesse dicuntur magis, atq; etiam à medicis antiquioribus laudata magis ad vitam refocillandam, & vires aliquo modo sufficiens quorū facilius multò minoriq; impendio compotes efficimur. Neque enim vlla metalla nutriunt, ut est apud peripateticos antiquiores receptum: Nequeunt enim coqui sic, ut in carnem vertantur, & sanguinē. Quod & comprobatum est experimentis eorū, qui bellorum turbinibus, & regionum vastitate perculsi, subterraneis in specubus occultentes se,



se, numos aureos complicatos instar Catapotij di-  
miserunt in ventrem, Mox eos suo pondere, suo-  
que colore compererunt. Et si quid forte depe-  
runt absumptumq; fuit innato calore, id quidem  
parum alioqui optimum extitisset vitæ remediū  
Iudeis, dum Hierosolima obsideretur ad Titum  
Cesarem confugientibus, si aurum conquoquere-  
tur, sic uti nutriret deglucientes, nanq; nō fuis-  
sent ab auarissimis Assirijs, & Arabibus dis-  
secti, ut aurum, quod ante demiserant in ven-  
trem eorum, in visceribus inuenirent. Quorū  
tam ingens numerus, ut vna nocte duobus homi-  
num millibus sint intestina concisa, cuius rei au-  
thor est Iosephus. confirmator Egesippus. mise-  
ris igitur illis in ventriculo condebantur aurei  
numi, tanquam in arca, non sumebantur ad fa-  
mem tolerandam, quoniam diffusi iam per totū  
corpus, & modificati fuissent cæterorum instar  
eduliorum. Quid? quod nec odore quoque mul-  
cet aurum, nec sapore fouet eos vapores, qui de-  
humanis tolluntur corporibus, à medicis spiritus  
nuncupati, quin etiam ingrato sunt sapore me-  
talla omnia, & odore sulfureo, atque ideo non  
possunt quoquomodo non obesse ijs, qui ægrè de-  
cumbunt, tantū abest, ut abeuntem animam  
suo delinimento retineant. Extat magni Al-  
berti sententia generatim lata, sapores, & odo-  
res omnium metallorum esse quoquomodo fæti-  
dos, tametsi ut minimum odoris, ita minimum



insit fetoris in auro, propter coalitam sulphuris  
 in temperatione ipsius eximiam subtilitatem.  
 sunt autem quæ & olfatu non solum, sed gustu  
 magis opitulentur sanis æquè, & ægrotis, ac mi-  
 nori quàm aurum precio veneant. Cum verò  
 sese ingereret memoriæ Plinium scripsisse quon-  
 dam vulneratis aurum applicari, & infantibus  
 contra veneficia, vt minus nocerent, alijs quo-  
 que non nullis opem ferre, Non excidebat etiã  
 memoria, plures ab eodem Plinio (si magno il-  
 le præiudicio nobis esse quiret) vituperationes  
 auri quàm laudationes esse perscriptas; Nec non  
 illum mandasse chartis auro virus quoddam in-  
 esse eamq; in primis ab eo proditam recordabar  
 clausulam, cui enim fodiendi causa medicina? à  
 qua si non excludit aurum postea aliorum certè,  
 vt ei mos perpetuus id factum est, autoritate.  
 Citat. n. Varronem, cuius tamen ætatis vir, &  
 in medica materia præcipuus, Dioscorides nul-  
 lius ex auro medicinæ protulit experimenta. Di-  
 xi etate Varronis Dioscoridem vixisse, commu-  
 nem secutus opinionem, & Suidæ monumenta,  
 & scio esse, qui malunt ætate Plinij fuisse Dio-  
 scoridem propter Lienij Bassi mentionem, sed vel-  
 lem eos animaduertisse, vixisse quoque Diosco-  
 ridem Arrij tempore, cui dicat volumen de sim-  
 plici medicina, Arrij dico non eius, quem de a-  
 spiratione Catullus irridet: Nec eius, qui nostræ  
 religionis hostis acerrimus blasphemias in Chri-  
 stum



stum Dominum pernicacissime iecit, sed eius qui  
 Alexandrinus pariter fuit, & Augusto Cæsa-  
 ri post partam victoriam de Antonio & Cleopa-  
 tra magno est habitus honore. sed siue antiquior  
 Plinio Dioscorides, siue æqualis parum videtur  
 referre; Varro certè triumvirali proscriptione  
 consumptus est; & sub Antonio triumuiro flo-  
 ruir ipse Dioscorides, à quo deinceps Grecia, La-  
 tium, Barbaries, medicam materiam accepit,  
 atque id quidem priori damus opinioni: postero  
 ri verò, quod apud Plinium Dioscoridis est mē-  
 tio, siue antiquioris, siue proximi, siue man-  
 is æqualis. Hic sanè Dioscorides cuiusvis seculi vir  
 fuerit, multa tradidit proprijs capitibus argen-  
 ti viui, æris, ferri, plumbi medicamenta, non  
 auri: Atque eius etiā vix meminit in hydrargy-  
 ro, ea de causa, quod si haustum fuerit, nocuerit  
 que, ei malo auriamenta succurrant, atq; hoc  
 inter tractandum medicam materiam. Dum ve-  
 rò differit de venenis aconito dicit repugnare  
 merum in quo cadens aurum sit extinctum, at  
 hoc non illi proprium dicit, sed communem esse  
 medelam argento, ferro, ferriq; scorie, quæ tan-  
 tundem polleant, idq; Paulus Aegineta reci-  
 pit differens de venenis. Galenus longè iunior  
 Dioscoride, neque de potestate simplicium me-  
 dicamentorum differens, neque de cōpositura ip-  
 sorum, auri meminit, quantū ipse meminero.  
 Nec ignoro Nicandrum Colophonium cecinisse  
 in



in tur-  
bido  
pocu-  
lo.

in Alexipharmacis aurū vel argentū prodesse  
nam siue quòd Poeta fuerit, siue, quòd à Diosco-  
ride, & Galeno, tanti factus non sit, vt eius te-  
stimonium ac in causa pro legitimo citaretur, si-  
ue quod argentū æquè ac aurum, ἐν πώματι θολε-  
ρῶ scribit valere, parū videtur habere momē-  
ti; Nam signat turbidum effici liquorem me-  
tallo, eundemque potari. sed ego tamen non ab-  
nuerim aurum medicam vim obtinere: sed quā  
tula quæso portio reperietur, si conferamus id  
innumerabilibus rebus, quibus inest potestas  
medendi, abigendique venena? par sit de argen-  
to, iudicium. Quod si nec medicæ fert opem fa-  
cultati, nec voluptati confert. Vnde quæso il-  
la communis tot vasorum siue aureorum, siue ar-  
genteorum conquisita per tot labores aggestio?  
Videtur enim mensa argenteis saltem vasis in-  
structa designari nobilitas: At Vitruuius in o-  
ctauo libro, de aquis differēs ad calcem cūm me-  
minisset, ostendissetque plumbo inesse vitiū, pro-  
ptereaque fistulis eius aquas infici, planè subiun-  
xit saporem argenteum solere vitari: Cūm ij qui  
extructas haberent argenteorum vasorum men-  
sas, tamen propter saporis integritatem fictilibus  
vti consueissent. Quibus certè consentiunt mul-  
ti nostrę tempestatis principes, qui posthabitis  
ad mensarum vsum argenteis, & crateris, & pa-  
tinis, præoptant sibi ad ferculorum mundiciem  
fictilia vasa ex India, Aethiopia, Aegypto com-  
portata,



portata, quæ si defuerint, prusiaca malunt ex Bythinia conuecta, tametsi non sint figulis natigenitoribus, ut ille de Agathocle cecinit, qui propterea samia vasa pretulerit argenteis. Iam triumvir Antonius, qui auctore Messalla in omnibus obscænis desiderijs nõ utebatur nisi auro, saporem auri non concupisse proditur. reieciße autem videtur Popeia Neronis, quæ soleas ex auro suis quadrupedibus nobilioribus induit. Non ignoro medicos Arabas mandasse litteris, aurum quanquam non nutrit, mulcere tamen oculos: Addo ego & imaginariam vim ratione iã explicata, tantum ne igitur faciendum, ut metiatur omnia? cordis tremori opem ferre quomodo credam naturali vsus ratione? neque enim consequitur, ut antea dicebamus, ut frustra videatur illa verba Nicandri. ἐν πυρὶ βάλλας.

in igne  
conco-  
quens.

## EX POTABILI AVRO NON pendere præcipuam ipsius metalli nobilitatem. Cap. IIII.

**H**æc ego non decernendo, sed disputando perstrinxerim quando & potabili auro dicuntur uti quidam ad omnes tollendas egritudines, & sanitatem tuendam, atque ad vitam quãtùm per vires nature licet prorogandam. Ego verò, ut id non abnuerim sic asseruerim posse id ipsum



ipsum ab ijs, qui contradicendi peritia pallent in controuersiam duci, fortè dicent constare satis apud eos qui propinant aurum; id quidem propriè non potari, sed eius portionem subtiliorem purioremq; coniunctę essentię nuncupatione signatam. Verùm super ipsa quinta essentia corporum superiorum, cùm multa sint bella pugnata inter maximos philosophię duces, quorum milites adhuc confligant, à quò nam steterit victoria certè non assentiuntur Platonici, & peripatetice scholę, cuius principem optasse potiùs illam quintã naturam quàm probasse contendūt; nec sine admissis quinq; suppositionibus quicquã habere iurium, & si cælo inquierent eanõ conceditur concedetur, ne ijs, quę sub cælo sunt de elementis coalita? Nam siue ex melle, siue ex sulphure, & hydrargyro, siue ex aqua stillati meri, siue ex terra quadam secreta, seu mauis ex nobilissimo quodam genere calcanti, per multos traduces attenuati, potabile collegerint aurum, subtiliorem inde vim detrahi fatebuntur; Quintam essentiam detrahi non assentientur, quam si corrogare illi voluerint ex effectibus elementarijs, quos in ea non reperiri predicabunt; presto erit responsum, vt contendant illos apparitionē pro re suggere concursibus quoque causarum diuersis, & in vnum conflatis atque refractis tribuent effectus, quos & alię res promere queāt. Deinde si gratis id condonent peripateticis quomodo



modo alteri eorum dogmati non obnūciauerint, idest ex metallis animalia non viuere? Verūm, ut rixantibus inter se medicis finiendam litem relinquant, sic asserent quascumque rationes ad hanc diem perpenderint potabilis auri faciendi eas quidem ad aurum per se bibendum non per-tingere: Liquet enim ab eis solere deduci aurum in cinerem, seu calcem dicere maluerint, quod multis fit modis, adeo ut reducere in pristinam formam, si fortè libuerit, aut nullo id modo possis, aut egrè, si quidem abscessit humor, quem si funditus dēmpseris, aurum sustulisti. Est Aristotelis, Theophrastiq; decretum, metallis omnibus sic inesse liquorem, ut eo constituatur ipsorum natura, & à natura lapidum aperte dirimatur. Igitur adiicient ipsi, non bibetur aurum sed eius rei, quæ fuit aurum, portio liquore dissoluta extraneo, cui potestas insit intermolendam, attenuandamq; auri calcem, quidpiam excerpere, quod bibi possit, sicut etiam in gemmis pollicentur, quas bibi propriè non posse nemo est qui nesciat; quod si dixerint defensores alijs etiā modis aurum liquefcere, non inficias quod iuerint oppugnatores, sed asseruerint id fieri vel aquis consumptricibus, accedente sale varij generis, vel succis mordacibus, ita ut vis inferatur auro, tollaturq; de sua sede, quam ei fuerat largita natura, proinde cōtendere quicquam nō adquire illum, propterea ut constituatur hu-  
mane



manē fouendę nature syncerius. Nam si de auri natura in se se mentionem habeas, ea non erit apta nutritioni, quemadmodum antē deductum est ex peripato, si de admixta loquaris natura, ea etiam ipsi dicent, te iudice non erit aurum: constat enim propinari liquorem, qui guttatim ex vitreis vasis fluxerit, dum ignis calore vapores in sublime delati vertuntur in aquam, & alia misceri, quę de reliqua petuntur medicinę facultate: id verò si vel aurum sit, vel gemmas bibere, cur non ij dicentur excrementa bibere, qui bibunt uinum eductum solo excrementorum varia congerie ad id muneris pinguefacto? Egi causam eorum, qui aurum potabile vellent disperdere, quod ego quidem colligere maluerim, & optarim egregiē posse ad nostri corporis aliorumq; salubritatem, precipuē cūm satis constet Antonium chirurgum nostrum superioribus annis matronam ex foro Cornelij pthisi morientem paucis diebus ab ipsa tabe liberam sanitati pristinę restituisse, solo potabili auro, quod ex ipsius patris Nicolai, cuius mētio fiet libro tertio consecerat disciplina. qua de re mihi sermo futurus amplior in eis voluminibus, quę inscripsi de venenorum remedijs, & adhuc sub incude premuntur, sed sit collectum aurum, sit etiam potui datum ad salubritatem, fortassis inde manauerit tanta nobilitas auri, tanta conquirendi eius fames & rabies? Cūm libra vna eius metalli soluta in humorem



rem, vel vni non Regi modò, sed regioni mederi queat, & inter mille mortalium Miriadas uix inuenias quindecim viros, qui aurum potabile quærant, & inter illos uix duo sunt, qui potio-  
nis aureæ conficiendæ scij, gnarique sint.

## QVOD ET AVRI PURITAS

Et diuturnitas propriè, non sit causa ut fiat ab hominibus tanti.

Cap. V.

**I**Am si puritas auro præcipuam authoritatem conciliaſſe credatur, cogitemus hac in re subeſſe fallaciam, ſi quidem & ſordet, & tingit minus fortè quàm cetera metalla, ſed tingit tamè, & contrèctantes inquinat propter ſulphur, quod non ei ſolùm qualitate miſcetur, ſed ipſa ſubſtãtia, vti prodidit Albertus literis, & conuincitur experientia, proindeque fortassis Aegyptius Hermes nomine ſulphuris aurum expreſſit. Nũque ſo uiri quàm auri maior eſt puritas; vt hinc princeps ille Romanus formidauerit ne ſi flecti poſſet, vt cæperat, & malleum ſuſtinere perſeueraret, primas eriperet auro partes, & omnibus metallis viam præcluderet in mercimonijs; At diuturnitas eius celebratur, ſed ſuccurrat menti diuturniores eſſe lapides, & maiore habitos precio, qui nec ſentiunt limam, nec ignem, nec vlla omnino contrahunt recrementa, nec ſordibus



dibus maculant contrectatores, quæ nequeunt  
 euitari si triueris diutius: At funditur aurum,  
 non funduntur lapides: num hoc omnibus metal-  
 lis commune? quæ cum propterea in usum nu-  
 mismatum fuerint recepta, ut sint in commu-  
 tandis rebus tanquam vadimonia, post positum  
 quæ aurum hac in re fuerit olim æri, & argento  
 videtur id ipsius detrabere gratiæ, et detrabere  
 utilitati. Nouimus. n. quod antè subindicauimus  
 relatū esse monumentis literarū, ex Romæ primū  
 à Seruio Rege signatum fuisse, & Pop. Rom. ne  
 argento quidem signato usum, antè Pyrrhi bel-  
 lum post annos circiter sexcentos ab vrbe condi-  
 ta; Quandoquidem sub Fabio consule indita est  
 ei metallo nota, mox & auro, elapsis annis plus  
 sexaginta, populus idem victæ Carthagini, cete-  
 risque nationibus imperauit, ut penderent ar-  
 gentea tributa, non aurea, ut non solū diutur-  
 nitas metalli, sed eius usus in causa esse nequeat,  
 cum & ex signatum, & signatum argentum diu-  
 turniora etiam sint habita penes externas natio-  
 nes, sic transalpini, Galli communi argenti no-  
 mine pecuniam signatam expresserunt, à princi-  
 pe philosophorū Platone minus æstimatam, quip-  
 pe qui legem tulit ei, quam instituebat, ciuitati,  
 ne preciosis uteretur numis, sed talibus ut  
 contemneretur à ceteris gentibus, ne in congre-  
 gandis aureis & argenteis insaniret. Atq; hinc  
 fortassi sà Lyrico cantatum est aurum & inuti-  
 le, & summi materia mali.

FVL-



## FVLGOREM NON ESSE IN

causa vt aurum precio rebus aliis  
antecellat, siue quia allec̃tet o-  
culos, siue quia non dete-  
rantur, & dilatentur.

Cap. VI.

**S**Ed oblec̃tat inquit oculos auri color suauis,  
Plinius negauit hoc, & illi argentum ante-  
tulit fulgore qui sit diei similior, & militaribus  
signis, quoniam longius emicet familiarior, Ne  
que aurum similitudine syderum, ceteris prela-  
tum metallis arbitratur, cum & in gemmis, alijs  
que rebus color ille non sit precipuus, tantum  
absuit, vt auroræ colorem, vnde quibusdam pla-  
cuit aurum nuncupari cœpisse preferret omni-  
bus, cur autem id credidisset in causa fuisse no-  
men claturæ, cum rescire facile potuisset non di-  
splicuisse bonis authoribus, à Sabinorum lingua,  
qui dicebant, ausum, vna permutata littera trā-  
slatum vocabulum fuisse, vt cumque fuerit, o-  
culos Plinij plus auro delectabat argentum: qua  
in re si quod scripsit, sentiebat, improbari non  
potẽst, sed censuram planè perpeffus est, cū pro-  
didit aurum pondere superari à plumbo: recla-  
mant enim posteritatis experimenta dum verò  
minimum auri deperire vsu censuit, meminif-  
se

B

se



se poterat digitorum attritu, & aureum consu-  
mi nummum, & annulum, & quod minimum  
est, non esse nihil: fuere & qui aurum ab igne  
nullū pati detrimentum rati sint, Aristotelis in  
tertio metheororum authoritate nixi, quæ qui-  
dem authoritas, aut non solida est, aut non ritè  
percepta. conuincitur enim experimentis, ha-  
bet suum minui auri pondus igne vehementi ma-  
ximeque diuturno proditum quoque litteris, &  
ætate nostra comprobatum est, aurum vane-  
scere in igne positum quodam permisto puluere,  
quo non vr bani modò, sed rustici, atque eorum  
mulierculæ possunt abundare, compertum item  
parua re in hominum usu præcipuè versata detra-  
hi fuluum colorem auro, nec vnquam reddi  
posse, vbi semel detractum est manente colore  
aureo apud eum puluerem, cuius iniectu ruti-  
lus ab illo fulgor abscessit; Quod verò late dila-  
tetur, & texatur in telas aurum hoc illi est cum  
argento commune. Denique ne longius euager,  
quicquam non reperi, quod sic solida basi nitere-  
tur, ut inde trahere possēt gentes desiderij sui va-  
lidas rōnes in auro tantopere estimando, idq; tā-  
auda siti perquirendo, vt quidam propterea se  
met in excavatos montes inferrent: Nonnulli se  
se in profundissimos specus, quos appellant pu-  
teos, demitterēt, alij ex fluminibus ramēta eius  
colligere satagerent, alij ad extremas Indiæ pla-  
gas, vel per exustam solibus Aethiopici litoris  
oram,



oram, uel per Zephyrū in auroram ad Antipodas nanigarent, nec id quidem ut vel aurum obrizum, greco nunc utor vocabulo, pararent sibi vel colophone quondam elaboratum, vel uti nunc solent Lutetię Parisiorum, sed rude corpus auri crassamque materiam, proinde non temere inuenies quid homini auido cuiusque rei naturę cognoscendę satisfaciatur: unde tanta sit eius habendi cupido, cum non tanti sit eius usus, quanti est precium; quo iam hominum maxima pars humana omnia dimittit, & ut non diuina sub eadem mensura clausisset.

---

QVOD AVRI PRAECIPVA nobilitas non pendeat ex sacris literis.

Cap. VII.

**I**Am nec estimationis precium de sacris literis pendebit: nam & si diuinitus in eis mandatum legimus, multa ex auro puro fieri debere ad iudaici templi cultum, solemnesque ceremonias. Item que sit cantatum a Propheta nouimus dabitur ei de auro Arabię. Meminisse tamen debemus eorum, que supra Iosephi testimonio signauimus, hoc est aliquod ex auro melius esse ex quo inter Davidis manubias inuento scripsit Salomonem in Templo fecisse vas, quod mare magnum appellaretur, Esdras Xersis

B 2 tem-



tempestate custodibus pecuniarum ex genere  
 sacerdotum restituisse uasa aurea, quę penderent  
 duodecim talenta, & estimarentur auro melio-  
 ra. Debemus etiam nouisse mysticis velamini-  
 bus a pro sapientia sacris litteris significari, ar-  
 gento eloquentiam, intelligentięque lumen com-  
 paratum, auro eo esse splendidius quo minus ter-  
 ream feculentiam admiserit, instar auri, quod  
 in Arabia solere nasci mandatum est litteris, sua  
 pte natura purum nullo ignis usu, proptereaq;  
 in igne <sup>non elabo-  
ratu</sup> vocatum  $\alpha\upsilon\pi\upsilon\sigma$ : ut est à Diodoro proditum  
 memorię. Nec sint ad presens delibata uti mit-  
 tam quod ea est Deus bonitate quod se se testan-  
 te, Chrysostomo demiserit ad humanam infirmi-  
 tatem multis in rebus, quę ad communes gentiũ  
 usus pertinebant? Quid? quod eisdem ex litte-  
 ris auri sepe reiectam & improbatam deprehen-  
 das estimationem; sic apud Oseam prophetam  
 aurum suum fecerunt sibi Idola; sic Petrus A-  
 postolus aurum atq; argentum nuncupauit cor-  
 ruptibilia; sic Iacobus aurum scripsit eruginem  
 cōtraxisse: ut propterea iure id nō mediocrē de-  
 beat admirationē parere in animis eorũ, qui e qui  
 sint rerũ estimatores; vnde nā tanta sit cupidi-  
 tas cū suapte natura aut nulla sit eius utilitas,  
 aut parua, aut certē non magna quando & alijs  
 rebus ea, quę auri sunt, inueniantur cōmunia,  
 & à multis, quas aurum metitur rebus egregie  
 superetur.

QVOD



QVOD AVRI NOBILITAS  
non pendeat ex concilianda ge-  
standi gratia. Cap. VIII.

**E**Nimvero quis tam habes, ut credat auri cō-  
quisitores quesiuisse gestatione illius, sibi gra-  
tiam conciliari? relatum enim est monumentis,  
sed inanibus ex auro, quo non esset ignem exper-  
tum, confici solere vnguentum cuius vsus gra-  
tiam magorum suasu cōpararet ijs, qui heliocry-  
so herba coronarentur? largitione, ut mihi qui-  
dem videtur auri, non gestatione conciliari gra-  
tia solet, invidia verò conflare ob aggestos numo-  
rum aureorum cumulos, tantum abest, ut amor  
& benevolentia propagetur, præter hæc quis  
nam mortalium magicis uanitatibus adstipula-  
tur, sic ut sciat unguentum illud aureum confi-  
cere, ut sciens eius artificij sit quorumcunque  
vel ex antiquitate, vel ex nostra græte, pro-  
pter eam causam querit aurum, tum si que-  
rat, quem nam reperies heliocryso coronatū her-  
ba, & vnguentum apyrometallo gratiam, per  
populos, & per aulas regias emendicare? Vnde  
nam igitur tanta increuit cupiditas auri ut nul-  
la euidenti causa compulsi homines, præter quā  
quod ita inter eos tacita quadam & minus neces-  
saria, & utinam non perniciosa conspiratione  
conuenit, ut aurum ipsum rebus ceteris omni-



bus anteponant, nec contenti vel specubus dalmaticis, vel callaccis antris, fluentumq; gurgitum aureis arenis, nec eis etiā navigationibus, quibus absque Salomonis tempestate petebatur aurum, curarit ipsum per artem fieri, domique tot labores pro auro factitio sepe non pauciores, aut leniores quā pro nativo navigationes & bella pleriq; susceperint: videmus enim plerisque non manibus modò nauare operam, vt per res metallicas igne adsito parent aurū, verū & cōpositiones innumeras cōquirere, vel singularia scrutari placita philosophorum, vt auriferos pulueres, lapidesq; conficiant, siue ij, vt vulgus loquitur, sint minerales, dici latinè metallici deberent, siue vegetabiles, hoc est ex herbis, & stirpibus, siue animales, hoc est ex animantibus educti, siue misti ex duobus vel tribus; siue conflati ex re communi vel aerea, vel terrea: vnde & metalla, & stirpes, & animalia duxerint originem. Audini enim inter viuos adhuc versari hominem, qui se iactauerit eius artis, legisse octingenta volumina, & præterea scedas innumeras excussisse, vt ad triginta septem millia compositionum numerus protenderetur, certè non vt conciliaret sibi gratiam eius gestatione, sed vt corrogatis, quæ sibi placerent compos votorum fieret, tanti est habendi auri apud mortales industria, tam vel nulla causa, vel debilis præter miserorū mortaliū nudū tacitumq; consensū.



23

IOAN. FRANC. PICI  
MIRAND. DOM.

Concordiæq; Comit  
DE AVRO AD CONIUGEM  
LIBER SECVNDVS.

QVID ACTVM, ET QVID  
Agendum, itemq; de artis, qua fit  
aurum, nomine. Cap. I.



*ACTENVS* disputatum  
sit de auro estimando; nunc  
de arte, qua confici possit  
disserendum est; solet enim  
uersari inter doctos, indoctos  
que, fieri possit an non possit  
questio; eaque multis facta  
disceptationibus, ad quas viribus tollendas, vel  
vt cunq; sedandas generatim, tum & in vni-  
uersum, non per partes atque minutias vtilitas  
me non mediocris inuitauit: interest enim homi-  
num R. P. ne in ambiguo sit eis in rebus per tra-  
ctandis, que & sint communes, & ante omniũ  
ora versentur. Primum verò nomen, subinde  
originem, demum potestatem artis indicabimus,  
per varias facultatis litterarię scholas, longè

B 4

latèque



lateque versatum. Ars igitur auri faciendi Chrysopæia græcis dicta, latinis eodem est etiam nuncupata vocabulo, mutando verò metalla in uniuersum, Chemia, est, appellata græcis, quos plurimum sequuti Arabes Alchimiam vocauerunt, definierunt autem græci, Chemiā, ut sit ea. n. preparatio faciendi auri, atque argenti. Nam quanquam & alia metalla per eam fiunt, à nobilioribus tamen atque præcipuis nomen obtinuit, ita ut etiam argyropæia, & Chrysopæia postea diceretur; Putarunt quidam à succis Chymiā nominandam, quibus Hermolaus barbarus videtur assentiri, sed veriùs à fundendo, idest à postremo ipsius artis officio, & quidem H. littera græca, quæ in. e. longum apud latinos verti solet pro refusoria dare litem videtur iureconsultis, metallicam artem dici posse, satis cōstat, eo quod metallarij & dicuntur, & vtilis R. P. indicantur apud leges ciuiles, ij, qui auro, argentoque parando solent operam dare, qua de re latiùs opere procedente communi nomine metalli, quo plura comprehendantur iuris interpretes, uti maluerunt, quibus etiam placuit eris vocabulo numos aureos indicari, quæadmodum scripsit Vulpianus, Sileo quod ab Alchimo nonnulli, sed nulla ut arbitror ratione deducendam putant nuncupationem, ut hinc Erasmus virum in litteris latè versatum demirer dialogum edidisse, cui titulus alchumistica; Demirer inquam illum sequi



qui vulgus maluisse, nec agnouisse articulū al.  
apud Arabes possim habitam, detraxisseque aspi-  
rationē, quę debuisset includi, si vel à fundēdo  
vel à succorū conficiendorū potestate vocabulū  
deriuaretur, Nec minus miror, immo longē ma-  
gis, vt pote nullo pacto cōponendā Erasmo, qui  
scripserit ea de re, nomenque refugeret & inso-  
litum quodam vocabulum excogitarit.

## DE ARTIS IPSIVS ORIGINE atque progressu. Cap. II.

**P**Rincipium artis, Vincentius Bellouacensis  
repetit à primo generis humani parente, per  
que varios traduces ad alios nonnullos apostoli-  
cumque dominicum peruenit, à quo ipse multa  
se fatetur didicisse. Alij Trismegiston Hermetē  
maluere Chemicæ principem facultatis lapideis  
in tabulis quibusdam scriptę, & ad hebron cini-  
tatem repertis, Nec defuere qui scriberent in  
deserto Sine reuelatam diuinitus hebreo cuidam  
viro, sed tantummodo generatim ad opus taber-  
naculi fæderis constituendum; Ego verò quan-  
tum à gręcis latinisque authoribus colligere po-  
tui, comperio artem antiquissimā quidem, sed  
paulò ante Troianum bellum, vt potè vetustis-  
simis illis gręcorum temporibus eius mentionem  
sub inuolucris fabularum & enigmatum nebu-  
lis indicatam, sic Eurysthei mala cupientis au-  
rea



rea inßum Michael Psellus interpretatur, sic Iasonis in colchos nauigatio declaratur apud Suidam, vt non aurenam Phryxi pellem, sed membranam arietinam, qua faciendi auri facultas describerentur, quæsitum ierint argonautæ quāquam non me fugit Varronem id tribuisse velle-ribus pecudum, Strabonem hirsutis pelliculis ouium, quibus auri colligerentur ramenta defluuijs. Verū enim uerò maluerunt membranam fuisse non vellus, non hirsuta terga pecudū vetustiores greci, inter quos & Charax, & Apolonius & postea colchicæ nauigationis interpretes & Eustathius, qua de re latiū inter narrandam experimenta, sat sit ad præsens indicasse multis authoribus existimatum sub fabulosis velleris aurei tegumento descriptionem significatam auri per artem faciendi, sic & Atrei agnum: ita enim loquuntur greci tragædiarum scriptores, & latini, quorum Cicero meminit, arietem verò non agnum Seneca nuncupat. sic inquam nonnulli interpretantur Atrei nuncupandum agnum, arrietemue, vt descriptam potestatem auri faciendi lectoribus insinuent; Nā Atrei, & Pelopis opes ex metallis fuisse scriptum reliquit Callisthenes Olynthius. Aristotelis & discipulus, & consanguineus, quas opes alij ex vna pecude Varronis exemplo derivatas volunt: Alij ex argentea phiala in qua consertum esset emblemata, sic vt à pro hoc est agnum



gnum in se se contineret. Ceterum ars faciendi  
 auri grecis authoribus ferenda nè accepta sit, an  
 à Persis Aegyptijs, ceterisque nationibus, quæ  
 orienti Soli propinquiores habeantur, manue-  
 rit, non satis habeo compertum; Quamquam &  
 in Persis hostanem, & in Aegypto Tamorum  
 quā morum Hermetē Chemica scripsisse prodi-  
 tum sit memoriæ perseuerasseq; Ἰνδὸν χρυσόπολιν  
 in Aegypto studium ex quo ingentes opes para-  
 te sint vsque ad tempora Diocletiani grecis mo-  
 numentis constat, quibus & Diocletiani, & Ma-  
 ximiani res gestæ continentur: id quæ etiam spe-  
 ctari datur bifariam in Suidæ collectaneis, pari-  
 ter quæ comperiuntur Democritum apud grecos prin-  
 cipem chemicæ facultatis in oriente versatum  
 ab Aegyptijs, à Persis, ab Indis, multa didi-  
 cisse eum inquam Democritum, quem Hippocra-  
 tes est admiratus, quem laudauit etiam Thimo,  
 quem Plato non est ausus incescere, quem virum  
 iure magni nominis Celsus appellauit. Ab hoc  
 fluxit Democritia secta quæ, & abderitica nun-  
 cupata est. Cuius inter Aristotelis interpretes  
 Michael Psellus non solum meminit, sed à se  
 reuelata scribit eius arcana, hic enim post Re-  
 thorica, Hystorica, Physica, Mathematica,  
 scripsit, & Chemica, nec non & Medica, quæ  
 Constantino Imperatori dedicauit, Olympiodo-  
 rus quoque Alexandreus & Platonius, &  
 Aristotelis interpres Chemica scripsit, scripsit  
 etiam

artis au-  
 ri faci-  
 endi.



et Heliodorus ad Theodosiū Imperatorē, scripsit  
 et Stephanus ad Eraclium Cæsarem, ut Afri-  
 canum, Cynesium, Theophylum aliosque præte-  
 ream, et ipsum etiam Zosimum Alexandream  
 philosophum, qui de arte composuerit duo de-  
 triginta volumina; Quorum omnium præcepta  
 solent in Democritum planè referri, qui fuit na-  
 ture solertissimus indagator, et beneficio longis-  
 simæ etatis. Nam supracentum vixit annos mul-  
 ta deprehendit quæ literatorum vulgus latuere,  
 scribebat autem sub obscure præcepta, non qui-  
 dem ea ratione ut videri nolet Chemicæ sciēs ve-  
 rum ut ea præcepta consecratis essent amicisq;  
 tantummodò nota, et ignota vulgo, prætereaq;  
 nouabat nomina ut ipsis duntaxat qui rem alio-  
 qui tenuissent deprehenderentur, atq; hinc non  
 possum non mirari cōtra Hermolaum barbarum  
 virum alioqui de literis benemeritum hoc scri-  
 bendi genus in Democritia schola solū dam-  
 nasse, et vel malignitati vel arrogantiæ retulisse  
 acceptum, meminisse poterat antiquitus vsq;  
 ab Homero diuersa rebus vnis indita nomina, et  
 alijs superos, alijs imos dictionibus uti consue-  
 se, et gentium antistites non eisdem quo vulgus  
 uti solere vocabulis, nec non facile fuerat uti re-  
 cordaretur qui certè legisse illum mi nimè dubi-  
 to laudatissimum et præcipuum fuisse in omni  
 seſta, quæ inter alias apud philosophos præcel-  
 lentior haberetur, ut occulerent sua dogmata,  
 apud



apud Pythagoricos, maximè, & Heraclitios, nam illi silentio & symbolis utebatur, hi ut Plato scribit enigmatibus, & eis qui declarationem quererent enigmatum, enigmatibus alijs respondabant. Plato quoque velamentis plurimis sua dogmata connexuit, imitatus & ipse Syros Palestinos, quorum mos authore Hieronymo erat parabolis uti, ut innumera sileam, quibus etiam refelli Barbarus posset, ni sumatur inde ausa defensionis, quod non ediderit ille corollarium emendaturus, si quid inconsultius adnotauisset, tanti autem faciebat suæ philosophiæ arcana prisci illi sapientiæ cultores uti prophanis, uti multitudini ne utique fieri nota vellent: Depopulata verò Græcia, & post inclinationem Rom. Imperii desolata Italia barbararum gentium crebris vastitatibus cum receptæ colique ceptæ literæ fuissent à Mauris, & Arabum populis, in eam quoque linguam multa artis chemice volumina translata sunt, ex quibus & ipsi quoque Mauri, ii præcipuè qui Bethicam incoluere compilauerunt libros, & operam quoque & impensam non recusarunt, hinc, & Auicena, & Rhases, & Ieber, & Arabum denique philosophorum numerosa turba de rebus chemicis edidere volumina, quos aliquo post tempore, & Vincentius & magnus Albertus, & alij plurimi secuti sunt: sed enim defierat iam penè facultatis huiusce quantum



tum attinet adscripta celebritas, cum Arnaldus à noua villa citerioris hispaniæ, & postea Raymondus balearicus tum multis voluminibus, tum nouis inuentis, tum publicis experimentis rem iam penè dilabentem erexere, & illustriorē quā aliquot antè seculis fuisset, reddidere, quo factū uti quilibet vel paulò eruditior, & in rebus methorologicis apud Peripateticos inter disputandum versatus, vel paulò curiosior in exploranda natura rerum, vel faciendi auri paulò appetentior, occasionem sibi non deesse ratus dederit operam transmutationi metallorum, vel discende, vel docende quanquam ex neotericis Aristotelis sectatoribus, qui de arte disputauerit præter Timonem paucos inuenias: At qui artē confectis experimentis firmare tentauerit, numerosam, & communes ferre numeros superantem multitudinem planè comperias. tantus enim concursus ut ad imperitissimos quosque res deueniret. Vnde & inanes irritique conceptus passim ostentabatur: proptereaque cæptum dubitari, vera ne ars an impostura censenda esset auri per artem conficiendi pollicitatio, cū ex vanis promissis patrimoniorum detrimenta conspicerentur, ex detrimentis non difficillimus esset lapsus in crimen furtiue monete: quam ob causam Veneitijs aliquādo interdictum Hermolaus est author, ne quis experiretur aurum facere, eisdem etiam causis inter eos, qui de moribus serunt sententiā christiano



christiano ritu, summasque de licitis, illicitisq;  
 conficiunt disputationes multę, vetanda ne fa-  
 cultas esset, an admittenda? Vt sepe fieri solet,  
 cum prauı vel doctrinę cuiuspiā professores, vel  
 nocenter aliquot negotium alioqui licitum exer-  
 centes numero solent excrescere, sic olim Rhetor-  
 es à Lacedemone profugi, sic expulsi Roma nō  
 solum Rhetores, sed & Philosophi, & Medici, du-  
 bitatum autem non solum inter concessa compu-  
 tati deberet studium, & opus vt greci dicunt  
 θεωρητικόν. Sed fieri ne posset, vt ars naturę fer-  
 ret integram opem in auro conficiendo, illud cen-  
 sorum sacerdotum proprium, hoc naturalium Phi-  
 losophorum vtile ne id factitium aurum esset, si  
 modò fieret & humanę accommodum naturę:  
 subinde Medici perquisierunt credita ne res tan-  
 tum modò foret, an probata experimentis, quo-  
 rum non auriti haberentur testes solum, sed ocu-  
 lati tam principes quàm rude pariter, & erudi-  
 tum vulgus sciscitabatur, quibus de rebus & a-  
 lijs plerisq; ad hęc pertinentibus articulatim su-  
 mus disputaturi.

DE I



DE ARTE IPSA, LEGITIM A-  
ne sit, an secùs Quid principes condi-  
toresq; legum & canonum, quid in-  
terpretes, quid theologi, & qui  
vulgo summistæ vocantur de-  
creuerint. Cap. III.

**P**Rincipes conditoresque, & interpretes legũ  
civilium, & canonum ecclesiæ, & ij quoque  
quibus placuit ex factitijs iuribus theologorum-  
que doctrinis summulas conficere cõscientiæ que-  
stionibus accommodas, item alij diueresarum re-  
rum scriptores diuersa comperiunt de auro con-  
ficiendo, & sensisse, & chartis retulisse, de prin-  
cipibus conditoribusque postea nuuc de interpre-  
tibus; Apud Gulielmum Minatensem Episcopũ  
& eius appendices operis nomine speculi iuris  
celebrati, & legitimam, & ueram artem facien-  
di auri R. P. vtilem decernitur; hanc sententiã  
Ioan. firmanit, & Oldradus, & Nicolaus Pa-  
normitanus, & alij sic iure consultis & interpre-  
tibus canonum persuasere leges illę Valentinia-  
ni, Cæsaris priores in codice Iustiniani positæ,  
vbi igitur de metallarijs quas leges nec ab inter-  
pretibus ordinarijs rite perceptas, nec à poste-  
ribus planè castigatas, tum ostendemus hoc ip-  
so uolumine, cùm fiet mentio de experimentis  
per-



persuasit fortassis & Accursius Florētinus, qui  
glosemata civilibus apposuit legibus, si qui ta-  
men perlegerunt, quę mihi perspectasunt eius  
ipsius commentationes super artis magisterione  
que enim contentus artem probasse diligenter e-  
tiam eius exposuit precepta, subscripto semper  
nomine non secus ac si pādectas interpretaretur;  
Angelus Clauasinus in sūma sua detestatur artē,  
quām & si leuiter tueri, tamen potius quā impu-  
gnare visus eiusdē vir ordinis sūmę author eius,  
quę Rossella nuncupatur, & qui mox enarra-  
uit Angeli summulam extremē, sic non impu-  
gnatam ab eo artem interpretatur, vt inter im-  
probos sit habendus, qui ea vtitur; Contrā ve-  
rò multis rationibus & Ioannes Ligur, & Silue-  
ster ex predicatorū ordine suis in libris summa-  
rum titulo. *A.* nuncupatis, Clauasinum impu-  
gnantes, argumentis eius apertissimē restiterūt,  
Thomas Caietanus tam sua in summula quā in  
theologicis commantarijs pro artis veritate sen-  
tentiam tulit, eo modo, quem sumus paulò post  
dicturi, sed theologi celebres Albertus, & Tho-  
mas suis monumentis arti fauerunt, quanquam  
in Thomę sententia declaranda inter eius inter-  
pretes aliqua dissensio ad concordia per nos quo-  
ad fieri poterit suo loco renocanda; Magnus au-  
tem Albertus quāque multa scripsit de vertē  
dis metallis, artemque recepit, tria tamen pre-  
cipua inter plures rationes asseruit. Primum



eos falli, qui rentur metallorum species mutari  
 non posse, dedisseque illos Aristoteli, quod Au-  
 cene dandum erat: deinde ab eodem subindicatū  
 mutationem referendam esse in primam materiā  
 metallorum, quę artis adiumento reduceretur in  
 diuersam speciē. Demum colligit Albertus lon-  
 go satis progressu, metallice peritos artis medico-  
 rum instar progredi, quorum probabilior illa se-  
 mita, cuius ductu purgatur sulphur, et argentum  
 uiuum, riteque illorum permistio paratur, quo-  
 rum virtutibus, ut eius utar proprijs uerbis om-  
 nis metalli species inducitur, deduci que demum  
 scribit uiuum argentum ad duritiem & deinde  
 diuersas formas metallorum. Sanctus Thomas  
 in summę theologicę secunda parte, secundi vo-  
 luminis affirmat chemice veritatem, quā non  
 asseruerat in secundo, in sententias theologicas  
 commentario propterea varius hac in re multis  
 visus est, ut suo loco manifestius apparebit, cum  
 aperte sententiam ipsius interpretabimur. Quā-  
 tum ad presens attinet, sectator Thomę Silue-  
 ster eiusdem est sententię, ut fieri aurum per ar-  
 tem queat, in qua sententia Ioannes non permā-  
 sit; At Caietanus Thomas sua in summula cen-  
 set, artem ipsam dummodo sine fraude fiat ex se  
 se illicitam non habendam, nec in peccatis nu-  
 merandam venditionem rei per artem effectę si  
 pro eadem, quę est, propriē fiat venditio: in cō-  
 mentarijs verò super S. Thomę summa theologi-  
 ca,



ca, scribit artem quidem possibilem, sed aut non humanam aut principum esse, postquam sapientes cōsuluerint, de artis potestate nil differit, vt alijs in questionibus acutè solet. Quia in re illud nonnulli demirantur, qui vbi artis ueritatē & auctoritate, & ratione diui Thomę confirmauit, illico homini decreuerit possibilem: Id & ea ipsa Thomę ratio conuincit, quod si admittit cur nō humana si principes; & ab eis consulti sapientes eam queunt exercere, cur supra hominem? quasi non sint & principes, & sapientes inter homines recensendi. Quos tamen Plato modis omnibus expetiuit ad R. publicarum felicitatem, hoc est, vt aut principes operam darent philosophię, aut philosophi R. P. administrarent. Verū ea posset ratione Caietanus à calumnia defendi, quod & rari sunt principes, qui percalleant res naturę, & opibus principum indiget magna pars eorum, qui vacant chemicę: propterea ne queunt nisi principum virorum opes affuerint experimentis vti: quę magnas requirunt impensas. hanc autem calumniam effugerat ante Io: Picipatru mei responsum, dum enim eum consuleret Antonius frater, fieri ne posset aurū ex arte respondit consulenti, fieri quidem posse, sed difficillimè. Nulli autem dubium sanctū Thomam in summa theologica, quam morte preuentus non potuit absolvere, artem faciendi auri tāto magis admittendam decreuisse, quanto maior



ra per artem fieri queant quàm aurum vt dictu  
 ri sumus, procedente opere, eundemque decre-  
 uisse in commentarijs super Seuerini libro de tri-  
 nitate editis, legitimam esse artem, & naturali  
 philosophiæ uti iuniores loquuntur subalternatâ,  
 legi præter id librum S. Thomæ de arte ipsa me-  
 tallica, si non mentitur authorem titulus, qui le-  
 gitimus videtur eo comprobari, qui Alberti fit  
 in eo mētio, ut præceptoris quòd Regimnaldo mit-  
 titur, ad quem alia etiā misisse Thomam ipsum  
 planè cōstat legi quoque in opiniones Thomæ de  
 auro, argentoque faciendi cōmentaria: multi ve-  
 rò chemicę nominis non satis gnari, ut mihi qui-  
 dem uidetur, alienum quiddam expiscati sunt,  
 aut potiùs ex pœna sua satis ne instructa nescio  
 deprompserunt, quo nomen alchymię defugerūt  
 vili plebeculę solitum attribui, ne de ea re scri-  
 pturis ingereretur contumelia, quod ante subin-  
 dicauimus? Quod uerò scripsit Erasmus esse ca-  
 pitale, si quis (eius ipsius verba repono) alcumi-  
 sticam exerceat absque Principis permissu plu-  
 rimi non ferunt ei arti nimio plus addicti, multo  
 quę minus qui eius facti sunt compotes diuturnis  
 experimentis: exigunt enim primùm ab homine  
 docto, quis ille sit Princeps: Nam multi Prin-  
 cipes sub supremo, multi sub regibus quorū ple-  
 rique subesse ipsi Romano Principi minimè vo-  
 lunt, deinde quęrunt voluerit nè princeps ille  
 quisquis fuerit priorum Cęsarum leges iam tot se-  
 culis



*cuius publicatas cum de metallarijs decernitur  
 edicto suo privato demoliri? Demum subdidere  
 edictum per omnes prouincias promulgari oportuisse, & promulgatum recipi consuetudine atque confirmari, alioqui computaretur inter antiquata & irrita: exigunt, quoque factam secretionem eius chemicæ, quæ verum mentitur, aurum argentumque, cuius meminit Ioan. Pontifex eius nominis secundus. sup. xx. Meminit etiam Alligerius Aetruscus, illius itē quæ quæritur ab ineruditis illiteratisque mutatio metallorum atque eius demum, vel eximia doctrina, vel certis experimentis, argentum aurumque uel ex eorum principijs, vel ex metallis imperfectioribus planè conficit, quam iustè vetari nō posse tam doctores theologiæ, quam interpretes canonum, ex iustæ legis definitione contenderent, cum eo haberi debeat iniusta lex, quæ id quod alienum est, abripitur, quæ id, quod plurimis prodest prohibetur, vetatur, abijcitur. quid enim prætendi poterit aut iustitia fretū, aut honestate, ut manus in propria simul atq; aliena cōmoda paratas instructasq; cohibeas ut profit, ut iubet, ut afferat commoda hominibus, in homines potestas data est diuinæ conformata potestati, cui si nō consonat eo illā penitus abuti, nomine atq; omni vi planè destitui sacrarum peritis litterarum extra omnem controuersiam definitur, ut mittam mentionem non esse factam eorū qui ius*

C 3      habent



habent ipsas in leges civiles, nec nisi præscriptis conditionibus voluerunt esse subiecti. hæc ab Erasmo desiderabantur, exigebanturque, nisi exitimatum fuisset illum ioco id veriùs quàm serio protulisse, finxisseque ut nomina complura ita ut fabulam qua rideret auidos auri conficiendi, nimisquæ credulos impostoribus, quorù magna turba est, eoque maior, quòd in ipsos & silere, & dormire leges existimantur, expectari quoq; potuisset ab eo tractatã quoquomodo quæstionẽ uti dissolueret aliena saltem authoritate, quandoquidem libro eo, cui glossulas Accursius apposuit, scriptum reperitur publice dandũ cõmoditati principes ut resciant confectores auri, qui nam sint, priuatæ vero renitentibus etiam ipsis ut peragant, quod nouere modò cautè negotium prosequantur; Editum verò Ioan. xxij. eius generis est, quòd quia inter legitima septẽ volumina tanquam membrum iuridici corporis non est receptum, sed foris mansit extrauagari dicitur, sed nec ipsum reluctatur arti: nam qui eo temere uti pro argumento volunt, & resipiscant, moneri poterunt in ipso limine, hoc est in edicti rubrica, præscribitur enim de crimine falsi, at nos de vera loquimur arte quæ falsitatis nomine taxari non potest, ne dum ad tribunalia trahi, ut apud Accursium, apud Gulielmum, & alios, qui eos ritè sequuti, decernitur, eo maxime loco ubi agitur de crimine falsi: nisi enim  
vel



vel in materia vel in forma deprehendatur falsitas, pœnæ nomine nihil infligi potest; vti Baldus adnotauit in vsibus feudorū dum habetur de regalibus mentio: manifestius verò ipso in progressu deprehendi datur aduersus mendaces impostores falsosq; artifices dirigi pontificium sermonē, dū scribitur, pauperes alchimistas spōdere, quas non exhibent diuitias, eosdem item dissimulare falsitatem, vt tandem quod non est in rerum natura, esse verum aurum vel argentum sophistica trāsmutatione confingant. Proindeq; tantum veri auri vel argenti publicos in vsus pauperum coguntur reponere quantum falsi, fictiue, aut vendiderint, aut dederint in solutum, qui uerò monetam adulterinam ex auro ipso, non uero, sed sophistico, quod dicitur, procurauerint, & ipsorum etiam deferri bona, & carceri subinde mancipari iubentur. hæc illius edicti summa de falsis non veris artificibus promulgati, quam ipsismet etiam præscriptis verbis fermè reposuimus.



# QVID DE AVRO PER ARTEM conficiendo sentiendum sit, ex phi- losophia naturali dependere.

Cap. IIII.

**P**endet autem non ab edictis principum, non ab interpretibus legum & canonum, non ab iis qui de aliorum dictis suas exarauerunt paginas, & de moribus humanis decreuerunt, sed à naturalis philosophiæ principiis in vniuersum fieri nè aliquid arte fiat, quod alioqui promittit natura; hoc est, nū eandem formam, substantiam, essentiam, diuersis ex primordiis oriri, fierique contingat? Manauit item questio mutandæ formæ ab ipsis plurimum philosophis ambigētibus, verti ne species, & promiscuè possent mutari. Nata uerò particulatim conficiendi auri disceptatio de metheorologicis voluminibus Aristotelis, quæ quidem variè pertractata sunt, nec adeò sese præbent ad liquidum perspicacibus ingeniis æstimanda, ut certa inde & inconcussa dogmata pertrahi queant proinde fuere qui artem impugnauerint, quibus Auicenna resistit apertissimè, resistit Ieberus aliique permulti, quanqua speciem ex integro mutari negat Auicenna, sed in communem materiam cōfitetur formas induci: verum quod attinet ad Aristotilem præterquā  
quod



quòd huius rei non fecit exactam mentionem eis, videlicet in voluminibus, quæ legitima illius esse putantur, nam eximunt quidam nonnulla, quæ arti fauent ab ordine Aristotelico, præter hoc inquam certum illud est, quod de metallis nõ nisi generatim differuit in meteoris, asserens ea sic ex humidis plurimum oriri vaporibus, vt ex plurimum siccis lapides & sulphur, & sandaraca generantur, habita quodammodò proportionem ad ea, quæ non in terræ cauernis, sed in aeris fiunt regione sublimi: proptereaquæ ab illa græca voce nuncupata Meteora, ibi enim voluit ex humido halitu concrefcere nubes & pluuias, ex sicco, igneoque ventos, fulgetras, fulmina, & id genus cætera coalescere, quanquam non nihil inter ea posuit discriminis, præter hæc nullum sanè dedit euidentis inditium eis in libris exactam vllam disciplinam expromendi, quandoquidem inter exordia dicit quæpiam se dubitaturum, quæpiam quoquomodo tractaturum ac Alexander eius interpreter docet difficilia esse cognitu, quæ Aristoteles eo in opere pertractat? Olimpiodorus etiam lōge obscurissima, ut hinc faciliè queas utrocumq; volueris modo de Aristoteleo dogmate persentire, & difficultatē pariter deprehendere, chemicae facultatis; cū Aristoteles magnus vir in litteris dubitare se se differit, & quadam quasi superficie tractare, quæ illi percipiendæ suapte natura videbatur adstipulari, sed à Theophrasto



phraſto pertrahi poteſt, quod finiendæ liti qua-  
drare queat; Nam, quanquam ſcribit in libro de  
lapidibus, ſe de metallis quidem diſſeruiſſe, id-  
que totum quodcumq; fuerit temporis adacita-  
te perijt, ex aqua tamen dixit illa conſtare, ſicu-  
ti lapides ex terra, vnde illa ipſius verba, ὅδα-  
que mu- τος μὲν τὰ μεταλλὰ δόμενα κατὰ περ ἄργυρος καὶ χρῦ-  
tatur ex σος ſubindeque ſatis indicauit ſolere per arti-  
aqua que σος ſices peritos aurum fieri. Prodit enim memoriæ  
admodū argentū, factam cinabarim ab Athenienſi Callia, dum  
& aurū aurum facere ſe putauiffet: Nam niſi ſperaffet,  
ex arena illa coccinea duci aurum poſſe, non eſt  
cur inſudaſſet operi. Notum enim eſt arena, que  
dicitur Cryſamos ſic aurū fieri ſolitū, vt ſolitum  
eſt illud ex fodinis erui, quod & apud leges ciui-  
les ſi rite percipiātur planè cōſpicuū. Qua de re  
ſumus in operis progreſſu minus peritos inſtru-  
cturi, quod ſi non aurum eſt aſſequutus, ſed cina-  
barim Callias, initium tamen auri proculdubio  
eſt indeptus; Quandoquidem apud peritos arti-  
ces conſtat in cinabari, & argenti, & auri late-  
re principia, conijcere quoque non nihil poſ-  
ſumus ex condiscipulo Calliſthene, & ipſum,  
& Theophraſtum, & Ariſtotelem præcepto-  
rem in ea fuiſſe ſententia, vti metalla poſ-  
ſent inter ſeſe verti, cū vnā tantū formam  
illis assignauerit ipſe Calliſthenes, quam facile  
Galenus admiffit, ex accidenti tantū diſſerre il-  
la, nonnullis rationibus argumentatus, ſi legiti-  
mus



mus ille Galeni, non supposititiis liber habendus est: Ego verò vt assentiri hac in re duce ratione Calistheni possem, effecit etiam multiplex experientia, qua seorsum aurum, seorsum argentum diuersis granulis effici vno eodemque pharmaco: itemque simul & aurum. simul & argentum eodem tempore, eodemque pharmaco sæpe numero sum intuitus, & si quando quod iacebat ab auro disclusum liquore eo acri quem vulgus partientem aquam appellat compereram, multum auri cōtinere factò id periculo plane constabat, sed de experimentis suo loco diligentius agitur. Vincentius Burgundus ille qui maxima confecit omnis penè rei litterariæ uolumina, dum agit de natura, veram artem non tantum a se cognitam asserit quam aurum segregari, veriùs per eam, quæ fieri censet, motus & ipse fortassis rei experientia, vt pote qui deprehenderit id cæteris in metallis latitare: Alij et plurimi quidem non solum segregari, quod negari non potest, sed gigni etiam fierique contendunt, rationibus ex philosophiæ suppellectili planè depromptis, equidē scio inter græcos Aristotelis interpretes fuisse Michaelē Psellum, qui multis rationibus adductis asseruerit posse aurum per artem ex non auro fieri, eiusque rei senas, si rectè memini, uias ostendit, iuniores fieri aurum posse quidem senserunt sed alia ratione, vt paulò pòst sumus ostensuri. Cæterum multi peripateticorum in eam  
tendere



tendere opinionem sunt visi, ut aurum arte fieri queat, tametsi & difficultatem, & pericula causentur, quorum in numero est Timon in ultima in tertium meteororum Aristotelis, librum quæstione; Dubitationem auxit nonnullis speciei & formæ nomen, quod vario in significatu sumi solet a philosophis, & quantum ad hanc rem attingit de specie ab arte mutanda trifariam loqui consueverunt: sunt enim qui dicant non mutari speciem, sed in singulare, quod prius quidam sit, indiuiduum alij nuncupant, sub speciem contentum, cum soleant res quædam & ab ipsis speciei principijs, & aliunde quoque proficisci, non secus ac animantia quæpiam, quorum ortus non tantum est à uare, fœminaque, sed aliunde, quem tamen ortum nec uisu, nec ullo sensu discreueris: id circo quæ generantur ex coitu, & rebus etiam corruptis oriuntur, specie ne differant, an minimè, consuevit apud philosophos dubitari; quorum nonnulli ut remota non admittunt præcipia priora, sic proxima negare nequeunt, qualia memini legisse me apud Galenum, siue ille pergamenus fuerit enarrator Hippocratis, siue alius eiusdem nomini, ut cum ex ouo pullus educitur non solum gallinæ incubatu, sed & marmarum muliebrium calore, & equiclibanite porre, sunt qui intelligi quæstionem velint & sola artis operatione, & mista etiam operatione naturæ, atque ea distinctione conciliant litem, speciem quoque



quoque ipsi subinde secernunt, ut quicquam mutari queat, quoad pertinent ad formam duntaxat stante materia, quod sanè sit artis munus adiumento quidem nature, sed per se quicquam, non exercentis, cui & ars dicatur famulari: id autè minimè rentur absurdū si dicatur et difendatur, sunt qui accipiāt ut eis verbis intelligatur, materiam cum forma mutari, sic, ut alia penitus & ex integro sit, quod certè non admittitur à sapientibus fieri posse vel eb arte, vel à natura: quoniam id sit solius diuinæ potestatis proprium proinde cū ex argento uel alio quopiam metallo sit aurum, aut indiuiduum fieri dicunt aut si speciem fieri malint, materiam manere volunt, formam mutari, quando quidem materies ea, quæ fuerat prius sub argenti forma, postea sub auri formam reperitur; pars itaque speciei tantummodò permutari dicitur, si speciem ex materia formaque constare cum schola peripateticorum recipimus, & maxime cum sancto Thoma, & ijs qui nobiliores inter neotericos habiti sunt, quanquam non defuerunt ex philosophis qui speciem cū dicunt formam solam uelint intelligi: Dici quoque potest non absolutè mutari quicquam, quoniam pars abiit, pars coniungitur, interuertendum, tum cū occupata eius ipsius materia forma discedit, id autem frequentissimè sentimus, cū absumptis edulijs disperit eorum forma, & materia, vertitur per concoctionem.

Cete-



Ceterum apud iureconsultos aliquando legi, speciem de sumi aliter, cum scribitur non mutari speciem, si ex stamno & plumbo verbi causa fiat aurum: genus enim videtur pro specie capere, ni forte ibi vna tantummodò species sit habita metallorum, ut es, plumbum, stamnum, argentum, sub vna auri collocetur specie perfecta, ad cuius precipuum gradum cetera metalla queant ascendere, Quod qui defendere vellet, nec per grecam metalli etymologiam, nec per validam rationem reprehendi posset tantum abest ut à scholis philosophorum eliminaretur: fertur enim opinio isthęc accepta Calistheni, de quo supra differebamus, quam si recipimus, reijciamus illos oportet qui varijs ascribunt planetis varias metallorum formas, inter quos Ioannes versor, & ij, quos est sequutus inter exponendum Aristotelem, quo in loco vanitatem illā exprompsit, quam mille oculi sunt auersati, bis mille manus exploxerunt, hoc est ferrum non liquefieri, sed enim ipsa reiectos iam experientia fuisse planetarios constat, cum vno eodem tempore, vno eodēq; pharmaco, vt antè narrabamus simul aurū, simul argentū, quandoq; vno grano, quandoq; diuersis oriri, fierique contigerit, ut nil somniare queant Astrologi, quod huic rei patrocinentur per solis, Iouisque coniunctionem: fit enim quotidie diuersissimis eorum planetarum schematibus. sed quoniam Astrologorum vanitas & à

Ioan-



Ioanne Pico patruo meo semel, & à me sepe con-  
 futata est, in eam ad presens inuehi nolo; Qui ue-  
 rò Calisthenis opinionem tueri vellet, non diffi-  
 culter posset Alberto respondere, cōtrariam opi-  
 nionem pręponenti, multoque magis, cū apud  
 Iosephum traditum sit memorię uerti vitrum in  
 metnlla, vitreamque id genus arenam plurimam  
 in Ptolemaide fuisse dicat. Nec Galenus annuat  
 in opere simplicium medicamentorum potestate  
 vitream arenam, & auream, simul inueniri quę  
 autem eodem in loco vel in proximo generantur  
 metallica, vel eiusdem esse nature vel facillimè,  
 in aliam uerti planè cōpertum est. Verū cū  
 isthęc quęstio tota pendeat a specie, formaque  
 dignosoenda, proinde de discerniculis formarum,  
 seecierumque prius disquirendum, decernendū-  
 que esset. Quod esse opus arduum, & altissime  
 proprium philosophię, nemo plusquam mediocri-  
 ter doctus ignorat. Meminiq; me longioris ope-  
 re subsellij, hanc ipsam pertractasse materiam,  
 ut omnium longè difficilimam idq; cum in exa-  
 mine uanitatis doctriņę gentium, & ueritatis  
 christiāę discipline, tū in theorematibus, quę  
 inscripsi de humana perfectiōe, quę si huc uel-  
 lem congere, prorsus egrederer semitam: et qua-  
 si labyrinthum ingrederer nature; Neq; enim de-  
 catus poetis Meander tot flexus habet, quod mil-  
 lia litum suinde nascerentur, nunquam sub hu-  
 manis iudicibus finem habiturę. Proinde sepo-  
 nenda



nenda hæc sunt, & ad communio rem sensum redigenda; sat sit ostendisse fieri nequeat aurum per artem, an minimè, qui scire cupiat eum habere oportere in consilio scholas philosophorum, ego verò quantū mihi suppetierit in genij, facultates primū ad plana reducere conabor eaquē multi confragosa putant & aspera deinde experimenta quibus edoctus ad hæc scribenda me cōuerti quantū licebit sua per lineamenta, et umbras, non per colores, & lucē subsignabo, & propositionibus quo ad potero breuissimis negotium consiciam. Hactenus enim sit narratum, quid de artis potestate, & de speciei mutatione, alijsque nonnullis, varia varij decreuerint.

## QVOD FIERI PER ARTEM Queat aurum. Cap. V.

**N**ulli hominum rerum naturam rite cōtemplanti dubium esse debet, cū ab homine mutantur elementa, quæ sub lunari globo insyn-cera coeunt: nouentur etiam stirpes & quandoque animantia varia illorum mistione peracta non posse ab eodem homine multo facilius metallamutari: videmus passim ex aere, & ignem, & Aquam fieri, & exijs etiam terram, artis beneficio. Videmus plantas artificio gigni non antea uisas, misceri que ipsarum naturar, & variari.

Videmus



Videmus & sola loci mutatione hoc est ambiētis aque, & ambiētis aeris mollē herbā lapidē fieri, cui corallo nomē. viderūt multi literisque proderunt ex aquæ mōtanæ decursu, ex aspergine lacustris aquæ pelles animantiū et carnes in lapidē mutari; Vidi ego et filices, et vlmī frōdes cōuersas in tophū. Legimus apes fieri et crabrones si bouinæ et equinæ carni hominis accesserit industria. Legimus etiam in sacris literis pelles gignendarum ouium diuersis coloribus insignes, eisdemque literis planè cognitum post annorum multa curricula fuisse à Magis Aegyptijs confecta animantia; Præterea, quæso, quid prohibet eandem rei formam quam substantialem communi vocabulo philosophi nuncupant, diuersis ex principijs etiam genere differentibus indiposse in materiam. Num fidem huius rei amplissimā quotidie facit ignis forma? Calorem non dico, ut improbata explosaque Alexandri Aphrodisiensis opinio non pariat ambiguitatem, sed veram formam, quæ de substantia, deque specie ipsa nomen fortita est: hanc certè formam ignis alius, & alius, item ignis eiusdem speciei promit in materiam, & sol etiam non specie solū, sed genere diuersas pariter promit, quandoquidem percussu radiorum suorum qui non elementarij sed eelestes & sunt, & habentur, sublu naria, multa verò igne flammescunt, ardent, conuertuntur: si hoc fit in terræ superficie, cur fieri

D non



non potuerit utrobique? hoc est & in subterra-  
 neis specubus, & sub aere puriore? Dices fortas-  
 sis perfectiorem esse formam auri, forma ignis, re-  
 pugnabo si mihi placuerit, nec sine ratione, pro-  
 pterea quod simplex non est elementum ignis  
 eiusmodi, ut ob id possis antepone illi aurum,  
 quod mistum est ex elementis. Nullum enim pu-  
 rum elementum potest tangi, ut in scholis Ari-  
 stotelicis receptum est: ignis autem si perseueret, ex  
 sese autem perseueraret, nisi sibi deessent alimen-  
 ta, cur non auro perfectior? Num usui mortaliū,  
 supra quem disputare in aduersum quisque possit  
 accommodatior? Quis enim paulo peritior nesciat,  
 omnes gentes indigere igne? quiquidem quam-  
 quam naturalis res est, & necessaria, multis ta-  
 men fit modis, puta per naturam ex fulgure in  
 aere & radiorum quoque solarium repercussu,  
 per artem ex attritu solidorum corporum, fo-  
 mentisque varijs. cuius ignis inter omnes sublu-  
 nares formas habentur & miræ & plurimæ pro-  
 prietates, uti narrat in libro de igne Theophra-  
 stus, quem librum intra meæ iuuentutis metas è  
 græco in latinum conuerti, sed non edidi, quo-  
 niam mancum erat exemplar, & semilacerum;  
 Ceterum ipso igne certum est omnes nationes  
 egere. Multas verò & fuisse gentes, ut ante  
 diximus, & esse ad presens aperte constat, quæ  
 non utantur auro, sicut nec vlla moneta vel au-  
 rea, vel argentea. Quemadmodum Spartani quod-  
 dam,



dam, neque enim ijs vlllo id modo licebat per leges Lycurgi, qui muris etiam ciues interdixit, obijciens, (ut ille cecinit) nudum Lacedemona bellis, quæ tamen aliquando & fuit, & habita est græciæ princeps. Quod si contendas preferre aurum igni, tum auro formas asseram perfectiores erutas per artem è gremio naturæ, quales sacris in literis legimus inditas in materia myste-  
rio Magorum, quibus videlicet sit famulata natura; sensilis enim anima est omni præstantior auro proinde recipit Augustinus formas quæ omni præstant corpori posse rerum naturalium instrumentis promi, cuius authoritati assensus Thomas, & eadem pariter vsus ratione secundo volumine secundæ partis Theologicæ summæ, non negavit verum aurum fieri per artem posse, & si verum sit, vendi licere.

---

SENTENTIA THOMAE AQUINATIS DE CONFICIENDO AURO DECLARATUR Cap. VI.

**S**Ed occurrit obiter ut opinionem Santi Thomæ, quam ipsius interpretes distraxerunt, declaremus. Is enim secundo in patrum sententias commentario visus est artem abnuere, probare verò in Theologica summa. Idcirco contrarius sibi ipsi quibus existimatur conciliare sensa di-

D 2 uersa, 3



uersa, quidam sunt adnixi, sed plerisque non fecerunt satis. Vtrum ipse satisfecero, lectores iudicent; Ego certè non assentior in primis Ioanni Lyguri, qui auri formam exclusit ab arte nobilitatis gratia. proptereaque conficiendi auri artem eluserit. Nam perfectiorem uti diximus formam Thomas admittit, hoc est animam sensilem. Quorum se se Magi effectores rerum naturalium suis instrumentis præstiterunt. Nec eo item moueor, quòd nesciant inuenire artifices, quæ propriè agant, quæ propriè patiantur. Quoniam nec ignorant calore opus esse, & humore, multisque vaporibus, quibus ad metalla transmutanda uti soleat natura; Adde quòd quæ iuuenis negare visus est. Thomas constanter affirmavit longo post tempore, hoc est dum summam conficeret theologiæ, tanquam, vltimum suarum opinionum testamentum. Nec illo etiam mouebor, quo motus est Lygur Silvester opinatus cū Petro Gomate, S. Thomæ in cōmentario secundo de imperfectis artificibus, in summa theologica de perfectis loquutum, ijs concessisse, illis abnuisse potestatem. Nam de arte conficiendi, non de artificibus erat mentio, quæ quidem ars quoniam naturæ ministerio, & instrumentis utitur, ab omnibus potest ad perfectionem duci, à quibus potest exerceri, siue in corporei spiritus, siue homines illi fuerint, aut naturaliter, aut supernaturam edocti. Varietas enim ministrorum, artem  
non



non tollit, aut minuit, per se se naturæ viribus  
nitentem quidem, sed quandoque & iuuantem  
illam & superantem: nam et si naturæ peccatum  
accusarunt sepe philosophi ob materiæ fluxilis  
contumaciam, quam tamen naturam regi ab in-  
telligente, separataque mente voluerint, multò  
tamen crebrius artis errata confessi fuere, cum  
non modò materiæ repugnantis occasio se se in-  
gesserit sed post habitæ fuerint regulæ rerum ef-  
ficiendarum à recta, ratione prescriptæ, qua ra-  
tione si vsus homo fuerit non abusus, tantum  
abest vt erret vt ipsius etiam naturæ si quæ in-  
tercederint errata corrigat. Ergo cum & arti-  
res ipsas, natura subministrat, ipsaque ars incū-  
bat naturæ, se seque ille inuent, sibiq; quodam  
modo subseruiant inuicē, potest aliquando per ar-  
tis peritiam adiunāte natura fieri, quod fit per ip-  
sammet naturam, & etiam aliquando constan-  
tius in uertenda sublunari materia, exemplo vta-  
mur eiusmet auri, de quo disputamus: Quid pro-  
hibet homines illius formam alijs in metallis in-  
dere, & solis, et ignis beneficio? quam formam  
sole tantummodò vsa natura latebrosis in terræ  
sedibus, commolita est: nam siue ex sulphure &  
vino argento fiat aurum, vt placuit & Democri-  
to, & plurimis, vt etiam mihi ostensum est ex-  
perientia multiplici, siue id alijs etiam ex uapo-  
ribus effici queat, qui puriores & sint, & ha-  
beantur, sublatis nihilominus eis ex rebus, & in



vnam conflatis naturam, siue ex quaadam aqua  
 non cognita, quam Theophrastus citauit, sed non  
 expressit, siue manis ex aqua illa, quę fertur ac-  
 cepta Democrito lixiua nuncupata, cui sit mi-  
 sta calx, non eam dico calcem, quam impugna-  
 uit Albertus: diuersa est enim quę citata est à  
 Democrito, siquidem et Lixa solebat antiquitus  
 pro aqua de sumi, vnde lixę apud exercitum &  
 elixa caro etiam apud vulgus. Aut enim ea voce  
 viuum argentum per enigma significauit Demo-  
 critus: aut metallum in aquam resolutum, quę  
 prima materia metallorum dici potest, assentien-  
 tibus etiam peripateticis, quorum princeps illa  
 est etiam prodidit ὁ δατος γὰρ ἐστὶ siue inquam eis-  
 dem ex rebus siue alijs ex rerum generibus, quę  
 penitissimis in recessibus terre oculuerit natura  
 fiat aurum: non eisdem rebus usi homines, idem  
 efficientur? an imitari calorem solis poterunt  
 quoad natura permisserit? quanquam hoc mini-  
 me necessariū existimaui. Neque .n. audiēdi  
 tanquā philosophi, qui rētur, qui dictitāt aurum  
 à solis calore tantūmodo gigni, quasi non sit ca-  
 lor solis vniuersalis causa rerum, quę in subluna-  
 ri machina generantur, & corrumpuntur, qui  
 quidem calor tam in speluncis, subterraneisq;  
 specubus, quam in terre planitie dotes suas ef-  
 fundit, quasi latebrofis in terre meatibus non sit  
 ignis quo sulphuris vapor excitetur habitus pa-  
 rens & alumnus auri, quem ignem non solum Si-  
 cilis



cilis Aethna, vicinæq; insule patefaciunt, sed plerisque in montibus Europæ, atque in Appennino est ipse conspicuus. Ceterum qui artem ingenuè tenent in communi materia, metallorum proprias indunt formas, explosis prioribus formis, idque conficiunt non vi tantummodo consumptricium aquarum, uel potestate diuersorum salis generum, uel olei diuersarum conditionum facultate, sed auro ipso quandoque ad propagationem sui generis, per subtilitatem artis instituto, cui mixta etiam sint interdum ipsius auri nota primordia, atque in hunc modum mutare satagunt metalla, & lapides, pulueresq; conflare conantur, quibus multum conficiant auri parua ex re, cui nomen elixir, à philosophis Arabum factum est, latini vocauerunt medicinam, Græcos sequuti, quibus φάρμακον dici constat, <sup>medicamentum</sup> in arte de auro faciēdo.

## QVOD AVRVM FACTVM

arte natiuo auro possit esse perfectius Cap. VII.

**I**s itaque modis experiuntur formam eruere de sinu ipsius nature, quam certe formam perquirere scitarique potuerunt ex asturibus Callaicis, cæterisque fossoribus auri, & argenti, quo ad illis obiter, & aliis agentibus, quasiq; de lon-



ginq̃uo facere coniecturam licuit de metallorum  
generatione dum illa colligerent, vt præteream  
eos, qui dicti sunt Hermi, Tagi, Pactoli, alio-  
rumque alueos fluuiorum scrutari, & metiri ma-  
ris atlantici littora, vt inter lapillos versicolo-  
res auri grana colligerent, non solum verò data  
opera, sed aliud etiam agentes, atque insperato,  
ac vt pleriq; dicerent, casu: Vti vero sapientio-  
res assererent diuina prouidentia sæpe quidẽ oc-  
cultis, sed semper iusta facere metallorum tran-  
smutationem plurimi mortalium. Accepi enim  
factum argentum dum equi medicina querere-  
tur, in qua vinum argentũ rebus alijs plerisque  
miscebatur. Vidi ego & argentum fieri & au-  
rum, dum neutrum speraretur. Legi etiam spiri-  
tuum supernorum reuelatione traditam antiqui-  
tus artem auri faciundi, & mea ætate idem vsu  
euenisse non legi, sed audiui, quod cum agetur  
de experimentis apertius indicabo: malorum  
item demonum commercijs quandoque fieri po-  
tuisse, vt suspicer, eomoueor quod literis prodi-  
tum est olim remedia medica per somnum reue-  
lasse demones diuersis in templis, quẽadmodum  
latius me differuisse memini, dum supersticiosas  
presensiones confutarem, præcipueque in libris,  
quos inscripsi de rerum prænotione, & in meis  
quoque meorum Hymnorum commentarijs, sed  
& multa, quibus nunc vtũtur medici, præcepta  
simili superstitione suscepit antiquitas, dummo-  
do ve-



do vera literarum monumentis ea mandauerit  
 posleritati. Siquidem Cremato Esculapij templo  
 retulisse chartis Hyppocratem preceptiones me-  
 dicinae per quietem haustas memoriae traditum  
 est: possunt enim & vera demones prodere, quan-  
 quam. n. id vt fiat minimè licet curare: effectu  
 verò postquam eum veritate niti compertum  
 possunt homines vti, non eatenus vt sit reuela-  
 tio demonica suscipienda, sed quatenus effectus  
 ipse sit utilis res, & vera ex sese suapte natura,  
 atque in Deum vt in primarium omnis veri,  
 omnisque boni auctorem planè referenda. siqui-  
 dem ex malignis hominum, demonumque faci-  
 noribus elicere nouit Deus bona, tanta ipse est  
 tāque ineffabili benignitate, cui tādē, qđ sumus,  
 qđ mouemur, qđ uiuimus acceptū ferri debere,  
 & Pauli Apostoli authoritate, & ratione didi-  
 cisse opere precium est. verum enimvero, vt par-  
 te alia non putem reuelatam, quandoque per ma-  
 lignos demones auri faciendi potestatem, ea mi-  
 hi satis ratio persuadet, quod non nisi malignis  
 eam reuelaret hominibus, aut ijs, quos imbui ma-  
 lignitate persuasum haberet: eos autem homi-  
 nes diuina iustitia non permittit, vt animi virus  
 cum potestate coniunctum effundant in perni-  
 tiem generis humani. Quae quidem ratio vide-  
 tur verisimilibus experimētis communiri, quā-  
 do nec paucos etiam aureos suis sectatoribus im-  
 pertit in obscænis ludis, de quibus egimus in dia-  
 logo



logo triplici, cui nomen strix. Bonis itaque spiritibus feramus acceptum, si quid est reuelatum de artis veritate singulari aliquo priuilegio, sed doctrinae & experientiae id facilius tribuendum. Diuersa enim cum diuersis varijs colligerent experimentis, potuerunt artis periti multa cognoscere: neque enim aut vno in loco, aut vno modo tantum promit aurum natura; Vidit Albertus de se scribens purum inter arenas fluuiales aurum impurum, audiuit commixtis lapidibus ortum, instar venarum, subditque non multò post aurum natum inter arenas melius esse, cuius rei duas affert causas. Alteram sulphuris puritatem maiorem inter calidas & siccas arenas versati, frequentiusque loti, & eius quoque terrei, quod inest viuo argento, quod quidem & lauit & subtilius reddidit ac purius fluminis lotura frequens, Alteram causam voluit esse meatuum obturationem cum occlusus calor in fundo ripisque conuoluitur in semet, & concoquitur ad auri substantiam nobiliorem depromendam, atque isthac ille dum haberet mentionem locorum in quibus metalla generentur. Ego vero ex fluminis decursu collectum aurum dici apud me seruavi nitidissimum quidem & modicis admodum ramentis disseparatum. Quod cum propterea purissimum aurum putauissem factò periculo multum habere admixtum argenti compertum est. Albertus idem mox cum de  
auri



auri natura differit, & granum ait inuentum, quod multarum librarum pondus excederet. Centum marcharum vocabulo vsus est ille, id autem barbarum nomen octo designat vntias, vt octies centum vntijs fuisse granum, qui perpendunt, deprehenderint. in Germania quoque montanum aurum sua tempestate narrat inuentum, quod dum excoquebatur minus ceteris consumebatur, vilioris tamen fuisse precij propter nouitatem prodit quam certè causam, vt potè subtiliorem Plinius omiserat, qui plures nihilominus auri collectiones planè citauerat ex fluminum ramentis, vt in Tago Hysspanie, Pado Italiae, Hebro Thracie, Pactolo Asiae, Gange Indiae, nec vllum esse absolutius aurum prodiderat, vt cursu ipso tritum atque politum. Non tacuit etiam puteorum scrobes, montiumq; ruinas: Nec omisit Canalitium, canalienseue, & quod glareæ marmoris inheret aurum, & tanquam per venas diuagaretur. Itaque & ab his qui montium incauernis, fluuiorum in ripis, & in pelagi litibus quaeritant aurum ab ijs: item quibus se se lud obtulit aliud agentibus erudiri potuerunt artifices, ipsiusque indagare naturam, mox genitalem calorem imitari, nunc igne semisopito, inc lèto, nunc acri, atq; eo modo vires experiri, tis cum natura cōiunctæ et multis tandē experimentis veluti ex genituali inuolucro, veri aurum, edacere, & tanquam obstetricari; idque saepe



sepe factitando artem nancisci, quæ non solum naturam dicitur imitari, sed planè perficere, ut non absolum hinc videri queat, quod multis asseritur iam factum et me vidisse non abnuo, idest fieri per artem posse naturæ, adiuumento aurum auro natino perfectius, certè coloratius, et Alberti persuasit auctoritas, & ostendit experientia apud multos, etiam à philosopho Psello prodita litteris, qua docuit arte fieri perfectius aurum micis ramentis, frustulisque, Pactoli; atq; (ut eius

qđ simi-  
liorem  
Pactoli  
arenis ha-  
bitat spe-  
ciem .

verbis utar) χρυσοειδέστερον τῶν τοῦ Πάκτωλῶ  
ἰνυμάτων. ceterum si inter id aurum quod ab  
haimis terræ latebris eruitur discrimen inuenitur,  
ut aliud alio preciosius existimetur, quod nisi  
& Plinius narrauisset, & Albertus, & Diodo-  
rus etiā ut inter initia dicebamus: sacra tamen  
litteræ prius aseruerunt, quarum testimonio no-  
uimus Indicum aurum prestabilius ceteris habe-  
ri, si discrimen inquam inuenitur in opere natu-  
ræ cur id erit abnuendū in operibus artis? quæ nō  
solum superat in perfectiorem artem, verum  
etiam & ope ministerioque naturæ, naturam  
quandoque ipsam emulando superat, ut ante di-  
ximus; & habemus compertum in coloribus, sa-  
poribus, alijsque per multis sanè scriptum est in  
sacra Genesi in terra Chauilah; sed apud lxx. &  
vulgatam editionem iacet euilat, quam esse in  
India veteres produnt nasci aurum, & terræ il-  
lius aurum, esse optimum, si latinæ stamus trans-  
lationi



lationi καλὸν lxx. interpretes verterunt ex he-  
breo contextu, quod & si bonum mauis interpre-  
tari vel pulchrum, certè comparationem non ef-  
fugies, nisi malueris confiteri non esse bonum  
pulchrumue aurum, quod alijs in provincijs gi-  
gneretur. Quid enim est cause vt aurum per ex-  
cellentiam ibi esse diceretur, & bonum aurum?  
nisi alibi non esse bonum aurum, aut ea non esse  
preditum bonitate, qua polleret aurum euilat?  
comparatione vero dici optimum dubitari ne-  
quit, & bonum pariter comparatione dici non  
abnues, dum in sui generis susstantia referatur  
ad id, quod eadem non sit predictum bonitate; er-  
go discrimen auri colligere nos in natura opus  
est, discrimen inquam vel specie, vel gradu,  
quod sanè discrimen nec in arte ipsa, si ars arti  
conferatur, nec in arte, quæ cum natura conten-  
dit, est abnegandum. adest & Plinij testimonium  
vocantis aurum excellēs, id quo ex auri pigmen-  
to Caius Cesar confecisset, de qua re suo loco, la-  
tius eodem auctore mandatum est memorie, om-  
ni auro inesse argentum uario pondere, alibi de-  
na, alibi nona, alibi octaua parte, alibi quinta,  
quæ portio constituit electrum repugnans vene-  
no: Quibus ex rebus multa produntur auri di-  
scrimina. Adde quod alijs metallis aurum inest  
alibi purius, impurius alibi. Quid? quod & re-  
bus non metallicis inest aurum sic, vt magni Al-  
berti testimonio in futuris humani Cranei, capil-  
lis-



lisque circumiacentibus sit in uentum. Inuen-  
 tum quoque aurum est in perdicum ventriculis  
 tempestate mca, siue id ille dum in terre superfi-  
 cie conspiceretur instar granorum deglutierunt,  
 siue generatum sit ex eduliorum occulta potesta-  
 te, quibus e terra sint auri exordia communica-  
 ta, præcipue in Marsorum montibus herbarum  
 potestate nobilitatis, quandoquidem non longe a  
 fucino lacu parte quadam Albani campi perdi-  
 ces illas diuersari, dum eis in locis adhuc penè  
 puer militarem non sine demiratione percepi  
 causam, tunc ignorabam nec satis perquirebam  
 ad hanc diem fortassis indeprehensam, quanquã  
 eam de principiis auri pèdere conijctio, tum quod  
 nihil prohibet id quod in terre cauernis occuli-  
 tur, etiam in superficie reperiri quandoquo pos-  
 se, tum quod herbis ipsis atque radicibus uim in-  
 esse posse, ut sic loquar, aurificam negari, nisi pro-  
 terue non potest, tum quod similia sunt uisa etiã  
 in quadrupedibus animantibus: referunt enim  
 digni fide uiri se Cretæis in montibus ibices vi-  
 disse, quorum dentes aurigineo colore suffusi es-  
 sent, præcipue qua parte prodeunt è gingiuis, at-  
 que herbas tangunt, quarum est in Ida Cretæ de-  
 cantata celebritas. Mitto eius naturam auri  
 quod obrizon vocauit græcia, tametsi placuit Isi-  
 doro & sectatoribus latinum esse uocabulum,  
 quod obradiet splendore. Nec abest à veri simi-  
 litudine de Plinio tractum id esse, qui scripsit au-  
 rum,



rum, qui ignis simile colore rubet, atque ipsum  
 obrizum uocant, sed qui græcas percaluere lite-  
 ras, inter quos Hermolaus vir nostræ etatis ma-  
 lunt græce vocabulum effectum quasi ἀβρόν hoc  
 est tenerum, molle, delicatumue, siue ut mihi ue-  
 nit in mētem fortassis ἐὺπρόν quod ex optimo pro-  
 deat germine, quasque legitima radice subole-  
 scat, siue id malueris esse natura comparatum,  
 siue arte superante naturam. Hebræi habent pro  
 obrizo, quod septuaginta reposuerunt interpre-  
 tes, aliquando loci nomen, aliquando verbum,  
 quod purissimum queas in latinum conuertere,  
 & quandoque etiam ab eo nomine quod propriè  
 purissimo respondeat, non abhorruerunt, atque  
 fortassis id ipsum est quod, ἀπύρον, appellauit  
 antiquitas auctore Diodoro effossum è cuniculis  
 Arabiæ, nullo igne liquefactum, colore ita luci-  
 do, ut ipso inclusos auro preciosos lapides reddat  
 splendidiore, ut obiter inde subnotem monstra-  
 tum antea locum psalmi, & dabitur ei de auro  
 Arabiæ. Nā preter alias significationes ad me-  
 talli eius præcellentiam pertinere potest ut ex  
 ea conscenditur animo ad supremum apicem sa-  
 pientiæ, quam sub auri uocabulo mystico nomi-  
 ne constat indicatam. Itaque promit natura va-  
 rijs modis aurū, ars itē interdū nature ministra,  
 interdum emula, eiusque ipsius auxilio victrix,  
 varie quoque promere solet, falluntur enim plu-  
 rimū estimantes artis potestatem non sicuti par-  
 est,



est, quippe qui rentur ita subesse illam naturali facultati, ut non censeant naturæ dignam nomine, quo tamen in primis pollet: est enim natura quadam cognitione prædita, cum sit habitus animi ratione vigentis, & intelligentis, quo munere naturam mutam & ratione intranea destitutam regit, atque disponit, & inter regendum & moderandum, cum imitatur eam, tum emulatur, tum superat. Adde quod inter naturæ laudes illa etiam quandoque numerata sit, quod artem simulet: sic in figuris suapte natura delineatis in marmore: sic in gemma Polycratis, alijsque permultis planè compertum est, sic etiam ingeniosus Poeta retulit, naturam duxisse nativum arcum artis imitatione, per illa carmina, cuius in extremo est, Antrum nemorale recessu arte laboratum, nulla simulauerat arte ingenio natura suo; Nam pumice viuo, & leuibus tophis nativum duxerat arcum. sed de artis potestate paulopost, tantum id hoc loco deductum sit, ut compescantur tanto magis qui pergunt inficiari artem, ad faciendum aurum aspirare, nisi frustra, quanto magis nulla id ratione contendunt, & contra fiat, tantumque absit ut id nequeat quod etiam valeat naturæ adiumento, & accessione diligentiae mutam superare naturam.



QVINQVE MODIS GENERATIM  
 aurum posse fieri per artē, quæ hac  
 etiam in re ut in alijs plurimis  
 naturam artis industria  
 destitutam superet.  
 Cap. VIII.

**S**uperat ars in Chrysopoeia paranda, superat  
 adiumento naturæ naturam ipsam artis be-  
 neficio, destitutam. Non in splendore solum uti  
 diximus, sed & in celeritate conficiendi, quod  
 fiet inter narrandum experimenta manifestum:  
 superat etiam sic ut methodis pluribus id con-  
 sequatur: nam quinque modis generatim aurum  
 per artem fieri potest: Primum dum metallum  
 extrahitur à metallo, ut cum ex ere argentum  
 excernitur, quod me vidisse memini. Delitescunt  
 enim in alterutris metalla sæpenumero, præci-  
 pueque argentum in auro. Contraque fit, ut &  
 aurum in argento reperiatur occultum, obnubi-  
 tur etiam plumbo, & æri non nihil metalli per-  
 fectionis. Deinde compositione rerum metallica-  
 rum paratur aurum, quibus rebus mineralia no-  
 men factum est à vulgo, barbaram appellationē  
 secuto: sunt enim eis in rebus metallicis auri  
 principia, præcipueque viuo in argento & in  
 sulphure quod non sensit ignem, quod etiam me  
 E vidisse



vidisse non abnuo. Tercio fit aurum ex auri semine, semen appello vim prolificam: est enim indita cuicunque rei naturali uirtus quædam ut se propaget. Quarto ex re, quæ perfectior auro sit, aurum paratur, non tamen sine auri semine conflatur ea res, nec sine principijs alijs, quæ sint apta generationi, summum fuit hac in re philosophorum ingenium præcellens industria demirandum artificium, quandoquidem partes rei quas deligunt ad cõficiendum aurum, argentum ve, disseparant multas in naturas, quæ proportionem quadam respondent, & elementis, & calo, siue illud uelut quintam essentiam constituent more peripatetico, siue tanquam plurimum ignem ritu Platoniorum, iunguntque & auri, & hydrargyri semina, ut quemadmodum sublunaria iuncta celo, & elementis tanquam vniuersalibus causis, & particularibus etiam rerum seminibus propagantur, sic ipsi vtuntur suis illis naturis, metallorumque & rerum metallicarum seminibus, ad auri atque argenti numerosissimam fecunditatem. Hic autem modus & generalis est, & magnarum rerum effector, tres, quos ante narrauimus particulares appellantur. Quintus vocatur is, qui priore ignobilioreque metalli forma disiecta, & posteriorem & potiozem formam in materiam metallicam inducit; Primus modus lucri est, minimi secundus, mediocris tertius, & quintus magni, & quartus maxi-



maximi; Nec mirandum quod ante diximus, artem naturæ beneficio superare naturam, in alijs etiam rebus, quæ auro faciendi conducunt, præstare naturæ artē vsam naturæ beneficio videamus: siquidem in aqua, in oleo, in sale confectis per artem ipsam mirabiles inesse à Deo potestates, notum est, ut eis ipsis, & aquæ, & salis, & olei quæ pepererit natura vires equare non detur: proinde longissime falluntur, qui putant eò non posse aspirare artem, quò pergit natura, ut propterea quod nativum est, & suapte ingenio fretum, semper sublimius habendum sit, atque perfectius, si conferatur ei quod ars molitur. Neque enim collatas volumus per se se atque seorsum vires naturæ viribus artis, sed artem naturæ fretam muneribus componi posse dicimus naturæ (ut ita dixerim) nudæ & inertī, atque ita componi, ut ars interdum præstantior esse, & videatur, & sit: Quid autem mirum? cum etiam naturæ privilegio non fraudetur ars, quæ quidē uti diximus, & ipsa naturæ est appellatione censenda: naturæ inquam non surdæ, sed intelligentis, digerentis, atque proficientis. Hoc in domibus, in vestimentis, in omni vite munere perspicimus, quod rude prorsus & impolitum esset, nisi ars humane mentis, hoc est naturæ melioris, tanquam nobilissimum animatumque instrumentum accessisset, cuius industria factum, ut qui in cavernis Chryptisque montium delituisse ho-



mines exesis, videlicet excauatisque in fornices  
 domunculis multorum decursu seculorum pau-  
 cis hebdomadibus, non in casis modo sed in pala-  
 tijs degant, qui frondibus arborum, qui pellibus  
 animantium inconditis operirentur laneis, li-  
 neisque pannis non nisi arte confectis vestian-  
 tur, qui crudis oleribus, ferino lacte, sanguino-  
 lenta carne vescerentur paratis ad salubritatē,  
 & non indecoram voluptatem cibis eius artis  
 beneficio nutriantur. Denique si percenseas vni-  
 uersa, reperies, artem perfectam hoc est sapien-  
 tem naturam hominis mutę naturę quę illi sub-  
 sternitur antecellere: Quibus rebus colligitur  
 non esse dignum stupore, vt quod hęc centum  
 molitur annis, illa paucis diebus, & paucis etiā  
 horis eius ipsius ministerio compleat: sic medi-  
 cina, pictura, militaris aucta atque firmata est:  
 sic philosophia vires adepta est, & theologię plu-  
 rimum famulata, cum naturę contemplatio ho-  
 minis ingenio freta & experimento firmata vi-  
 res potestatesque sublunarium rerum, herbarū,  
 fruticum, lapidum, animalium indagauerit, qua-  
 rum noticiam in admirationem exciuerit genus  
 humanum, & perduxerit ad prouidentię diui-  
 nę consideranda secreta: multa quoque proce-  
 dentibus seculis aperiuntur arte, quę quoniam  
 antiquitus non visebantur ab his, qui rem ocu-  
 lis non percepere, vix credi queant. Miraba-  
 tur olim vetustas inesse fontibus nonnullis vim  
 sa-



saxificam, cum spectarent decurrentes riuulos  
 aquarum longo post tempore herbis & cespiti-  
 bus, lapideam continua irrigatione communi-  
 casse naturam. Mirabar & ego dum id non so-  
 lum sepe legissem, sed etiam semel vidissem in  
 Italię finibus, cum per Felinam vallem à ripa  
 Larij lacus ad alpes Rhetias iter facerem: sed  
 desijt admiratio postquam spectauĩ non iam ma-  
 niplos filicum, aut vlmĩ frondes annua madesa-  
 cione versas in tophum, sed ictu penè oculi fer-  
 rum, argentum, aurum versos in humorem. Ad-  
 de miras ipsarum, quę paucis ante seculis com-  
 positę sunt, peculiareque dotes aquarum, cum  
 alia ferrum: es alia voret, aurum alia, argentũ  
 alia: Mittam vulgarem illā & notissimam qua  
 secernitur argentum ab auro, vti de eis, quas na-  
 tura profudit, quasque & in quintodecimo libro  
 Poeta, & in xxi. uolumine naturalis historię col-  
 lector ducit in medium, nulla iam subire men-  
 tem possit demiratio proderem, nisi non parado-  
 xon id modo, sed adynaton lector existimaret  
 me vidisse aquam, quę bibi sine ullo, ut arbitror,  
 no cumēto posset, cui super hydragyro solo, quod  
 in sublime sit elatum uis, insit, quę non inest acer-  
 rimis, & consumptricibus aquis: super sale ve-  
 ro quem fluiatilis, & putealis aqua dissoluit,  
 nulla omnino potestas sit, & hęc quidem artis  
 munera chemistorum ingenio vestigata, cuius  
 etiam artis id insigne quod & inspexit, & teti-



git theologicum illud, quod muta natura, vel de  
longinquo, cum & per transennam allucinata,  
dicitur, idest admirabilem palingenesiam paruo  
tempore posse fieri naturalium rerum sine mira-  
culo nouo supremæ potestatis, quæ cum accesserit,  
dubium esse non queat, etiam peruicacibus  
ingenijs efficiendam, quam inde tenemus æter-  
nam, in ictu oculi palingenesiam vidit, & aliud  
idest corpora crassiora persubtiliora, atque hæc  
per spiritus regi subtiliores, sic vt maior omni-  
no vis subtilissimo insit tenuissimoque spiritui  
quam vaste molis corpori, exemploque potest  
hoc omnibus in promptu esse. Ponat quis si  
adsit comoditas & aluminis & eius salis, quod  
è laterculis exsudat coctilibus decemmillia pon-  
do super vna argenti lamina parui ponderis vt  
soluatur in aquam, nunquam soluetur etiam si  
decem annis pressa tantis ponderibus fuerit. Po-  
nat vntiolam vaporum subtiliorum, qui de illis  
eisdem rebus effluerint ac tantum argentum,  
quod erat forma solida fluuidi naturam humoris  
induet, hoc non nature sed artis opus naturam  
pertractantis, nec id quidem vario desultorio-  
que ingenio, sed stato, firmoque tenore sic, vt ne-  
queat, & ab imperitis varietas effectus in me-  
dium duci, quemadmodum peritis olim doctis-  
que scriptoribus, Plinio, Seneca, Vitruuio con-  
tigit, cum de styge aqua differerent, opere scili-  
cet non artis, sed nature, quam aquam alius  
per-



perrodere dixit, alius congelascere, alius dissili-  
re: contraria planè sunt hæc, nec coherentia mu-  
nia, subde oleum, quo intime penetrantur ipsa  
metalla, quo fatiscunt, quo tabescunt, quo liquan-  
tur, quo & intus & in cute colorantur. Nec si-  
leam multiplicem salis confectionem, quo supe-  
ratur ita marinus, Montanus, arenarius sal  
apud vetustatem cogniti, ut ipso sale per artem  
confecto saliri eorum (ut sic dixerim) quodcum-  
que posset: id autem sit ex rebus, quæ nullo mo-  
do vident ardere ex rebus etiam tam calidis &  
obnoxys igni, quam quod maxime ut me de sul-  
phure vidisse non abnuo tractum salem contem-  
ptorem flamme & eximio splendore sic fulgidum,  
& candidum, ut ei conferri merito nequeat il-  
le, quem produnt græci scriptores rerum gesta-  
rum Alexandri Macedonis in Aegyptum, do-  
no mittere solitos antistites Hammonis oraculi,  
fuit & ante paucos dies (ut nosti) iussu meo con-  
fectus sal tam visu pulcher quam suavis gustu  
ex herba, cuius meæ pascua Ditionis Ferrariæ,  
& Mantuanæ ditioni contermina præcipue re-  
ferta sunt. Nam cum penderent mihi pastores  
externi vectigal ex ea, ut potè cuius esu pecu-  
dinibus agri afferretur auxilium, cogitavi sa-  
lem, quem gustatu referebat herba in causa esse  
sanitatis, atque ita dum padus consuetis ripis  
coercetur, ne vicinos campos inundet, non sper-  
nenda copia se se nobis exhibet montano & ma-







NECESSARIUM NON ESSE,  
vt auri per artē conficiendi peritus  
subtilioris philosophiæ pfun-  
dam & abstrusam cog-  
nitionem sit sequutus.

## Cap. IX.

**N**Ec audiendi, qui dicūt esse necessariam vt  
elementorum primarumque ab eis disul-  
tantium qualitatum proportionem ad aurum fa-  
ciendum pernoscamus: inuenti enim sunt, qui sic  
sint fabulati, nihil enim eorum quod natura pro-  
mit, cognitum nobis esset si primordia ipsorum  
necesse esset antea pernouisse: illuc enim nec sen-  
sus pertingit, nec ratio penetrat, nisi coniecturis  
quibusdam incertis plurimum, & in vtrunque  
partem vacillantibus.

Sed nec abstrusis etiam causis indagandis va-  
cauisse necesse est peritum artificem auri confi-  
ciendi satis est, si suapte ingenio naturæ mini-  
strum se præbeat semper gignentis, & promen-  
tis quicquam prout ei supernè mandatum est, sic  
obstetrix fœtus naturam quam prorsus ignorat,  
non perquirat, sed egerenti fœtum mulieri dat  
operam: sic agriculator tritici, & hordei quali-  
tatibus pernoscentis nuntium remittens, vbi ea-  
rum segetum semina terræ commiserit, vbi occa-  
uerit & fouerit, non frustra sui laboris præmiū  
expe-



expectat, scilicet numerosę, & omnem fœtum exuberantis sobolis, idem cum incumbit insitioni, non qualis sit utriusque arboris, qua ipse committit natura, non qualis habeatur forma glutinis, non quo modo liber mollescat libro curiose sciscitatur, at cuneis adactis, at insertis oculis subolescentem prolem inspectat, qua flores fructus que promuntur. Quid? quod homo, quem cum sole hominem gignere scripsit Aristotiles, prolem educit semine, non semper tamen, nam ex centum, ex mille etiam congressibus vix unus quandoque non irritus, sed ut sit ratus, ut etiã sit numerosus, nihilo tamen minus sui seminis ignorat ipse naturam, que nec plenè philosophis cognita, nec medicis rixantibus iam dudum inter se se an sit quod superfluit alimento, an è cerebro, an è toto corpore, an aliunde fluat. Projiciatur ne à solo mare? num & fœmina quicquã seminis profundatur, que cum incerta, cum prorsus etiam ignorata illi sit, non frustratur propterea sobole, sed si prolificum semem eius fuerit, id que proprijs locis receperit non sterilis mulier, concurrantque reliqua munia, tam agentis viri, quam patientis fœminę ad eundem effectum necessaria, concipitur infans ipso nature ordine, & suo tempore prodit in lucem: non secus in arte conficiendi auri omniũ que instrumentis operantur longè præstantissima, considerandum est evenire: neque enim fuerit necesse uti perno-  
scant



scant artifices omnia genera, speciesque rerum  
metallarum, quibus mineralia fecit nomē vul-  
gus: ea enim vix pernouit parēs ipsa, quę in ter-  
re cauernis occulitur natura rerum, tot scilicet  
sunt tanta diuersitate, tam amplo & penitus in-  
scrutabili numero: sed satis est percalluisse co-  
gnatiores naturas experimēto cognitās, sat per-  
nouisse mutationis instrumenta: non tamen per-  
negamus sapientiores habendos artifices eos,  
qui naturam causarum efficientium haberent  
exploratam, vt percallerent in cōmuni elemen-  
torum materiam propriam indere formam au-  
ri: aut etiam postquam ipsa materia communis  
occupata esset à forma ignobilioris metalli, fa-  
uere illi, & tanquam mederi didicissent; sicut  
pellere possent priorem & ab arrepta deturba-  
re sede, atque interpellendum viam percal-  
lent, qua subinde nobiliorem ipsa in sede qui-  
rent collocare, quales pauci illi priores, qui  
nouerunt quędam esse abstrusa in metallis ad se  
multiplicandum semina, quod & scripsisse Ari-  
stotelem in secundo de animalium generatione  
libro manifestum est, dum causam indicat pro-  
lifici seminis rerum naturalium, eamque fert ac-  
ceptam, non igni, aut tali potestati, sed ei calido,  
qui continetur in semine, & respumosa, quem  
spiritus vocabulo exprimit, in quo sit natura  
elementorum stellarum proportionē respōdens.  
placuit Aristotelis verba gręca subscribere, quę



In semi-variè sunt in latinum translata, πόντων μὲν γάρ  
 ne. n. om. ἐν τῷ σπέρματι ἐνυπάρχει, ὅπερ ποιεῖ γόνιμα  
 niū iest, εἶναι τὰ σπέρματα, τὸ καλούμενον θερμόν: τοῦτον δ'  
 qđ facit εἶναι τὰ σπέρματα, τὸ καλούμενον θερμόν: τοῦτον δ'  
 ut fecun. οὐ πῦρ οὐδὲ τοιαύτη δύναμις ἐστίν, ἀλλὰ τὸ  
 da sint se. ἐμπεριλαμβανόμενον ἐν τῷ σπέρματι, καὶ ἐν τῷ  
 mina, vi. ἀφρώδει πνεῦμα καὶ ἡ ἐν τῷ πνεύματι φύσις ἀνά-  
 delict q. λογος οὗσα τῷ τῶν ἀστρῶν στοιχείῳ. propte-  
 calor uo. rea sapientes artifices omni studio diligentiaq;  
 catur: id. curarunt hanc naturam ex metallis tractam pos-  
 que non. sidere. Cum multi ex peripateticis etiam quin-  
 ignis ne. te fecere nomen essentiae, ut generalem causam  
 que talis. tenerent. Quemadmodum Caelum generalis est  
 facultas. causa perducere quoq; moliti sunt terrosam ma-  
 ē q in se. teriam in pulverem calcis instar excoctę, diuer-  
 mie, spū. saque subinde salis & olei, parauere genera va-  
 mos q; lide potestatis, & fluxiorem materiam cogere  
 corpore. in aquam sunt adnixi: subtiliorem verò tenuissi-  
 cōtinet, mos in vapores & aeris, & ignis, emulantes po-  
 & natu. testatem. At hoc, ut diximus artificibus om-  
 ra, q i co. nibus non est necesse, ut pernouerint, proinde  
 spiritu ē. carmine sumus inter initia nostrorum enigma-  
 proportio. tum, quę si ulli tibi certe erunt sine enigmate id  
 ne respō. sic exequenti.  
 dens ele-  
 mēto stel-  
 larum.

Principio causas abstrusaque germina rerum,  
 Qui tenet ille qđē supremus & optimus esto,  
 Artifices inter, sed nec nouisse necesse est  
 Tot nec tanta tibi, ut primū perculmina, celi,  
 Perque altos volites tractus pregrādibus alis;

Moxin-



Mox inde ad matris descendens viscera magnę  
 Reptes, spectatũ thalamos prolẽ, atq; nepotes  
 Sulphuris, & viui argenti in caligine cęca  
 Te, mihi crede, sat est vires tenuisse ppinquas,  
 Vnum efficias gemino, quod pendet ab ortu.

& quę sequuntur illic visenda, sed quantum ad  
 propositum presentis disputationis pertinet, sat  
 sit artificibus non ignorare, quę narrauimus, sat  
 probẽ tenere secreta quępiam, & vulgo ignota  
 pondera rerum, & vasorum varietates, quibus  
 paratur & quorum magister est experiẽtia ope  
 nature perdocta, de quibus quandoque disseruit  
 Albertus cum verba faceret de locis vbi metal  
 la generantur, quanquam Iuniores longẽ pluri  
 ma inuenerunt atque parauerunt vasa eadem  
 quoque natura duce, & industria, oppido per  
 quam nixa experimentis, tepores etiam noue  
 runt & acres, flammās, & idoneum tẽpus ignis  
 adhibendi & remouendi. Nec non receptacula  
 vel vitrea vel terrea parando operi congrua,  
 quibus admodum suffragatur noua materies in  
 terre cauernis inuenta, quę latuit vetustatem.



FACI-



FACILIVS AVRVM NOSTRO  
seculo quam seculis prioribus posse  
fieri, vbi multa & contra uitupera-  
tores artis, & contra nonnullos  
etiam egregios scriptores per-  
peram de Cinnabari, hy-  
drargyro, & plerisq; re-  
bus alijs dissentientes,  
Cap. X.

**H**Is autem rebus potest nostra tempestate  
facilius aurum fieri quam apud antiquos:  
illi enim simplicius rem peragebant, & quibus  
utebantur rebus, ipsi nunc vtuntur pauci, sed  
alijs, & longè quidem plurimis, tamen si erat  
apud eos vsus quarundam rerum metallicarum,  
quarum nec satis habetur apud nostros artifices  
nominis sincera cognitio est enim ὁ χρῆς, verbi  
causa, nam quanquam nonnulli illam se se tene-  
re putant, longe falluntur. Ego verò tres, ni fal-  
lor, ad minus res inueniri non dubito, quibus id  
nomen competere possit. Pyritem quis nouit, ni-  
si easit (vt quidam existimant) quæ vulgo dici-  
tur Marcasita: sandaracam puto non cognosci,  
nisi eam, quæ mihi Venetijs allata rubri sulphu-  
ris nomine vocabatur. Cinnabarim, cum dicis,  
quis non retur te Bucasis arabis compositionem  
dicere ex vino argento sulphureque coagmen-  
tatam,



tatam, à vera Cinnabari tam distantem quàm à Leone simia; est in colore aliqua nulla in re similitudo, vt suo loco manifestum fiet. Quis monstrabit Chrysocollam veteribus artificibus & auri faciendi magistris decantatam eam, in quā, natiuam Chrysocollam, non illam quam Plinius docuit, ne dixerim an subinuit, nec eam quam Galenus indicauit. Nam cuius vis est ipsam conficere: sed nihilominus plura nos habemus non solum aduecta regionibus longinquis, sed in ipsa Italia comperta, Nam multa de terrę cauernis eruuntur metallica, quibus veteres compotes non fuerunt: existimo fieri singulis penè diebus, idque testimonijs non abiiciendis assertum est, diuersas rerum metallicarum mixtiones, quarum & varij colores habentur & sapores ita promuntur ab eis effectus varij indicantibus probè substantiam accidentibus, ea verò cum maiori copia nunc patent, minori que pretio veneunt, neque hoc solum asseruerim, propterea quod antiquitus fodinis Italicis Romanorum decreto parceretur. Nam quanquam aliunde multa importantur, passimque suppeditantur, quę ad rē maximo opere faciant: pleraque tamen nascuntur & componuntur, etiam vt dixi plurima, quę non nouit antiquitas, Calcantum, verbi gratia, cum dicebant illi, paucis conficiebant negotiū: neque enim albi nulla mentio cuius attritu Cyaneus apparet color, est & videre cinereo pallore:



re Calcantum. est & viridi facie, & saphirina,  
 & uaria, quibus ut color, ita potestas longe di-  
 uersa, sulphur, cum dicebant ἀπυρον hoc est non  
 expertum ignem, num ultra fortassis antiqui  
 progrediebantur. Videas nunc Apyron ipsum  
 colore subfulgido, velut electrum, videas & al-  
 bum, & cinereum, & viride, & flauum, & ni-  
 grum, & ruffum, sic ut flammeo colore videa-  
 tur cum rubrica contendere, alia pretereo, que  
 quoniam nec græca tenent, nec latina vocabula,  
 minime hoc loco percensuerim apud Aristotile.  
 nō temere neq; serio inuenies, nominatim citari  
 aliud quam σαρδάρακον καὶ ὄχραν καὶ μέλαν, καὶ  
 θύον. & paulo post κιννάβαρις ducitur in mediū  
 veluti lapis, non illa cinnabaris, cuius cōponen-  
 de ex viuo argento, & sulphure Bucasis Arabs  
 inuentor est habitus; nec illa quidem, quam per-  
 hibent ex pugna draconum, & elephantum in  
 India gigni; sed que de terra cauernis erueba-  
 tur, & importabatur ex Affrica, mea etate bis,  
 quod sciam, in Italia visa est raram etiam eam  
 tempore Augusti fuisse scriptum reliquerunt,  
 & Dioscorides, & Vitruuius, quorum alter pro  
 medica facultate, alter pro ædium pictura de re-  
 bus metallicis disseruit: sunt autem & dicuntur  
 ea metallica que in fodinis metallorū inueniun-  
 tur, ex illis enim eruuntur authore Theophra-  
 sto, & Chrysocola, & Cyanus, & Ochra, &  
 Minium, & sandaraca, tametsi Chrysocola,  
 &



& Cyanus arenosa sint, Ochra & Minium ter-  
 rea, sandaraca verò & arrenicon (ille hoc no-  
 mine citat) quod alij dicunt arsenicum, pulue-  
 tea, nihilque distare illa inter se, memorie prodi-  
 dit, hoc ex loco nō est prætereundum colligi pos-  
 se, fidem abrogandam esse scriptoribus quibus-  
 dam, nominis alioqui satis celebris, & in Ochra  
 describenda & in alijs plerisque. Primum docet  
 Theophrastus, Ochram nil ab arrenico differre:  
 Plinio vero longe aliter, qui & in alijs etiam  
 apertissime labitur, nam cum Chrysocolam, sul-  
 phur, Cinnabarim citasset Plinius, minium quo-  
 que voluit ipsum esse, græcis Milton, & Cinna-  
 barim nuncupari: alibi verò hoc ipsum detesta-  
 tur, certè aliud Milton, aliud Cinnabarim esse  
 inuenies, & apud Aristotilem, & apud Theo-  
 phrastum etiam apud Galenum, qui aliam citat  
 etiam Milton Lemniam, hoc est terram illam re-  
 pugnantem venenis, cuius vigintimillia glebu-  
 las dicit accepisse signatas à sacerdote, dum in-  
 sulæ appulisset Lemno, sed præter hæc, certè di-  
 uersam à Cinnabari Milton, inuenies apud alios  
 egregios rerum naturæ scriptores, quorum ali-  
 qui non κιννάβαρι sed κιννάβαρ nuncupant eius  
 duas species indicat Theophrastus. Alteram  
 suapte natura in Hiberia, & Colchis natam; al-  
 teram arte confectam, non iam ex viuo argento,  
 & sulphure, sed ex arena coccinea, quam Athe-  
 niensis Callias ante annos nonaginta primus ex



cogitasset, dum ex ea sperasset aurum elicere.  
 Qua in re, non simplicem modo, sed multiplicem  
 Plinij deprehendas errorem. Nam & minium  
 pro Cinnabari docet à Callia confectum auctori-  
 tate Theophrasti, qui tamen apertissime secernit  
 alterum ab altero, seorsumque de minio, seorsum  
 de Cinnabari verba facit. Præterea scribit ipse  
 arenosam esse Cinnabarim, Theophrastus verò  
 lapideam, atque ut sua loquitur lingua λιθώδες.  
 quod Aristotiles ante prodiderat per hæc ver-

Lapis ex  
 tali factus  
 constitu-  
 tione ue-  
 lut Cin-  
 nabari.  
 ba τὰ δὲ λίθος ἐκ τοιαύτης γέγωνος συστάσεως  
 οἷον κιννάβαρι. Præterea minium, quod ἀμύνιον  
 vocavit Dioscorides, nasci docet in Epheso Pli-  
 nius, cuius rei nullum verbum in Theophrasti  
 monumentis: scribit enim Theophrastus in Ephe-  
 so fieri Cinnabarim arte, atque ut ipse loquitur

Per ope-  
 rationē  
 siue per  
 artem.  
 κατ' ἐργασίαν Quemadmodum in Colchis, &  
 Hyberia nasci Cinnabarim sponte naturæ eius-  
 dem, repono verbum αὐτοφύες Cinnabaris igitur  
 factitiæ locum designavit in Epheso, natura-  
 lis apud Hyberos, & Colchos: Minio verò non  
 ei quod nunc fit ex plumbo & minij naturalis.  
 colorem emulatur, sed cuius est è terre profun-  
 dissimæ latebris conquisitio, loca diuersa tribuit  
 tamen si duo minij fecit genera, ut alterum per  
 se nasceretur, alterum conficeretur arte. Vnde  
 illa eius verba, ἐστὶ δὲ ὁ περ καὶ μίλτος ἢ μὲν αὐ-

Sunt autē  
 duo mi-  
 nii gene-  
 τόματος, ἢ δὲ τεχνικὴ. Ad hæc Theophrastus  
 Cinnabarim memoriæ prodidit duram esse val-  
 de



de atque lapideam, quod ipse quoque testari possum, & oculis aduersantium planè subiicere. Milton vero hoc est minium & Ochram terræ nature speciem præferre docet. quo loco etiam miraremur Hermolaum, si Dioscoridis Corrolarium edidisset, non emendantem errores Plin. quos voluit in sua, quam ediderat Pliniana castigatione defendere. Ceterum duos Cinnabaris modos tantummodo citat ipse Theophrastus nullam habens mentionem draconum, & elephantum sanguinis, quem Cinnabaris nomine citat Plinius, & quem ante Dioscorides exploserat à vera Cinnabari differentem, quam (ut opinor) voluit Bucasis, vel quivis alius antiquior imitari, & minimè potuit, colorem quadam ex parte non ex integro consequutus: nam factitia Cinnabaris in fronte suum ruborem naturalis in recessu gestat splendidiorem multo, & quod sanguinem representet magis, unde ortum habuerit opinio elisi sanguinis ex pugna draconum & elephantum, siue historia fuerit eius rei origo, siue fabula. Adde quod Cinnabaris naturalis cum aduritur flamma eius illustrior est atque syncerior, nebulosior factitiæ, ex cuius rogo nihil restat. Restat ex eo, quam natura peperit, in qua videas vivi argenti scintillare micæ, in factitia quasdam quasi lineas crebriores hydrargyri: neque enim separaverim vivum argentum ab hydrargyro Plinij more factitium hunc, illud natu-  
ra alterū  
sua spon  
te naicēs  
alterū ar  
tificiale.

F 2      tiuum



tiuum arbitrantis contra Dioscoridem eodem ci-  
tat nomine, tam quod factitium est ex minio, quā  
quod natura bifariam parit, dum ex argentarijs  
pendet speluncarum fornicibus, vbi concreuit  
in guttas, & dum è fodinis etiam per se colligi-  
tur. Proinde magnus (vt mihi videtur) hinc de-  
prehenditur Plinij error, ab alijs etiam aliquan-  
do taxatus, quippè qui secernit in duo genera,  
quod vnum est duntaxat è lapide illud fluere  
arbitratus: eius enim vt inquit vomica liquoris  
eterni, quod rerum omnium venenum sit, hunc  
autem aliunde proficisci ratus, ergo apud Diosco-  
ridem, & alios boni nominis scriptores hydrar-  
gyros est idem quod viuum argentum, apud Pli-  
nium non idem, græci siquidem illud aquam ar-  
genteam nuncupauerunt, ab aque & colore &  
fluuido liquore, latini de ipso motu uiuum appel-  
lauerunt, sibi quoque ipsi non satis hac in re con-  
stare videtur. Idem Plinius cum hydrargyri no-  
mine vsus solo inaurari dicat argentum, satis e-  
nim prodidit non differre illum à viuo argento,  
quo vtuntur solo fabri, cum aurata vasa reddūt  
ex meris argenteis. eodemmet etiam utebantur  
(quis neget?) ij, quorum meminit Vitruuius in  
septimo: scribit autem fieri viuum argentum  
ex marmoreis fragmentis cum id colligunt arti-  
fices, postquam resedit fumus ignis, vapore su-  
scitatus, & eodem pariter vti eos quis dubitat?  
qui non modo ex minio & marmore, sed ex me-  
tallis



tallis omnibus erunt. qua in re superatur etiam  
 à posteritate vetustas, nunc enim ex omnime-  
 tallo, nec difficillimè quidem extrahitur siue ar-  
 gentum vinum, siue hydrargyron malueris  
 appellare, nec ex metallis modò, sed ex me-  
 tallicis rebus complurimis; vt ex eis præste-  
 tur occasio demirationis, quod Galenus vir tan-  
 tus in literis, tantus in experimentis versatus  
 estimarit hydrargyron non nasci, sed fieri, e-  
 ius enim cum de potestate simplicium medica-  
 mentorum verba faceret, isthæc verba sunt

Non est  
 ex ijs me-  
 dicamen-  
 tis, q̄ sua  
 spōte, na-  
 scūt, sed  
 ex ijs, q̄  
 cōficiūt.

οὐκ ἐστὶ τῶν αὐτοφύων φαρμάκων, ἀλλὰ τῶν  
 σκευαζομένων. Ceterum nec apud Vincentium,  
 nec apud Albertum, qui primi post grecos,  
 & arabas inter doctos viros huiusmodi re-  
 rum fecere mentionem, datur legere tam nu-  
 merosa quam nunc est rerum congeries, cuius  
 vsus est apud auri confectores, & argenti. Octo  
 enim si recte numeravi genera post metallorum  
 naturam literis retulit Albertus, sal, Atramen-  
 tum, Alumen, Arsenicum, in quo conclusit au-  
 ri pigmentum, quod & maxime debent eo voca-  
 ri nomine: scribit enim sic Vitruuius auri pig-  
 mentum quod arsenicon græce dicitur, foditur  
 ponto, Dioscorides eius vir seculi non eius id es-  
 se bonitatis voluit, sed pallidius aurei vero co-  
 loris, & primæ bonitatis quod in Hellesponti  
 Mysia nasceretur, vno tamen & auri pigmen-  
 ti, & arsenici vocabulo est vsus, quo etiam post



*Vitruuium vsi sunt & Celsus, & Plinius, tertium genus quod album sit, & arabes, latiniq̃ue medici, & Albertus retulerunt, nec defuerunt, qui non album sed medij coloris dixerint, qui si de ipso voluerunt intelligi, quod prodidit Albertus sensu repelluntur, ne dum authoritate. Ad hæc Marcasitam citat Nitrum tuchiam, quamquam ea non est apud illum opus nature, sed artis. Marcasitam verò cognitam priscis adhuc (vt dictum est) non inueniri nisi ea sit, quã Dioscorides & Galenus Pyritem vocauerunt, ferturq̃ue acceptam Democrito inueniri eas & aureo, & argento colore, & greo, addo & flanneo, & p lumbeo, tametsi pyritem illi aream in medicaminibus designare videantur, Tuchiam vero pro Cadmia sunt qui reponendam voluerunt, ultimo loco electrum citauit Albertus, quod tamen si natura id peperit inter metalla reponendum, si ars eduxerit, non est inter ea, quæ de speleis profundissimis eruuntur numerandũ. At eo sunt numero nunc ea quæ fossores in lucẽ proferunt ad parãdum aurum, vt vix queas paruo temporis spatio recensere: nam præter album illud arsenicum, cui à Chrystallo fecere nomen, & tuchiam, quæ tametsi quibusdam etiam Grecis hoc citetur nomine, Cadmia quæ dicebatur antiquitus multa sunt genera marchesitæ, quarum fortè non meminere, multa quoque calchanti genera vt antè narratum, ignota priscis, multa*



ta etiam sulphuris. Adde etiam multa talchigena, multa quoque antimonij apud antiquos nusquam citati, & si quidam sunt ausi sub stibio reponere; nulla (vt puto) siue authoritate preclara, siue valida ratione. Ad hæc multa aluminum genera, quæ nec voce, nec effectu prodit antiquitas faciendo tum auro mirum patrocinantia, prodam nunc literis, quod ante paucos dies experientia didici, ostentatam mihi fuisse ferrugineam Cinnabarim, cuius apud antiquos cum nulla sit mentione usum quidem fuisse crediderim, eam non inuentam quidem à me, nec quæ sitam affirmo: quis enim inueniet quod non queritur? quis autem querat quod in natura rerum esse nunquam audierit? illam certè reperi multis coniecturis sub Cinnabari, si vlla est, sub re metallica reponendam, pondus ei graue, subniger, cinereusque prima fronte color, qui si teratur, permanet: si aduratur, ruborem ostendat. porro sulphuris, quod est in ea pars cerulea cum flamma discedit, primum, deinde quod est viui argenti prorsus euanescit, reliqua sulphuris pars pertinax est, & flamme contemptrix: si verò mergatur liquidis consumptrium aquarum vaporibus, contrà fit. Nam portio sulphurea magno impetu soluitur in aquam, tantùm abest vt igneo resistat liquori: resistit autem viui argenti portio, quæ minimè absumpta in fundo vasis candida residet: rem miram narraui, quam, vt conie-



Et, non nouit vetustas, quæ & si aurum ipsa  
moliebatur, vt antea dictum, paucioribus rebus  
tamen est vsa. Preterea calcinatione (vt Alber-  
ti vtar verbis) sublimatione, destillatione, cete-  
risque actionibus quorum vel nulla prorsus, vel  
non explicata priscis auri confectoribus disci-  
plina multa nostræ tempestatis artifices molun-  
tur: eis enim datur eodem authore elixirim,  
quo nomen idem ab Arabicis scriptoribus mu-  
tuò perceptum, medicinam latini exprimunt;  
ita penetrari cōstat priores metallorum species,  
vt eas corrumpere queat sic, vt relicta solūm  
communi materia, non propria resultet artis mo-  
limine, metalli diuersa species. Idem vasa per-  
tractans artificium, tingi posse docet, quodcum-  
que vis metallum in auri colorem, atq; (vt eius-  
met propria referam verba) fortè pulchriorem,  
si fuerit nobile elixir, in quo nihilum errauerit  
artifex. hoc autem ex loco facilius artem tueri  
possent, qui essent vnā tantūm in metallis for-  
mā defensuri, nec omnino sine tutela maneret,  
qui plures tueri vellet formas, non contentus  
eis, quas Albertus admisit: eius enim rationi-  
bus in aduersum cogitatis responderet, non se se  
quidem eas perfectas, sed quodam modo inchoa-  
tas asserere, quas ille admisit in prima rerum ge-  
nerabilium, corruptibiliumque materia. Verūm  
isthæc subtiliora & sunt, & habentur, quā vt  
videantur hoc loco pertractanda; tantum huc  
sint



sint allata, ut non solum varias tuèdæ artis vias  
 non deesse cognoscant vulgi sententijs obligati,  
 sed plures etiam adesse, quàm quibus sint vsi ve-  
 teres artifices; multoque facilius compesci que-  
 ant qui artem auriferam sine ratione valida de-  
 turbare moliuntur sua sede, quam pridem & le-  
 gitimo titulo, & longa temporum prescriptione,  
 possedit: posunt enim ex ijs, quæ diximus, didi-  
 cisse, non vno tantum, sed multis modis, aurum  
 fieri posse multoque commodius, quàm sit secu-  
 lis anterioribus factitatum: nam & eorum, quæ  
 antè nota erant, fieri compotes queunt, & ar-  
 tis longo vsu creuit industria: subindeque ver-  
 santibus eandem rem præclaris ingenijs prodiit  
 solertia: quapropter desinere iure debent à ca-  
 lumnijs importunioribus vituperatores chemi-  
 cæ facultatis, qui tamen si in eodem numero non  
 sint subtiliores naturæ, causas teneant, nec earum  
 capaces rationum quas philosophi peracutè ve-  
 stigant, nihilominus nequeunt, inficias ire uni-  
 cuique rei vestigium pro suo modulo, non deesse  
 bonitatis diuinæ, quæ suas effundit dotes, easque  
 arte posse roborari, ut similia prægignant: neque-  
 unt item experimenta negare non ab similia ve-  
 luti odoris parui longissimas afflantis intercape-  
 dines fermenti modici, massam farinæ ingentem  
 in sublime tollentis; Magnetis absens ferrum si-  
 bi coniungentis, echeneidos animantis vastissi-  
 mis nauigijs afferentis moram; parui vaporis in-  
 fecti,



fecti, quo multa hominum millia pestilentia ta-  
 be fiunt: cur enim si quę narrauimus contactu  
 ipso & (vt sic dixerim) quodam quasi aspectu  
 virtutis, & potestatis mutant res, ducunt, at-  
 que reducunt, quę ni sensu ipso deprehensa fuif-  
 sent, mortalium quispiam non putauisset antea:  
 cur negauerint mutari nequire metalla, cū sen-  
 sus ad stipuletur, nec ratio reclamet? cogitēt quę  
 so, num quispiam vnquam hominum suo studio,  
 suo quoque labore particulatim potuerit perdi-  
 dicisse, cur magna Carinę moles à paruo piscicu-  
 lo detineatur immobilis? cur ingens farine con-  
 geries modico sustollatur fermento? cur minimo  
 rei odoratę suffitu tota domus abundē flagret, ue-  
 stesque renideant? cur ferrum nulla machina  
 protrahatur, & in aere pendeat pręsente ma-  
 guete? Cur tenuis inuisibilisque vapor potesta-  
 tem habeat regiones cum habitatoribus inficien-  
 di, afferrendique perniciem? Nam quanquam  
 plurima sunt disputata de qualitatibus primis,  
 de intermedijs, de proprijs, de supremis, de imis,  
 de ignotis, vt ad occultarum rerum huiusmodi  
 cognitionem philosophi peruenirent sic, vt quot  
 capita fuerint, tot penē sententias legamus. Ni-  
 hil tamen aliud, quo vtcumque quiescere queat  
 animus, inuentum est ad hanc dicm, quā quod  
 res cui id tribuitur ea sit, quę dicitur rerum mu-  
 tua, amicitia, inimicitiaue, atque vt Gręcis di-  
 cebatur sympathia; quę demum sit abstrusa, quę  
 dam



dam natura rerum & indeprehensa, non secus  
dicendum, cum modico, vel vnus vel plurium  
herbarum succo mobile fluidumque argentum  
sistitur, & obdurescit: cum item hydrargyros  
alioqui solam ad ignis potentiam prorsus euani-  
dus vel in argentum vel in aurum vertitur: aut  
cum salis & aluminum tenuissimis grun-  
tis, aut diuersis olei aquarumve generibus, aut rebus  
alijs vulgò non cognitis id fiat, si quidem vt ars  
omnibus eiusmodi tam est eius lata & circum-  
quaque protenta consideratio, nihil elementa-  
rium, nihil eorum, quæ conflata sunt ex elemen-  
tis, prætermittit componit item, disiungit, copu-  
lat, euellit, susque deque vertit, quod suscipit  
pertractandum, vt variet, vt nouet, vt perfi-  
ciat, quod vel subterraneis in specubus, vel in  
terre superficie comperit ad rem, quam sibi pro-  
posuit absoluendam. fuit apud theologos disputa-  
tores questio, Creandi ne, hoc est ex nihilo quic-  
quam faciendi, potestatem soli Deo propriam &  
assignatam omnipotentia diuinæ communicare  
creatæ rei posset ipse creator? & sunt pro alteru-  
tra opinione olim dictæ sententiæ, sed vt cumque  
de creatione statuatur, nulli dubium communi-  
catam non esse aut naturæ, aut arti potestatem  
ea maiorem, qua quicquam priorem amittit for-  
mam, & posteriorem admittit: nam quod natu-  
ra centum annis fieri dicitur, arte fit vnus ho-  
ræ dimidio, & sæpe in horæ parte contesima. Vi-  
di



di ego monstrante amico non semel, minus decima parte horæ disijci metallum, sic, ut sulphur alta petierit, hydrargyros ima: vidi prioris metalli forma prorsus abolita, subitò nouam idest auream solertia artis imponi; non sic natura sola, hoc est artis beneficio destituta facit, non ita vetustas fecit, ut ex antiquis libris est planè perspectum, sed opus erat longiore subselio; imitati sunt, & planè sunt emulati naturam posteriores, cùm fiat singulis diebus perspicuum celerimè in sanguinem, carnemque cibum conuer-  
ti, siue per coctionem, siue quouis modo aliàs: nā variæ sunt ab antiquitate, de nutritione dictæ sententiæ. vnum tantum hoc loco retigimus modum præcellentem quidem metalla mutandi: alios superioribus disputationibus indicauimus, quos quoniam suprâ tractauimus, repetisse longius minimè conuenit.



IOAN.



93  
IOAN. FRANC. PICI  
MIRAND. DOM.

Concordieq; Comitiss  
DE AVRO AD CONIUGEM  
LIBER TERTIVS.

DE ANTIQVIS EXPERIMENTIS  
in auro per artem chemicam  
faciendo, Cap. I.



*G*IMVS primo libro de  
auri æstimatione, monstnan-  
tes, nullam causam inueniri  
que sit efficax ad persuaden-  
dum, tantum fieri debere  
aurum, vt res vniuersas me-  
tiatur, secundo varijs alla-

tis opinionibus diuersæ facultatis authorum,  
subinde probauimus ex principijs philosophiæ,  
theologis etiam adstipulantibus, arte posse au-  
rum fieri. Tertio quod habemus in manibus &  
antiqua & recentiora experimenta pertractan-  
tes, & factum fuisse, & fieri etiam identidem  
aurum conuincemus: subnectemus quoque de  
usu monita saluberrima, ne in abusum & dede-  
cus procliuis lapsus fiat. Certissimum porrò con-  
stan-



stantissimumque est, & consensu publico firmatum fuisse, aliquando effectum aurum, & arte, & industria hominum, atque ut ab antiquissimis repetam primum hominē, Vincentius Bellouacensis magistrum artis posuit, ut inter initia diximus, & per illi proximos perque Mo- sen ad apostolicum Dominicum & sua tempora peruenit Grecis proditur, quod etiam indicauimus non alia de causa nauigasse in Colchidare- gionem argonautas, nec ut poetica fertur Iaso- nem ex Actæ regis domo vexisse in Græciam, Phryxi pellem auream, sed librum ex arietis pelle confectum quo noscebatur quibus modis per artem chemicam fieri aurum posset. Proindeque non iniuria priscis illis phryxæum vellus vocatum esse pellem auream, propter auri faciendi potestatem. Videri hoc & in vulgatis & in reconditis libris facile datur, nam apud Suidæ monumenta latè commendatum idest po- steritati in elemento paucis autem & suboscure apud Apollonium in secundo argonautico, ubi canit phryxæum vellus, à Mercurio positū esse aureum. Quo in loco Græcus enarrator scri- bit Mercurij contactu pellem arietis aurum ef- fectam, quo quid expressius chemica fauere ar- ti potest? eius enim ea verba. τῇ ἐπαφῇ τοῦ

Attañu

Mercurij

corp<sup>o</sup> a-

rietis fie-

ri aureū.

ἐπαφῇ τοῦ δέματος τοῦ αἰετός γένηται χρυσοῦν. Cla- rissime verò Charax non tam historia quàm philosophia nobilis prodidit memoriæ, pellem ad quam



quam nauigarunt argonautę nō arietis animan-  
tis habendam sed methodum fuisse confectionis  
auri μεμβράνη, ut ille ait αὐτὸ ἀλκμήνην, hoc est De Alc-  
membrana comprehensum. id ipsum citat Eusta- mena.  
thius in Dionysij Lybici geographiam. Quid?  
quod & in prouerbum cesserat Grecis vellus  
aureum; cū quispiam de rebus vilibus precio-  
sas conficeret, sub inuolucris etiam fabularum  
non solū oculauerunt scriptores antiqui scri-  
ptum dogma confectionis auri comprehensum  
esse arietis membrana, quæ in domo Regis Aetę  
custodiretur, sed modum etiam indicatum vo-  
luerunt, & Methodum subsignatam, Draconis  
& Mercurij nomine, si quidem notissimū apud  
artis chemicę professores vinum argentum, &  
Mercurij nomine & Draconis etiam significa-  
ri vocabulo. Proinde confectū dici aurum Mer-  
curij contactu, & Draconem peruigilem positū  
ad aureę pellis custodiam volunt: scriptum etiā  
legimus in Orphicis versibus de raptu velleris  
aurei fuisse sub arbore, quę phryxeam pellem  
sustineret pratum in quo multa quę sistendo vi-  
no argento conducere creduntur, apertē cerne-  
bantur. Nec solū fructices, & olera, sed cal-  
cantum, idest atramentum non calachanton, si-  
ue etiam psalachantan, ut à re metallica dispe-  
sceretur herbarum vocabulum: itaque non vno  
tantū loco fabulosam pellem, sed librum, quo  
ars aurifera doceretur velleris aurei nomine si-  
gna-



gnauit antiquitas. Nec abest à similitudine veri penes vetustatem Chrysopœæ, idest faciendi auri scriptas compositiones pellis aureæ, & agni vel arietis aurei nuncupatione notatas. Vnde illud Ouidij Poetæ, arboris aureæ nomen par est effluxisse, quoniam ex arbore fructus expromuntur, ut ex compositione descripta parantur effectus, qui sunt in rotis, & illud quoque spectare huc videtur furtivæ deuehat aurum pelligula. Nec defuere qui Tantalij quoque diuitias tulerint acceptas chemica componi descriptæ in pellibus agni: vnde sit & Pelopis filij, & Pelopidarum regnum longè, lateque, propagatum, ut hinc absonum visum non sit quesisse Thyestem natu minorem Pelopis agnum, hoc est in agni pelle faciendi auri cõpositionem exaratam, quam in arcanis habuerit natu maior. Atreus, extorseritque Thyestes ab uxore fratris cognite stupro ex quo & odia & cruentissimæ cœnæ tragœdiæ meminerunt huius rei, quanquã obscuro velamento & antiquissimi poetæ, & Cicero, & Seneca, & Papirius suprâ quoque nobis proditum est, Callisthenis authoritate, non ex velleribus ouium aut vectigalibus, verum ex metallis extitisse diuitias pelopidarum, sed remotissimis etiam sua vetustate rancidis. Non immoremur à Phrygibus & Græcis ad alias nationes propagata est ars, quam maximè coluerint Aegyptij studio sapientiæ deditissimi, apud quos



*Al. 2. p. 2. ii*

quos Dioclitiani tempestate tam publica fuit  
aurifaciendi facultas, quàm agri colendi, quam  
sic ad Constantini tempora sua cum authoritate  
productam fuisse proditum est, ut eo tempore  
philosophus Michael Psellus græca lingua libel-  
lum de faciendo auro elegantem composuerit.  
Dicet fortasse quispiam, cur non extat ars ipsa,  
quæ publicè quondam dicitur extitisse? Dicam  
ego (ut omittam plurima quæ responderi possent)  
cur non extat ars purpureæ tingendæ vestis, nō  
in Tyro solùm, & Sidone quōdam celebris, sed  
in toto terrarum orbe decantata? nusquam hæc  
est, sed nec ostreum illud cuius ex sanguine co-  
lor parabant apud artifices agnoscitur, facien-  
di auri materia in promptu est, & facultas ad-  
est pluribus in locis, etiam si in Aegypto fundi-  
tus periisset: ceterum nec latio defuerat antè via  
conficiendi auri, extat. n. Plinij testimonium tri-  
gesimo tertio naturalis historiæ libro, qui docuit  
vnam esse faciendi auri rationē, ex auri pigmen-  
to, quod in Syria fodiebatur pictoribus in sum-  
ma tellure auri colore. Iussit inquit Caius ex co-  
qui magnum pondus, & planè fecit aurū excel-  
lens, sed ita parvi ponderis, ut detrimentum sen-  
taret, notam rem Plinius prodit ex solo auri pig-  
mento, factumque dicit aurum per artem, cuius  
fortasse potuit esse testis oculatus: Vixerat enim  
superiorum Caesarum ætate, & non solùm vsque  
ad Caij peruenit imperium, Nec ad Claudium

*2. Sini*

G

tan-



tantummodo, qui post Caium regnavit, sed ad Ve-  
 spesianum. Militavit enim cum Germanico Cæ-  
 sare, res ab eo gestas memorie mandavit, Clau-  
 dium quoque filium eius, qui Caio ex Germani-  
 co fratre nepoti suff. Etus est in principatu, Mes-  
 salinamque ei assidentem dicit se vidisse, dum pu-  
 blica ederet spectacula, sub Nerone quoque scrip-  
 sisse illum Plinius Iunior affirmavit naturalem  
 que historiam Vespesiano inscripsisse, titulus e-  
 ius indicavit. At sensit Caius detrimentum, for-  
 tasse in causa fuit minor copia quam oportuif-  
 set, & maior impensa navigandi conuehendi que  
 Romam auri pigmentum sensisset is forsan cmo-  
 lumentum, si tanta ei moles astitisset, quantam  
 in Carmania reperiri scripsit Onesicritus, sensis-  
 set si Aegyptiorum sita percallisset, quæ Dio-  
 clitiano cuius supra meminimus fuere formidi-  
 ni scriptum est in Græcorum monumentis. Dio-  
 clitianum Cæsarem cum Aegyptios in humanè  
 crudeliterque afflixisset, veritus ne arte facien-  
 di auri, qua pollebant reparatis diuitijs ausus su-  
 merent rebellandi, iussisse libros omnes chemice  
 facultatis conquiri atque comburi. Potest id vi-  
 deri apud Suidam in decima elementi collecta-  
 nea post Dioclitianum tanta fuit non ex auri pig-  
 mento, sed ex arena aurea faciendi auri vis, vt  
 publicè id fieret ab ijs, qui artem tenebant. Dum  
 modo scrupulos quosdam aureos Cæsari pende-  
 rent, qua de causa dux ille priores in Codice Iu-  
 isinia-



stiniani titulo de metallarijs positæ sunt leges. Hæc arena Chrysamos Græcis nuncupata dicta est, & Hispanis & Latinis balux, id apud leges ciuiles & apud Plinium satis apparet, ut ne loquar de ridiculis, vocū harum balaca & Chrysamos glosematibus Accursij. Quidam nostri temporis vir alioqui diligens & eruditus non Chrysamo sed Chrysommon legendum putat, idque vas interpretatur, quo funditur aurum, sed Chrysale illi nomen est. Vasi etiam apud Plautum, & tribus nunc inuersis litteris vulgò profertur, Chrysamon vero omni procul dubio legi debet, hoc est auream arenam, quæ quidem non fodiebatur, sed colligebatur ex maris littore, & ex ea mistionibus quibusdam parabatur aurum. De hac duæ ille priores leges decernunt, reliquæ de fodinis intelligendæ, quod ex uerborum serie, & ex diuersitate vectigalis, siue ut Lex ait, Canonis deprehendi facile potest. Nam chemici scrupulos paucos, fossores verò decimam partē Cæsaris ærario debebant id genus faciendi auri per chemicam. Primū ex septem prodidit Psel-lus docens arenam esse quandam maritimam littoralemne, quæ aurea diceretur à colore, & à quibusdam arena aurea vocaretur, cuius hæc verba ἀμμοστῖς ἰστί παραλία χρυσῖτις καλουμένη <sup>Maritima</sup> ἀπὸ τοῦ χρώματος, οἷδὲ τοῦ το αὐτὸ χρύσαμμον <sup>arena ē</sup> ὃ νομάζουσιν. Galenus quoque dum de potestate <sup>catur au</sup> rea à co-  
<sup>lore auri</sup>



videlicet  
nomina-  
ta.

sermonem exorsus Chrysisidos, & argyritidos  
mentionem facit, mox de arena aurea loquitur,  
& quomodo aspectu lucrum coniectarentur, ex  
quantitate meminit, ut hinc etiam quoddam re  
ipsa inter balucem, & Chrysammon deprehen-  
das discrimen, quoniam minima Plinio ramen-  
ta sunt eius auri, quæ baluce dicebatur. Chrysa-  
mos verò & si minutissimis constet granulis, ea  
tamen aurea non sunt, sed aureo colore, & aurū  
inde multa coctura, varijsque mistionibus para-  
batur. Alioqui non ita paucis constitisset metal-  
larijs Cæsaris adnumerari, ex hac ipse aurum ex-  
trahere docuit Psellus, & quinque vel sex alias  
confectiones literis prodit. Multa tamen obtesta-  
tione professus, id se facere quasi coactus hone-  
sta quadam vi, unde illa eius verba, ὁ δὲ σποτα  
ὁ ἐμὸς δυνάστης ἢ τῆς ἐμῆς θυγατρὸς τυραννίς. Ad  
Dñs pfe- hæc Alberti testimonium extat experimentis,  
aus aīz  
mez Ty- quæ legerat nixum fieri per artem aurum posse,  
rannis. ut pote qui vulgato illi atque legitimo profato  
(sic enim par erat) assensus fuit, unicuique in ar-  
te sua perito credendum esse. Quid? quod non  
aliorum tantummodò sed propria etiam duxit  
in medium experimenta. Nam de viuo differēs  
argento, ubi substantiam id esse dixisset materia-  
lem omnium metallorum, in quo virtute sulphu-  
ris digerentis, & inurentis conciperetur, & ar-  
genti & auri partus instar humoris menstrui  
mulierum, subdidit id cum ad speciem incipit ac-  
cedere,



cedere, glandulis hærescere primum, deinde paulatim constare atque conuerti. Vidit hoc Albertus non in terræ speluncis abditisque naturæ secessibus, neque enim eo se se unquam penetrasse cum fossorum cateria refert, sed vel domi vel sub diuo, alioqui nec ocium illi fuisset impendentibus montium ruinis id cōspicari. Neque. n. tā excors, tam oblitus sui, vt in imo barathro merus tam diu morari uoluisset, nulla luce fretus, parua spe reditus, vt esset testis Hydrargyrii, sulphurisque nuptiarum, quæ fortè centesimo quoque anno celebrantur, vt pernosceret quo modo terris in cubilibus fierent: extat enim Arnaldi philosophi & medici nobilis testimonium, atque experimentum litteris proditum, apud legalia monumenta, & additamenta, Guilielmi, qui sibi speculatoris obtinuit cognomen, scribit enim Arnaldum ipsum, qui miris ibi laudibus extollitur, virgulas auri quas confecisset Romæ omni probationi summississe, idque in titulo refertur de crimine falsi, nec est verisimile omissam aquam, qua excernitur aurum ab argento certissimum probandi auri, & numeris omnibus efficax argumētum, si tamen eius vsus ea tēpestate fuit: sed certè ignis non defuit probatio, in quo si exuratur septies, ficticium aurū euanescit, vt proditum est ab Alberto, qui tamen fuit Arnaldo satis antiquior. sed vti Balearicum Raimondum sileam multis operibus nobilem,

unione  
del mator  
rio col  
volpe.

Arnaldo



*albus  
et luteus*

bilem, priusquam ad nostræ tempestatis viros  
deueniam, referam testimoniū Colonienſis Al-  
berti ex ordine minorū de ſe ipſo. Is enim cū  
ſcripſiſſet uolumen de quinta eſſentia ſpecierū  
ſublunarium, & quot modis à ſingulis fermè re-  
bus extrahi poſſet, ad nexuit ſe potuiſſe, modo  
uoluiſſet oſtendere quibus tandem ex doctrina  
ijs peruenire daretur lectori: vt in ictu oculi me-  
talla imperfecta mutarentur in argētum, & au-  
rum, eiſque rei ſententiam reuelatam ſibi aſſe-  
rit modo intellectu, cum retineretur in carcere  
vetari, aut ſe ne penderet eam ex ſui oris decre-  
tis conteſtatus, vt ille ait communibus euange-  
licis viſis quo nomine ordinis veras Sācti Fran-  
ciſci ſubuentos inſtitutis appellauit, ne maligno  
dæmone inſtigante prolabantur in alchemicas  
operationes, quoniam philoſophorum nemo ſuis  
in libris veritatem aperuit, ſed obtexuerit in  
parabulis incomprehenſibilibus proinde nō da-  
ri, vt ad ſublimia illa chemica facultatis arca-  
na perueniat quiſpiam, niſi per altiffimam con-  
templationem vitamque ſanctiſſimam, qua mēs  
eius Deo coniuncta fuerit, quod pauciſſimis aſ-  
ſeruerat eſſe conceſſum.

DE



DE EXPERIMENTIS NO-  
 stræ tempestatis in auro conficien-  
 do ubi multa de præcellentia  
 chemicæ facultatis.

Cap. II.

**C**ertissimum est non auribus modò, sed ocu-  
 lis, & multorum, vinentium, & meis etiã  
 comprobatum, etate mea factum esse per artem  
 metallicæ conuersionis, & argentum & aurum  
 sepissime, nec vna tantum compositione, sed plu-  
 rimis: nec moueor ad id comprobandum volumi-  
 nibus paulò antè lectis à me, & dicatis Leonì  
 Pontifici Maximo, quæ veram artem indicare  
 videntur: tantumque ab est ut abnuant experi-  
 menta, ut authorum alter qui scripsit carmine  
 librum sic exorsus sit.

*Auriferam paruis animi pro viribus artem,  
 Quæsitam nobis, & longo tempore partam.*

*Atque ita èt aliã Chrysopæa clauserat de se  
 Canens. . . . sic alter Iason*

*Aurea felici deuexi vellera colcho.*

Nam poetis facilè verisimile scribitur pro vero  
 tantoque magis, quod ille poetarum more scri-  
 bere se satis prodidit in calce prioris illius volu-  
 minis, cum de portis cornea, & eburnea fecit



mentionem: historicorum etiam multi non sunt  
hac in causa inter oculos testes habendi, qua-  
lis ille mihi videtur. qui scriptum reliquit in suo  
quodā magnæ molis volumine tres vel quatuor  
compositiones sistendi mobilis argenti, & auri  
conficiendi, isthæc enim missa faciamus. Referā  
verò primum quæ mihi sunt auribus, deinde quæ  
oculis compertissima, obijt ante paucos annos  
*Nicolaus* *Mirandulanus* sacerdos ex minorū  
ordine senex nobis notus atque integer vitæ sce-  
lerisque purus, ac præterea multæ abstinentiæ  
multæ solitudinis, & qui viuus mortuusque  
apud suos sodales magnæ sanctitatis est habitus,  
& diuinarum particeps reuelationum, quarum  
nonnullas ad me in Germaniam per te coniunx-  
missas recordari facile potes, & prædictum etiā  
bellum, quod sua Iulio Pontifice Venetis illa-  
tum est. Is & Bononiæ argentum & Carpi au-  
rum ex arte fecit multorum testimonio, fecit &  
Hierosolymis ubi multos annos religionis gra-  
tia moram traxit præses sui ordinis viris, ibique  
se se aurum fecisse, mihi quæ id ore suo retulisse,  
viuit ad huc, qui contestetur narravit etiam mi-  
hi nuper *Antonius* chirurgus *Mirandulanus*  
eius ex fratre nepos, patrum sibi libere inge-  
nueque confessum aurificiendi artem per calle-  
re, librumque manu ipsius scriptum diuersis de  
rebus ostendit, in quibus & ratione, & socij te-  
stimonio, & duobus etiam experimentis cōperi  
auri



auri faciendi artem, ibi quidem sibi notatam.  
 Alijs vero multarum interpositione rerum sub  
 obliquis etiam sermonibus planè dissimulatam.  
 Præterea fuit inter mortales ætate nostra Apol  
 linaris ex ordine prædicatorum sacerdos boni  
 nominis, qui non dubitavit amicis affirmare se  
 se modos plus viginti constanter tenere, quibus  
 verum aurum conficeret. Nec aliud ipsi, pera-  
 ctis quæ ad religionem pertinebant, ubi se se li-  
 bentius animi causa versarent, habuerunt, quã  
 in novis inuentis conuersionum metallicarum;  
 rati non sine ratione ea communi vsui prodesse  
 magis, quam singulis diebus in literarijs versa-  
 ri prælijs altercando. videbatur enim fortassis  
 philosophiæ id esse proprium, & medicinæ, cu-  
 ius antea professores fuerant. legerant apud Ari-  
 stotelem vnus rei generationem alterius esse  
 corruptionem, id vero non in vniuersum sed par-  
 ticulatim fieri legerant etiam elementa misce-  
 ri, & quæ de ipsis coalescunt elementis permu-  
 tari. Norant Deum & naturam nihil fecisse fru-  
 stra compertum habebant hominem naturæ in-  
 ferioris principem constitutum, cuius ingenio  
 fieri per naturam posset, quod nunquam fieret  
 sponte naturæ, si ea esset hominis ingenio desti-  
 tuta, hoc in insitionibus arborum, in pictura, in  
 medicina, in omni ferè vite munere, si cōspiciuū  
 erat, cur esse deberet obscurum in metallis, adeo  
 magna vinctis societate, vt aliud sepe numero  
 delite-

*apollina  
re*



delitescat in alio, spectare huc solertium naturam ingeniorum debere norant, ut contenta non sit generatim solum, & in communi res nature cognouisse, sed aspirare suapte sponte ad notitiam, que per partes insinuetur, sensuique subijciatur, disputationes Cyclicas in incerto vagari, & qui eis nimio plus sese dedunt suas imaginationes pro veritate colere solere, at sensui patere, & hominum publica consensione firmari, ex arte chemices prouenire posse apud humanam societatem magnum & præcellens emolumentum, quo mortalium multifariam succurratur egestati quandoquidem inuenta esse plurima remedia vulnorum & morborum ex olei diuersis generibus confectis arte, ut loquitur vulgus alchimistarum, ad quos, Mesues medici sententia, remittuntur ij, quibus salubris olei plurimus usus expetit: nec non alexipharmaca plurima quæ de multis rebus inter se se mistis, multa que coctura dependant ab eis parari tam rudes quam erudit cognouerunt aurum postremo conficitur, cuius copia quandoque misera pauperum egestas leuata est. sed ut ad experimenta vnde videor digressus, redeam; scriptum erat Romæ publico in templo, nescio an clade recenti dimotum fuerit epitaphium auri ex plumbo collectori, fuit ante paucos annos Venetijs, qui publico multorum nobilissimorum uirorum testimonio, ex re paruula, que nec piperis grani quantitatem excede-

conuersio  
ne delicti  
de  
delicti  
curio



cederet, magnum satis auri pondus ex vino argento confecerit: fuit in ditione mea qui tribus testimonijs ex re triticeum granum equante vini argenti vntiam, verterit in probatissimum argentum; atque vnum ex his, qui viderunt cū alloquerer, ab eo audiui se quidem diligenter cōuersionem inspexisse rei, colorisque cinerei fuisse medicinam, qua confecta est transmutatio. Venio ad ea, quæ nostris oculis citra velamē patuerunt. viuit ad hanc diē vir mihi notus, & amicus, qui plus sexagies suis manibus ex rebus metallicis aurum & argentū confecit me presente, nec vna tantum via, sed multis id est assequutus. vidi etiā in confectiōe aque metallice, in qua nec argentum, nec aurum, nec item sulphur, aut hydrargyron auri principia ponerentur ex insperato argentum, simul & aurum generatum fuisse, sed non ea quantitate ut frequentari posset, minus enim lucrum quam impensa. vidi quoque, ut inter operis initia prodidi, sepe numero & argentum & aurum progigni, seorsumque illorum effusa grana & in argento non parum auri delituisse. vidi aquarum vi ex ære argentum minimum tamen extrahi. Atque vna hæc est, ut ante diximus, auri, argenti que faciendi ratio, sed non multum extimanda, cum ex imperfectioribus metallis id, quod inest perfectorum, eruit, cum verò non ex metallis, sed metallicis rebus fit aurum, maior aliquanto paratur utili-

tas:

*Per 60  
vols*



tas: sed rem hanc ut veram ita variam sepe numero contingit experiri, est alius, ut existimo, inter viuos adhuc, neque enim constat illum inter eos versari desuisse, cui quoties libuerit suis ex furnulis promitur aurum, parua impēsa paucisque diebus, quod pro auro purissimo vendit publicis in officinis, artis & naturæ beneficio magis inuitatus quam egestate, quippe cui satis ample sint opes, amplissime uerò artis industria. Vixit ad hunc temporis articulum nisi paruo antea diem obierit intervallo vir, cui nō desunt opes ad tolerandam personæ seminobilis conditionem, cuius manibus æs vidi conuersum in argentum, & aurum quodam succo, siue herbe, siue fructicis, & igne præpotenti vim suam in id metallum adigente. Non desinam referre, quod mihi narrauit inops quidam se se per quietem assequutum, atque opere mox idem comprobauit is dum anxius esset animi, nec satis intelligeret quo se verteret pro tolleranda fame premebatur enim annonæ caritate maxima, premebatur ære alieno, premebatur ingenti numero filiorum, se se tradidit sopori, conspexitque cælitē quendam catalogo sanctorum adscriptum, qui faciendi auri artem per ænigmata docuit, deinde aquā subindicauit, qua uteretur ad aurum conficiendum, ea ille vsus aurum fecit, primum ex se se, non tamen magni ponderis, sed talis tamen ut inde parauerit victum familiæ, ex ferro quoque

*alio in  
posuisti*

*sumo li  
um regem  
bile*

*logus li  
um puerum*



*col. I. 109.  
a col. L. 109.  
f. 109. 109*

que bis aurum fecit, ex auri pigmento ter, vel quater, & experimento mihi fecit manifestum, auriferam artem non uanam esse, sed veram, ea de cā enigmata ipse paulo post animi gratia, ex a metris versibus exaravi, quorum nonnulla citavi supra, proemiumque & epilogum adposui, ubi de eo, qui sit vere dives ipsis carminibus etiam disserui. Vidi alium qui duobus modis in verum argentum, cui mistum erat aurum verteret, viuum argentum vidi ex cinnabari quibusdam adiectis rebus excluso & argento, & auro simul aurum fieri. simul argentum, vidi ex mera cinnabari olei cuiusdam simplicis admixtione aurum & argentum sed parui momenti; vidi sæpe hydrargyron, & qui erat ex plumbo & ære detractus, & in argentum, & in aurum transformari. Demum superioribus diebus & oculis hausi, & contrectavi manibus aurū quod me inspectante factum fuit ex argēto trium circiter horarum spacio nulla prius argenti facta, vel in viuum argentum, vel in aquam conuersione, hoc est in primam metallorum materiam ut hinc ipsa reuincantur experientia, qui cum artem transmutandi metalli defendant, eos tamen calumnientur, qui contendunt id posse fieri, nisi prius ad materiam metallis communem redigatur id metalli, quod transmutatur.



COMMONITIO EORVM,  
qui imprudenter vituperant peri-  
tos faciendi auri, quibus præ  
alijs naturæ scrutatori-  
bus philosophi cō-  
petat appellatio  
Cap. III.

**S**At isthec exempla ratione & authoritate  
multiplici communita, putavi fore, uti me  
ipsum, ut alios exercerem, tibi que satis in parte  
facerem; & quæ scio esse certissima ad multorū  
caliginem amouēdam patefacerem. neque enim  
me continere potui, ut quæpiam non scriberem,  
& tui causa, & admonitionis illorum, qui ferūt  
imprudenter sententiam eorum, quæ non cogno-  
runt. proinde precium operæ mihi videbor fecis-  
se, si commoniti sic fuerint a me, uti discant non  
contendere: deinceps & asserere, quæ ignorant  
ipsi, sciri ab alijs non posse; & quod est deterius,  
detestabiliusque, vel criminis reos agere, vel  
tanquam suspectos amentiae prorsus exhibere  
viros, qui artem auri faciendi vel ritè tentant,  
vel exerceant peritè, & quod est non minus cō-  
miseratione, quam risu dignum adscribere ma-  
ligno dæmoni, quod Deo omnis veritatis autho-  
ri quod bonis spiritibus, quod naturæ, quod ar-  
ti, quod industriæ sit adscribendum; Quid enim  
est,



## T E R T I V S. III

est, quod vertatur in dubiū, si potestas, & astus  
 demonis ducatur in medium, an experimentis  
 chemice facultatis quispiam non imperitus sub  
 limiorum, etiam non inscius litterarum eiusmo-  
 di vituperatores ita compescet, ut & partus ea-  
 rum matris, quo ipsimet nati sunt, sub ambiguo  
 reponatur. Cum demon prauus potuerit in for-  
 mam versus, non Amphitryonis, sed mariti, aut  
 cuiusvis alterius compresisse matrem virum ar-  
 bitratam esse, qui liberis daret operam. Nota  
 est historia de conceptu & Macedonis Alexan-  
 dri, & Seleuci regis, & longo post tempore  
 Merlini, multifariaq; apud nostros theologos,  
 & antiquiores, & neotericos, prodita literis suc-  
 cuborum & incuborum demonum; iisdem in re-  
 bus improbitas, atque fallatia, an & sanitas de  
 arte medicina ducta calumniam patitur, cum  
 se se immiscere queat demon, & afferre vel mor-  
 bis vel vulneribus inuisilia remedia, & alia fa-  
 cere permulta, quorum & alij meminere, & nos  
 etiam eis in dialogis, quibus titulus est strix, si-  
 ue de ludificatione demonum, ut omittam Hip-  
 pocratis principis medicorum decreta, quorum  
 Apollo falsum gētium Deus author est habitus  
 à vetustate multifariam oraculis elusa Demoni-  
 cis, quæ decreta sumpsisse Hippocratem de tem-  
 plo Aesculapij concremato, supra iam diximus  
 memoriæ proditum esse, eorum tamen decreto-  
 rum apud nostros est usus quatenus habentur  
 vera:



vera: Quoniam omnis veri Deus maximus optimus primarius author est, proinde vituperatores discant reprehendi ab Aristotele, qui paucis inspectis ferunt sententiam. Discant apud iure consultos improbari ut inciuiles, qui iudicant tota lege non perspecta. Discant vehementer danari ab Anneo, & irrideri Claudium Cæsarem qui lites dirimeret vna parte tantum audita; & sepe neutra: subinde condiscant fieri quidem aurum posse per experientiam sine subtiliorum cognitione litterarum: sed esse non posse consummatum numeris omnibus artis chemicæ professorē, qui naturalem philosophiam probè non percalluerit, & ad sensus experimenta deduxerit ea, quorum vaga consideratione torquentur plurimi, ea inquam tractata sæpe firmata, nunquam beneficio tamen experimentorum sæpenumero comperta. Cur philosophi nomen adscribam ei, qui philosophicæ auscultationis quosdam libros viderit, sed herbarum, frusticum, metallorum, lapidum, illorumque potestatis & cōmitionis, & conuersionis fuerit prorsus ignarus. Iustius ei competet appellatio philosophi, qui res primum naturæ generatim nouerit, deinde per partes sublunarium, subterrenorumque germinum vires percalluerit. ut hinc rerum inferiorū concordiam, & litem, subindeque generationem, interitumque mente percipiat: conscendatque in admirationem diuinæ maiestatis, quæ homini nō solum



solum donarit, ut res abditas, & in visceribus terre conclusas agnoscat, sed eas etiam domi constituere queat eius ipsius munere & adiumento nature. proindeq; multis nominibus iuuare mortales, & in corporis bonis, & in externis facile possit. Num qui hæc tenuerit tanto garrulis antestabit disputatoribus, quantum corpus umbræ corporis? quantum veritas mutabundis, & desultorijs operationibus: nam si verbis antecellunt facta, si prestat facere grandia, quàm loqui; competet verius eiusmodi viro philosophi nomen, atque præstantius an prætulit equus rerum æstimator eum, qui rem demonstrat, ponitque sub oculos illi, qui tantummodo suis imaginationibus fretus, vel per communes dialecticæ facultatis locos, vel per metaphysicas conceptiones sibi quicquam sapere videat, nunquam certus, semper anceps, semper in argumentis translatitijs occupatus? huic certe sophistæ nomen, illi sapientis antiquitas tribuisset, non reclamantibus Peristateticis, quorum dogmata recidunt ad sensum, ex quo suas promere satagunt probationes. quo sensu chemicæ facultatis periti spernentes eundem promunt in repugnantem aduersarium sibi que parant ex illo victoriam: proinde neque temere neque sine ratione propensioneque reperiatis dictum a grecis eius modi viros sapientes esse eorumque decreta nuncupata ἀποφάντα.

H

Apud

Ab Jita.



*Apud Arabes vero ipsorum instrumenta, etiam lutum, quo solent uti chemice professores, donata sunt titulo sapientiae, tam rudes vero quam periti nouerunt artifices, ab ipsis quos nominauimus edocti omnibus eis, qui organicas siue instrumentarias exercent artes, ante stare cum notum sit, (quis est enim is qui nesciat?) inter homines, quibus cum uiuimus multis iam seculis conuenisse, ut aurum metiretur externa omnia, quae peripatetici bona, Stoici commoda nuncupauerunt, & quod est mirandum magis proprium corpus non parua pars mortalium discrimini mortis exponit auri consequendi causa, ut impios illos suiue prorsus oblitos prae-ream, qui animam etiam postponunt auro, quo certe & abutuntur improbi, & probi, ac bene morati utuntur recte, quibus si caelitus demissum est, hoc rarissimum munus, ut maximas eos gratias Deo & habere, & quoad fieri potest referre, conuenit, sic nulli omnino mortalium quantumcumque diuiti, quantumlibet praepotenti debent inuidisse.*



SIVERE COMPETIT AB EX-  
ternis cuius diuitis appellatio  
cam peritis auri faciendi per  
artem chemicam iure  
competere.

Cap. III.

**C**erte fuit apud antiquos, quis esset diues, &  
quomodo nuncupandus, non parua quæstio  
philosophis, oratoribus, poetis non intacta, unde  
ille de Crasso, an tu solus diues? Vnde alius, qui  
sola diuitem philosophia metitus est, sed & diui-  
tem agri, & positis in fœnore nummis diuitem.  
Pictæ quoque vestis, & auri diuitem, qui opina-  
rentur non defuere; Qui vero diceret illum pro-  
prie diuitem, qui religione in primis imbutus  
Christi, deinde sincera sanitate polleteret, mentis  
& corporis, demum argeti, atque auri faciendi  
potestate præditus esset, neutiquam videretur  
improbādus? nam qui bonis animi præcipuis ca-  
ret omnino est pauperrimus, tātum abest uti sit  
diues, nec id ipsum nominis ei merito communis  
fiet, qui miseria corporis laborat, identidem sem-  
per egens optatæ sanitatis & qui securus belli  
non erit, pendebit semper à nutu principum,  
& qui peregrinæ vacat mercaturæ, aut latrones  
semper horrebit, aut iratum mare, & qui ruris  
opibus incumbit sæpenumero metuet noxiam.

H 2 fru-



frugibus intemperiem, qui verò lucris inhonestis vacant & fœneratitijs mensis incumbunt, præterquam quod male audiunt bene institutis hominibus, proprio etiam sceleratæ conscientie morsu torquentur, si quo pacto inter diuites iure poterunt numerari, quando etiam paratæ ab atavis vsque diuitiæ possunt eripi facillime, regna & principatus sæpe mutari nescit nemo, qui nouit etiam mendicatum victa carthagine panem, at eam artem, quæ in animo sani hominis est, quis abstulerit, quoad vixerit? quis prohibebit vbi vbi terrarum fuerit? modo ignis adfuerit, & certi non defuerint aut liquores, aut pulueres, quo minus aurum sibi non conficiat, certè quod multis hominum milibus, Germani, Pannonijque principes multis mensibus eruunt è montium speluncis profundissimis, quodque etiam vix triennio magna classe sibi parant hispaniarum reges cum è Bæthycis & Lusitanis portubus oram soluentes atlanticos & indicos fluctus metiuntur, vt ignotas inuisant regiones auri feraces, id artis aureæ cōpos, & minori impendio parat, & maiori cū lucro, paucisq; diebus vel domi, vel in hospitio confidens paruo, etiam septus ministrorum famulitio, quam rem olim in eis, quæ ante citauimus aureis argenteisque enigmatibus carmine placuit significari.

Diues



Dives agri dives pictai vestis & aula.  
 Præcelsæ & regni nūquā est me iudice dives,  
 Nunquam etiam dives puppi si fretus hybera  
 Per mare atlantiacū Boreæ cōtēptor, et austri  
 Vsque coloratis gazas conuectet ab Indis;  
 Ille autem dives celso cui mittit Olympo,  
 A eternus genitor votis optare secundis,  
 Quicqd mortales possunt, cū lumine recte est,  
 Imbutus fidei, sanamque in corpore sano  
 Mentē habet, externis etiā, quæ commoda visa  
 Non bona Chrysippo rebus vallatur opimis.  
 Sed quādo humani generis pars maxima se se,  
 Heu misera argento semper metitur & auro,  
 Ditior ille quidem, nunc passim creditur arca,  
 Qui plena fruitur, et abundat vtroq; metallo;  
 Acceptosque domi nummos aliena remittit,  
 In regna ut numero, numerū reſerata tabella  
 Multiplicet, lucrisq; nouis, noua fœnora iūgat,  
 Quæ princeps, populusq; rapax p̄dent, et unda  
 Mergantur pelagi, & bellis rapiantur iniquis.  
 Hic mihi semper erit dives, magis ille caminis,  
 Qui trahit è proprijs argenti pondus & auri  
 Annua centenę superet quod fœnora mensæ  
 Absq; dolo prauo, sine ui, sine fraude maligna  
 Impensa fretus pauca, paucisque diebus  
 Qd lucrū nequeunt reges populiq; nec hostes  
 Irati auferre, aut vasti inclementia ponti  
 Purgamenta soli, nam flauum vertit in aurum  
 Quomodocunque libet, soli sibi conscius ipsi.



Cornu  
copiæ.

ut satis appareat, quod attinet ad externa,  
illum facile omnia tenere, qui tenuerit artem au-  
ri faciendi, ut in cassum Pandoram illam suam  
iactauerit antiquitas fabulosa; & ostentauerit  
fructra suum illud κέρπασμα λήθεις.

---

QVOD AVRVM, MODO FI-  
ctitiū non sit, quod nec licere uendi  
probabilius uidetur, sed factitiū  
& syncerum deterioris nō sit in-  
ter medendū conditionis quā  
natiuum & fossile, sed sæpe  
melioris. Cap. V.

**A**fferret etiam is multum mortalibus inter-  
medendum opis, modo ferat aurū, aut egro-  
tis, aut sanis emolumentum, si quidem omnibus  
qui prestantiores litteras nouere notum est au-  
rum arte confectū, si verū sit, eius esset prorsus  
essentię siue speciei, quantum speties communi  
vfu dignoscitur, cum eo auro, quod aut elicitur  
ex terrę cauernis, aut de fluminum colligitur  
arenis, & easdem illud habere ad communem  
vsum proprietates, quibus pollet aurum de fodi-  
nis erutum: metallicis eorum enim explosa sen-  
tentia est, qui conciliare diuersas opiniones eò  
moliebantur, quod cōcedebant alterum arte fie-  
ri



ri posse, negabant alterum. Neque enim vnquā sine suis qualitatibus siue pprietatibus seu maioribus dotibus inuenitur natura corporea, nec in cognitionem alicuius essentię, si naturā sequimur peruenire unquam possumus eis abolitis dotibus. Proinde censuit Aristoteles easdem ipsas condiciones, quę quanquam multę & varię vno vocabulo *συμπεφυκότα* hoc est *accidentia* nuncupauit, ad cognoscendum id quod est, videlicet rei naturam, nos iuuare: si vero aurum arte confectum eandem teneat essentiam, tenebit quod est consequens easdem qualitates cum eo, quod natura peperit auro, atque ita eiusdē prorsus erit precij, & tanti aestimari, uendique licebit. omnia diximus *accidentia*, quę quidem ab auri tractandi peritis queant internosci, non eorum quędam, aut etiam plurima, quoniam si vel vnum deesset ad integritatem, id falsitatis nomine suspectum haberi posset: & quanquam ij, qui de moribus disputant, volunt fictitium aurum, vel argentum pro fictitio, quod sophisticum dici solet, vendi licere, ut scilicet tanti veneat, quanti iure faciendum est, si rite gstimetur: nihilominus, quoniam aliud pręfert primori aspectu, aliud gestat clausum in penetrabilibus, res est plena periculi propterea nūquam in eorum ego sententiam pedibus manibusque concesserim, quandoquidem possunt minus prudentes, quorū magna pars versatur inter mortales, aperte



deludi. Accedit huc, quod substerni videtur  
fraudolentis hominibus semita quæpiam falsæ  
furtivæque monetæ per confectionem auri, ar-  
genti que fictitij, quod sophisticum nuncupa-  
tur. Nam quanquam diuersa sunt munia fa-  
ciendi cudendique metalli, diuersæque artes,  
& habeantur, & sint, quæ alterutrum parant:  
quoniam altera præcedit, subsequitur altera: ni-  
hilominus impostores faciliorem videntur doli  
mali viam nacti, qui metallum iam habent fal-  
sum, quam qui legitimum conantur pervertere  
mixture deterioris: nunquam verò malis homi-  
nibus augenda est faciendi maleficiij commodi-  
tas, hac de causa fortassis magnus Albertus dū  
artem, qua mutantur metalla, tanquam veram  
reliquisset, eam, vt falsam sustulit, qua colores  
tantummodo vel auri vel argenti mentiuntur  
artifices plurimi, qui vbi fuluum auri pallo-  
rem & alborem argenteum putant se minori-  
bus indidisse metallis, exultant veluti compo-  
tes artis facti, & emptores planè ludificantur:  
constare quoque potest viris prudentibus, si ve-  
rum est aurum, quanquam factitium, nō natiuū,  
dummodo fictitium, falsum, sophisticumue non  
sit, exhiberi posse, mistum cibus alexipharmacis,  
aquarum decoctis, non secus, ac id quod erutum  
dicitur è latebrosis terræ cubilibus, multo-  
que etiam vtilius, quam quod nota principum  
aut R. P. signatur hoc ipsum: quoniam mul-  
tos



tos latet, id negotij latius explicare tentabo:  
 noui enim qui tametsi aurum conficere norant,  
 docere tamen eius conficiendi artem amicos  
 & affines recusabant, ne abuterentur ea sci-  
 licet veriti, hoc est ne factitium aurum aut  
 viui argenti, aut alicuius rei, quæ noxia pu-  
 tetur si ea vescamur, naturam saperet. Au-  
 dierat enim fortassis illud, miscuit argenti le-  
 talia pondera viui, cogeret ut celerem vis  
 geminata necem. & facile quorundam lege-  
 rat libros, affirmantium proprietates natiui  
 auri, præcipueque letitiam afferrentis & re-  
 pugnantis lepræ, non reperiri in auro facti-  
 tio, quibus tam ritè repugnauit Timon inter  
 disputandum de rebus meteorologicis, quam  
 perperam admisit astrologicas imagines ad au-  
 ri confectionem accersendas. liberauerim ego  
 eos, qui hac suspitione laborant ab omni me-  
 tu: nam si verum est, aurum quod fit per  
 artem, veram auri tenet essentiam, & quod  
 est sequens accidentia omnia, quæ secundum  
 naturam fluunt ab ea, ut ante monstraui-  
 mus: ergo & letitiam afferet, modo ex sint  
 partes auri, & aduersabitur lepræ, si ad au-  
 rum id pertinet; At dixeris fortasse, in au-  
 rum quod ars molitur, & viuum argentum,  
 & alias quoque res venenatas ingredi. Af-  
 firmauerim & ego ex rebus eisdem imis in ter-



re sedibus aurum procreari. Deinde subdiderim posse per artem fieri aurum multifariam, non vno tantum modo, Adiecero & illud si quæ forte adhibentur ad artem complendam venenata fomenta, non ad essentiam rei, quæ fit ea pertinere, sed haberi inter instrumenta transmutationis. huc, & illud etiam attulero viuum argentum, cum vel in argentum solidum, vel in aurum est redactum, ut viuum argentum esse desijt, ita lethalem amisisse proprietatem, siue ea fluxerit de occulta qualitate, siue, ut placuit Alberto de manifesto acumine, quod ex frigore & humore coaluerit. Nam & si gradum frigoris, humorisque secundum superare noluit, neruis tamen ob id nocere decreuit, quanquam sunt, qui malunt non frigida viuum argentum, sed calida esse natura, idque de ipsius assensu facile nonnullisque alijs qualitatibus tueri contendunt; neque autem omiserim permultas conuersiones, ea omnia, quæ venenata dicuntur purgari beneficio ignis, & aliam formam, aliamque naturam inducere, quod sanè contingit etiam in subterraneis specubus, ubi sulphur, æs, viuum argentum conueniunt ad promendam substantiam auri. Quod, quanquam apud eos qui contra sentiunt saluberrimum habetur, tamen ea quibus conficiebatur antequam mutaretur & diuersam naturam esset nactum, etiam apud eosdem inter noxia computa-



putabantur; si dixeris habere in se rerum natu-  
ram parata quæpiam alexipharmaca, quibus ca-  
reat ars. Dicam ego, quisnam est, qui consuluerit  
ipsam naturā, cum pareret aurum? quis percon-  
tari poterit obstetrices naturæ, ut ad præscriptū  
noscere queat, quænam auersantur, quænam re-  
pellantur, quænam sint ab omni suspitione libe-  
ra, quænam sint quæ priusquam conueniant in id  
operis, amittant virus, quænam sint quæ inter  
id parandum aut postquam illud effecerint, ex-  
uantur eo? confirmari possent hæc exemplis ani-  
malium, quæ ijs vescuntur salubriter, quorum  
esu necarentur. alia in causa est coquēdi & trās-  
mutandi varia vis, à diuersa manans animantis  
natura. Atque iterum exemplis venenatarum  
rerum uti possemus quæ mistionibus concoctio-  
nibusque quibusdam euadunt salubria, ut in the-  
riacis, antidotisque plurimis planè compertum  
est: contra quoque fit, ut ex salubribus fiant per-  
niciosa, nulla adiecta forinsecus noxia qualita-  
te. sit in exemplo gallinaceum ouum, quod cru-  
dum si fuerit plerisque excitat nauseam, si leni-  
ter coctum ut sorbitioni sit aptum, mirum per-  
quam est salubre, si penitus induruerit igne ni-  
mio inter edulia noxia precipue numeratur. Dis-  
sultat enim non tantum ex varia rerum mistio-  
ne uaria natura, variæque proprietates effluunt,  
sed ex coctura vel nimia vel minima. Ad hæc  
cum factitium aurum non distinguatur à natu-  
rali



rali per humanam cognitionem, alioqui nec esse, nec dici posset eiusdem speciei si diuersis accidentibus, quæ ducunt ad rei substantiam cognoscendam secerneretur, cum inquam non distinguatur, iam nullum est periculum, iam nulla causa periculi. Quoniam aurum, quod coquendum in cacabo ponis, quod radis, quod percutis, quod in subtilissima ramenta diffecas, quod in aqua mergis feruentissima bulliendum, nescis tu prorsus è visceribus terræ sit erutum, an hominis arte confectum. Adde cum antiquitus effectum aurum aliquando sit, alioqui non stetit ars apud plerosque, sed ab omnibus locis gentium omnium consensione fuisset explosa, & exhibitata, ne dum viuus homo reperiretur, qui iactaret se artis eiusdem octingenta iusta volumina, & præterea septem supra trigintamillia præcepta legisse, cum antiquitus inquam sit effectum, quod & experimentis iam probauimus. Quid habes tu aut causæ aut argumenti uti factitium a natino disspescas? Num signum aut iniusta nota, quoniam ita vetustas, ut ætas nostra signabat aurum nota uirorum principum, & ad officinas publicas conuehebat, seccernendum, Non color, Index enim lapis tanquam honorarius arbitet inter pares colores pro neutro dat litem; Nō pondus, quandoquidem bilanx non diuergit ab examine; Non teneritas, mollitudoque, cum utrumque flectenti tractantique nō reluctatur,

Non



Non effectus, nanque aut comesto, aut epoto au-  
 ro, id iure non potes adscribere, quod alius diuer-  
 se ascribet rei, ratione nullo pacto leniore: cum  
 enim plura simul non seorsum assumuntur ad  
 quidpiam efficiendum, si diuersi promuntur ef-  
 fectus, cui natura rei diuersitatem eam debeas  
 adscribere, certo non moueris, nisi diuersas ve-  
 rum illarum naturas, quæ simul conuenere seor-  
 sum percallueris. nunquam enim deerit occasio  
 quod alteri adscribitur, adscribendi alteri, tan-  
 toque se se illa præbebit amplior, quanto fuerit  
 aut maior mistio, aut magis numerosa congeries.  
 Itaque si nescis distinguere verum aurum quod  
 partu nature nactus es, ab eo quod tibi peperit  
 artis industria, nunquam rite propinabis aurū.  
 Nam aut omne habendum noxium, si quodpiā  
 dicatur insalubre, cum non habeatur, uti vidi-  
 mus legitimum discerniculum, aut omne salu-  
 bre, si aurum, quatenus aurum naturæ homi-  
 num conuenire dicatur, aut omne dubium, si  
 alterum ab altero nō secernis, vel lapide Lydio,  
 vel examine, vel aqua demum, cui nomen est in-  
 ditum a partitione, quoniam aurum ab argen-  
 to dispescit, atque ita ab alterutro pernitiem nō  
 excludis. Quid? quod si vllū est salubre, id tamē  
 quod nota principum & rerum publicarum in-  
 usu est ementium, & vendentium, putandū est  
 insalubre. Miscetur. n. es, ut lapis heraclius de  
 eo fecerat coloratus inditiū. Miscentur & alia

non



non nulla, factitium quoque salacerrimum, quod ammoniacon hoc est arenarinm falso nomine citatur; Nitrum etiam quandoque & id vini argenti noxium, cui nomen factum est ex eo quod in sublime tollatur, quorum omnium concoctione contrahitur virus grise enim rubigo recrementumue, quam stomacho noceat, quis ignorat? ut preteream alia, quae diximus perniciofa, quorum usus est in asciscendo aureis nummis fulgore apud argentarios & fabros auri: colorant enim aurum suapte natura pallidius uti magis emicet, atque coruscat; & de salubritate satis multa, nunc artis modum subsignemus & vulgi falsam opinionem refellamus.

COMMONITIO MULTIPLEX  
eorum, qui auro, per chemiam faciendo navant opera simulque; vulgatae illius questionis cur plurimi sint inopes, qui auriferae arti vacant dissolutio. Cap. VI. & ult.

**E**os autem qui per artem querunt aurum monitos velim, ne supra facultates se se dedant experimentis, ne ve ob id certiora dimittant studia, neu magnas sibi polliceantur diuitias, neu principatus affectent, & regna vana spe lusi. Ut enim Deus non promittit omnes homines tenuioris (ut vulgo dicitur) fortunae, qui aut gloriae student, aut mercaturam exercent, eos aut regno  
prin.



principatūne potiri, aut ingentibus affluere di-  
uitijs, ut etiam noluit eos omnes qui litterarum  
studijs incumbunt antiquorum vel equare glo-  
riam, vel superare, non secus putandum hac in  
re, ut magna sic perdit ficili & rara, quando qui-  
dem sua dona Deus pro arbitrio distribuit suo,  
nō nostro. Nam si vana noxiaque cogitauerint,  
qui parant aurum & quærunt mutare metalla,  
si plus nimio sibi promiserint, & in aere (ut dici  
proverbio solet) castella edificauerint, facile se  
se decipiendos, & eludendos agnoscant. Cum a  
se ipsis, tum ab improborum & spirituum & ho-  
minum fraudolenta nequitia. Memini edoctum  
olim quendam, ab amico cui factum dicebatur  
supernum oraculum se se quam quærere tauri fa-  
cien di facultatem non indepturum, si ad super-  
biam, si ad nocendum abuteretur, concedendam  
si eius compos euaderet in bonum animę, & cor-  
poris. Noui alium, qui mihi asseruerit semel se  
ex mobili argento, quod vinum dicitur stabile,  
verumque argentum confecisse succis, & folijs  
herbarum; idque vendidisse peritis explorandæ  
metallicæ veritatis; eisdē mox vsum se folijs fru-  
stra, & quod semel perfecerat nunquam alias,  
quamquam id sæpe tentauerit perficere potuis-  
se. Alium noui, qui adhuc apud viuos moratur,  
cui cum argentum et aurum circiter quindeties  
per artem effectum esset, amisit artem eam, ac-  
cepitque oraculo socij per quietem habito id in-  
gratæ

*con dūno  
si folijs  
et c.*



gratæ mentis vitio contigisse, ut hinc etiam veritatem apostolici dicti condiscamus, neque qui plantat, neque qui rigat est aliquid, sed qui incrementum dat Deus Retulit quidam mihi se se aurum ex argento fecisse semel magna copia, secundo eisdem se usum rebus fecisse quidem sed minima semper quantitate, sic ut detrimentum lucro maius esse supputauerit. Venisse in mentem uti detrimentum effugere posset, si non ex argento sed ex ere melioris conditione metalli sese consequi experiretur, idque se coniecturis firmis nixum tentauisse, cumque in eo fuisset ut rem sese speraret indepturum miris modis euenisse, ut nihil omnino consequeretur. Aliquando euanda materia, aliquando casibus varijs intercurrentibus, eius tamen conditionis, ut aperte cognosceret impedimenta aliunde quam ex humana potestate proficisci. Idem affirmavit ab amico, qui expertus hoc ipsum fuerat accepisse, qui cum excinnabari fecisset argentum optimum se penumero se se postea insistentem operi maiore cum diligentia, semper euentu rei fuisse frustratum. tu autem rationibus euenta confirmato. Nam in ijs, quæ de terræ cauernis eruuntur, tibi maxime necessaria etiā monstra, quandoque & abortiuos partus videbis, prodit in naturalibus questionibus Anneus Seneca, sicut in nostris corporibus, sic in illis humores sæpe vicia concipere, cum vel ictus, vel loci quassatio, vel senium,

aut



aut frigus, aut æstus corrumpere naturam; ut mit-  
tam & ignis vel exuberantiam, vel defectum,  
& artificis, vel imperitiam vel indiligentiam,  
sileamque maligni demonis multiplicia cōmen-  
ta sed & si omnia, quæ optas ex voto etiam af-  
fluxerint, non autem tibi Dei adsit munus, ope-  
ram perdes, et cum tempore iacturam facies im-  
pensarum, quæ quidem in nostris ænigmatibus  
sed absque perplexitate enigmatum cecinisse  
meminimus.

Dummodo perpetuum seruet natura tenorem,  
Dū manus artificis, dū mēs nō fluxerit vsquā,  
Illa etenim suevit p̄gignere plurima monstra,  
Ignibus interdum nimis oppressa calore,  
Interdum minimo defecta, ut frigida multo  
Mater Anus gestare solet sua viscera partu,  
Et solet artificis diuersa per ania ferri  
Mens lassata nimis, duroque intentā labori;  
Atq; hinc fessa manus deflectit tramite recto.  
Attamen in vanū cuncta hæc quæsiueris ante  
Ni velit omnipotens, sine quo sunt irrita semp̄  
Naturæ atq; artis molimina cuncta, nec vllis  
Aut vita, aut vires possunt consistere rebus.  
Interdumque malus Demon se se ingerit, atq;  
Omnia perturbat, ni compescatur Olympo.  
Nam memini, memini in fuluū mutarier atra,  
Ordine naturæ transuerso; iamque metallum  
Effugere ex oculis, res est non falsa renidens,

I

Et



Et calce flammæ victricem tendere in auras  
 Ignibus exiguis, paruoque afflata vapore  
 Disperijt subito, in tennes euanida ventos.  
 Mirabar, causamq; simul scrutabar Olympo,  
 Cum lux affulsit menti caligine pulsa,  
 Namque crucis signū pepulit ludibria nigri  
 Ditis, & in priscum res est renouata vigorem,  
 Tantus honor nostro est, & tāta potētia regi,  
 Qui genus humanum ligno seruauit ab alto,  
 Qui si orsis adstet placidus, si capta secundet,  
 Plus tibi tu adijcies solers, vtriusque metalli  
 Illirica, quā quod dederāt tibi Roma cauernæ,  
 Quā qđ Callaicis effoderat Astur in antris;  
 Nec post hac regis phrygiij miraberis aurum.

Proinde non inutiliter, quod ante dixi repetam,  
 neque enim doceri satis possunt ignari, nec per-  
 uicacis superfluo cōmoueri. Non inutiliter in-  
 quam repetam non posse hinc artis vituperato-  
 res sarcire calumniam. Nam quemadmodum,  
 nec agricoltationi, nec medicina prudens obnun-  
 ueris ob omīsum prouentum agri, & ob id quod  
 egri moriantur, cum non ab arte solum, sed a na-  
 tura & a diuino decreto præcipuis causis id pla-  
 nè pependit; sic nec ab auro & argento facien-  
 do abhorrueris ob effectus interdum irritos, aut  
 minus vberes. Artis enim præcepta non æter-  
 na sunt, nec omnibus firmata numeris. Cur igi-  
 tur necessariam primæuamque artē agri colen-  
 di



di cum inanis est quandoque reditus non calum-  
narius? nec reijcis vtilem non minus quam ve-  
terem medendi corporibus humanis, facultatē,  
cum non prodest? Nempe quod noris frustrari  
diuersis ex causis promissis ab illis effectus fre-  
quenter posse, docta & fortassis ab ipsarum ar-  
tium scriptore Cornelio. Vt enim ait alimenta  
sanis corporibus agricultura; sic sanitatem ægris  
medicina promittit. Non præstari inquit ali-  
menta, nec sanitatem, sed promitti prudentissi-  
me id quidem ob effectus interdum irritos, non  
secus pollicetur chemica professor artis aurum,  
& argentum. An confidentior ipse in auro fa-  
ciendo fuerit, quam Hippocrates in reducenda  
prospera valetudine? cuius est sententia, experi-  
mentum plenum esse periculi. Quandoquidem  
nec malagmata prosunt semper, quæ profutura  
scripsit antiquitas, neque simplicia medicamen-  
ta præstant semper, quæ pollicetur: Neque me-  
dicorum etiam collegia ne non moriatur æger,  
cui adsistunt semper, effecere; tamet si sanitatem  
sæpe sponponderint. Adde paucorum esse subli-  
mem illum apicem faciendi auri magna ponde-  
ra parua cum impensa. Nam peculiari Dei do-  
no rarissimis id est concessum, ut propterea plu-  
rimum intersit, multum conficias auri, multo  
cum lucro. Nam parum fecisse, quid refert? Ad  
solam speculationem id tantum pertinet, ut agno-  
scatur id esse verum, quod inter se metalla ver-  
tuntur.



tuntur. Ad diuitias nihil & magnarum rerum effectus, etiam si sexcentis queas modis aurum parare. sunt enim qui vix possunt impensas tolerare, sunt qui senserint detrimenta, sunt qui statum non habeant, & fixum ordinem, sed varium, ut hinc dissoluere facile possis questionem vulgi sciscitantis identidem. Cur egeant sepe numero, qui aurum se se facere posse non diffidentur, in promptu solutio. Aut enim parum conficiunt auri, aut si multum, plurimis cum impensis, aut variant experimenta sic uti quod saepe contingit id perpetuo tenore non respondeat. Aut metus immaniorum Principum, & auarissimorum perturbat, aut locus aptus deest, aut societas & famulitium non adest. Vt omittam leuem multorum & ineptam credulitatem cum imperitia coniunctam, & fraudolentorum artificum nequitiam uersipellem, quibus rebus etiam iure nequeas in artem calumnias irrogare. sed quid mirum? ex furnulis quandoque non lucrum provenire, sed saepe detrimenta, quando etiam in fodinis id saepe nostra tempestate contigerit contigerit item vetustati? Vnde illa Demetrii phaleri in quaesitores auri per terre caernas falsa reprehensio, quod manifesta pro incertis prodigunt, nec eorum, quae scrutantur facti compotes, quae possidebant perdidere. Verum ut adsint omnia quae paraueris magno studio magna impensa, quae uotis etiam omnibus concupieris, non  
ad sit




ad sit diuinum decretum, frustra laboraueris *Vi*  
dere licet in operibus naturæ hoc ipsum, quan-  
doquidem in cōceptibus origineque mortalium  
præter conditiones varias fæmineæ sterilitatis,  
inutilisquæ masculini seminis: plurimæ quoque  
esse possunt causæ, quibus fiat abortus; et præter  
illas est necessarium diuinæ propositum volun-  
tatis, vt in lucem prodeat infans, qui delitescē-  
bat in vtero. Quanto magis illud idem conspica-  
ri dabitur in artis effectibus. ad summam nulla  
est ars nixa coniecturis, quæ semper stata fit, &  
immobilis, nec vlla est tam certa, tam inconcus-  
sa, quæ magna ex parte mutationi materiæ non  
sit obnoxia, omnino verò subiecta diuinæ volun-  
tati. Quæ si tibi in auro conficiendo fauerit ab  
omni mentis elatione cupidineque caueo.

Nunquam nō formidans, ad beneficium tibi sit  
id concessum, an ad pœnam. & sæpe cogitans il-  
lud Augustini. Non minus verum quam ele-  
gans elogium. Quod multa Deus negat propi-  
tius, quæ concedit iratus. Quare primum Deo  
gratias immortales habeto, & quoad fieri potest  
referto: deinde omni modestia istud accipito ce-  
leste munus, eoque & sanctè, & piè vttere, ad  
Sanctissimæ Trinitatis, quæ vnus est Deus, ho-  
norem & gloriam, atque ad propriam & alio-  
rum hominum vtilitatem.

F I N I S.



T A B U L A  
CAPITVLORVM QVAE IN  
hoc Volumine continentur.



LIBER PRIMVS.



VRVM antiquitus in qua erat aestima-  
tione. Cap. I. car. 1

Aurum quo ad vtilitatem naturæ non  
tanti debere aestimari. Cap. II. 4

Aestimatio auri non pendet ex Medi-  
cina. Cap. III. 6

Nobilitas auri non pendet ex eius potabilitate.  
Cap. IIII. 11

Puritas auri & diuturnitas non sunt propriè causa  
eius aestimationis. Cap. V. 15

Fulgor non est causa vt aurum præcellat pretio aliis  
metallis. Cap. VI. 17

Nobilitas auri nõ pēdet ex sacris litteris. Ca. VII. 19

Nobilitas auri non pendet ex concilianda gratia ge-  
stanti. Cap. VIII. 21

LIBER SECVNDVS.

A Vrum an arte confici possit, & de huiuscę artis  
nomine Cap. I. 23

De origine istius artis & progressu. Cap. II. 25

Ars ista an sit legitima nec ne; & quid Principes, &  
interpretes senserunt. Cap. III. 32

De auro per artem conficiendo quid sentiendum sit  
ex philosophia naturali. Cap. IIII. 40

Aurum per artem confici posse. Cap. V. 48

De-



Declaratio sententiæ Diui Thomæ Aquinatis de auro conficiendo. Cap. VI. 51

Aurum arte confectum auro natiuo posse esse perfectius. Cap. VII. 55

Modi quinque auri conficiendi natiuo meliores. Cap. VIII. 65

Aurum ut per artem conficiatur, non est necessarium habere profundam cognitionem philosophiæ. Cap. IX. 73

Aurum facilius posse fieri hodie quàm olim: ubi de cinnabari, hydargyro & aliis rebus differitur. Cap. X. 78

### LIBER TERTIVS.

DE experimentis antiquis in auro per artem faciendi. Cap. I. 93

Experimentis nostræ tempestatis in auro conficiendi. Cap. II. 103

De reprehensione eorum qui vituperant artem auri conficiendi. Cap. III. 110

Nomen diuitis competere auri faciendi peritis. Cap. IIII. 115

Aurum arte confectum non debere dici fictitium, sed verè & propriè uti natiuum. Cap. V. 118

Commonitio Authoris ad eos qui arti chymicæ operam nauant, cum dissolutione quæstionis, cur plurius istius artis professores sint. Cap. VI. 126

### FINIS.





Declaratio (Antiqua) Dni Iohannis Agrammatis de an  
re declarando. Cap. VI.  
Agrammatis re declarando. Cap. VII.  
Modi quingue aut conuentionis ratione meliores.  
Cap. VIII.  
Agrammatis re declarando. Cap. IX.  
Agrammatis re declarando. Cap. X.  
Agrammatis re declarando. Cap. XI.  
Agrammatis re declarando. Cap. XII.


## LIBER TERTIUS

De re declarando. Cap. I.  
De re declarando. Cap. II.  
De re declarando. Cap. III.  
De re declarando. Cap. IV.  
De re declarando. Cap. V.  
De re declarando. Cap. VI.  
De re declarando. Cap. VII.  
De re declarando. Cap. VIII.  
De re declarando. Cap. IX.  
De re declarando. Cap. X.  
De re declarando. Cap. XI.  
De re declarando. Cap. XII.


## LIBER IV

De re declarando. Cap. I.











9037-I<sup>e</sup>

Il conte Gianfrancesco Pico Principe e  
Lodovico della mirandola figlio di Galeoso  
fratello del C. Giovanni - la senice degli inge-  
gni oserne da questi la cessione di suoi li-  
vri confidanti nella terza parte de suoi  
stati un suo palazzo nella mirandola, e  
molte possessioni per lo jure di 30 m. du-  
cati, del ripote ricevuti come di adu 22  
aprile 1491. mori poi Giovanni li 17 Jbre  
1494. in Firenze d'anni 38.

Odiato Gianfrancesco dal suo cugino ripote  
C. Galeoso figlio di Lodovico ai 15 Jbre 1523  
questi sorpresta li notetempo la mirandola  
e entrato a mano armata nella stanza  
del rio, che stava processato a piedi di un  
crocifisso, a lui e ad albergo uno de suoi  
figli fece barbaramente armare il capo, e  
chiudere in prigione sua moglie Giovanni  
Carafa, suo figlio ultimo Paolo, e carlo  
Ortini moglie del suo primogenito e Lianton  
mosa, e virginio e Lirolando loro figli. Così  
fini di vivere l'odimo e ridestissimo Principe  
C. Gianfrancesco imitatore della virtù e degli  
immensi studi del di lui rio Cico. ed uno di  
pini suoi uomini del suo tempo la grande libe-  
ria lasciategli dal rio fu abbandonata.